

উপস্থিত হয়। তখন তাহারা খাওয়া বন্ধ করিয়া নিস্তরুভাবে বসিয়া থাকে। এক দিন এইরূপ নিস্তরুভাবে বসিয়া থাকিয়া পর দিন তাহারা খোলস পরিত্যাগ করিয়া নব কলেবর ধারণ করে। তখন তাহাদের শরীর অত্যন্ত মৃদু ও পূর্ণকার শরীর অপেক্ষা তিন গুণ বড় হয়। খোলস পরিত্যাগের আশ্রিত হইয়া ক্রিয়াকর্ম পরিত্যাগ করিয়া তাহারা ক্রিয়াকর্ম পরিত্যাগ করিয়া নিস্তরু থাকে। পরে তাহাদের উপবাসের আহার পূরণ করিবার জন্য আগ্রহের সহিত খাইতে থাকে। ৩৪ দিন এইরূপ খাইবার পর তাহাদের দ্বিতীয়বার খোলস পরিত্যাগের সময় উপস্থিত হয়। তখন প্রথম বারের তায় খাওয়া বন্ধ করিয়া নিস্তরুভাবে এক দিন থাকিবার পর দ্বিতীয় দিনে আবার খোলস পরিত্যাগ করিয়া নব কলেবর ধারণ করে। এইরূপে তাহারা চারি বার খোলস পরিত্যাগ করে এবং প্রত্যেক বার খোলস পরিত্যাগের পর তাহাদের আকার তিন গুণ বৃদ্ধি হয়। চারি বার খোলস পরিত্যাগের পর তাহারা কীটজীবনের শেষ অধ্যায়ে উপনীত হয়। এই সময় তাহারা ক্রমাগত খাইতে থাকে। ৮১০ দিন খাইবার পর তাহাদের শরীরের রং লালচে হয়। তখন বুঝা যায় যে, ইহাদের অন্ত্রে রেশমের সঞ্চয় হইয়াছে এবং ইহারা কোয়া নির্মাণের জন্য প্রস্তুত হইয়াছে। এই সময় উহাদিগকে এক একটা করিয়া পৃথক করিয়া লইয়া বাসা নির্মাণোপযোগী সর সর থাকবৃত্ত ডালাতে ছাড়িয়া দিলে

ইহারা মুখ হইতে রেশম বাহির করিয়া তাহাতে কোয়া নির্মাণ করিতে থাকে। তিন দিনের মধ্যে এক একটা সোণালী রংয়ের ঘর নির্মাণ করিয়া নিজেয়া তাহার মধ্যে আবদ্ধ হইয়া থাকে। ইহার মধ্যে আবদ্ধ হইলেও তাহাদের জীবন শেষ হয় না। তাহাদের শরীর হইতে রেশম বাহির করিতে করিতে যখন সমস্ত রেশম শেষ হইয়া যায়, তখন তাহাদের দেহের আয়তন সঙ্কুচিত হইতে থাকে এবং সঙ্কুচিত দেহের উপর পাখা নির্গমন ও নানা পরিবর্তন হয়। ঐ কোয়ার মধ্যে আট দশ দিন থাকিবার পর সেই কীটগুলি এক একটা ক্ষুদ্র প্রজাপতির আকারে কোয়ার মধ্যে হইতে কাটিয়া বাহির হয়। এই প্রজাপতিদিগের মধ্যে দুই জাতি আছে, একটা পুরুষ জাতি, অপরটি স্ত্রীজাতি। স্ত্রীজাতীয় প্রজাপতি স্বভাবতঃই দুর্বল এবং একস্থানে স্থিরভাবে পড়িয়া থাকে, কিন্তু পুংজাতীয় প্রজাপতি স্বভাবতঃই চঞ্চল। যদিও কোন জাতিরই উড়িবার ক্ষমতা থাকে না, তথাপি পুংজাতীয় প্রজাপতি ডানি ঘন ঘন নাড়িয়া ফরফর শব্দ করিতে করিতে স্ত্রীপ্রজাপতির চতুর্দিকে ঘুরিতে থাকে। কোয়া কাটিয়া তাহা হইতে বাহির হইবার পর ইহারা ৫৬ ঘণ্টা এক সঙ্গে থাকে, পরে তাহারা পৃথক হইয়া যায়। অনেক সময় তাহাদিগকে পৃথক করিয়া লইয়া পুংপ্রজাপতিটি ফেলিয়া দিয়া স্ত্রীপ্রজাপতিদিগকে একটা স্বতন্ত্র স্থানে রাখিয়া দিলে তাহারা ডিম পাড়িতে আরম্ভ করে। এই ডিম হইতে পুনরায়

কীট বাহির হয়। কাজেই দেখা যাইতেছে যে, ডিম হইতে কীট, কীট হইতে কোয়া, কোয়া হইতে প্রজাপতি, এবং প্রজাপতি হইতে আবার ডিম পাওয়া যায়।

ভিন্ন ভিন্ন অবস্থায় ইহাদের কার্যপ্রণালী ভিন্ন ভিন্ন প্রকার। কীট অবস্থায় ইহাদের কার্য কেবল আহাৰ ভিন্ন আর কিছুই নয়। এই অবস্থায় ইহারা ক্রমাগত আহাৰ করিতে থাকে। কোয়া অবস্থায় ইহাদের কোন কার্যই থাকে না, কেবল নিশ্শব্দে তাহার মধ্যে তাহাদের আকার পরিবর্তিত হইতে থাকে। প্রজাপতি অবস্থায় তাহাদের ডিম প্রসব ভিন্ন আহারাদি কিবা অল্প কোন কার্যই থাকে না। ডিম প্রসবের ৮।১০ দিন পরেই প্রজাপতিরা আপনাই মরিয়া যায়। এই ডিম সংগ্রহ করিয়া রাখিয়া চাবারা তাহা হইতে পুনরায় কোয়া উৎপন্ন করে। তসর, এণ্ডি, ও অত্যন্ত রেশমের কীটের কোয়া-প্রস্তুতপ্রণালীও একই প্রকার।

(২ কোয়া হইতে সূতা প্রস্তুত করা—
রেশমের কোয়া প্রস্তুতকরা শেষ হইলে তিন চারি দিন পরে সেই সমস্ত কোয়া রৌদ্রে দিয়া পোকা মরিয়া ফেলা হয়। কখন কখন আশুনের তাপেও তাহাদিগকে মারা হয়। কোয়ার মধ্যস্থ পোকা মরিয়া গেলে কোয়াগুলি একবার আশুনে ভাপাইয়া লইয়া পুনরায় রৌদ্রে শুকাইয়া লইয়া গরম জলে ফেলিতে হয়। গরম জলে ৪।৫ মিনিট থাকিবার পরই কোয়ার সূতা

শিথিল হইয়া যায়। সেই সময় সূতার মুখ ধরিয়া লাটামে জড়াইলে প্রত্যেক কোয়া হইতে একটি অবিচ্ছিন্ন সূত্র বাহির হইয়া আইসে, কেবল পোকাটি জলে পড়িয়া থাকে। দেশীয় ও বিদেশীয় ব্যবসায়ীরা এই সূতা সংগ্রহের নানাবিধ উপায় উদ্ভাবন করিয়াছেন। কিন্তু সকলকার কার্য-প্রণালী ঐ একইভাবে পরিচালিত। সমস্ত কোয়াটি একটি অবিচ্ছিন্ন-সূতা-নির্মিত বলিয়া, ইহা দ্বারা নানা প্রকার বহুল্পা দ্রব্যাদি প্রস্তুত হয়।

এণ্ডি প্রভৃতির কোয়া হইতে একরূপভাবে সূতা প্রস্তুত করা যায় না। ইহা কোন ক্ষার-বিশিষ্ট পদার্থের সহিত প্রথমে সিক্ত করিয়া পরে চরকা দ্বারা, কিবা পিঞ্জিরা সূতা সংগ্রহ করিতে হয়। যে সকল কোয়া হইতে প্রজাপতি কাটিয়া বাহির হইয়া গিয়াছে, তাহা হইতে অবিচ্ছিন্ন সূতা পাওয়া যায় না। তথাপি সেগুলি হইতে সূতা বাহির করিতে হইলে এণ্ডির কোয়ার স্তায় সূতা বাহির করিতে হয়। এই সূতা হইতে যে কাপড় প্রস্তুত হয়, তাহাকে ঝটকা বলে।

(৩) রেশমবস্ত্র বয়ন ও রসান—রেশম-বস্ত্রবয়নের জন্ত তাঁতের বিশেষ কোন পার্থক্য নাই, কিন্তু নানাবিধ কারুকার্য-খচিত রেশমবস্ত্রের জন্ত তাঁতের ভারতমা আছে। মুর্শিদাবাদ প্রভৃতি রেশম প্রধান স্থানে অনেক প্রসিদ্ধ তাঁতি আছে। তাহাদের হস্তনির্মিত কারুকার্যখচিত রেশম-বস্ত্র অতি সুন্দর বিলাতী বস্ত্রকেও পরাজিত

করে। ইহাদের নিজেদের উদ্ভাবিত তাঁতে
এই সকল বস্ত্র প্রস্তুত হয়। রেশমের
সুতার রং করিবার জন্য তাঁতি বিবিধ
প্রকার দেশী মশলা ব্যবহার করে।

এই রং বিলাতি রং অপেক্ষা বেশী দিন
স্থায়ী হয়।

রেশম-শিল্পের ভিন্ন ভিন্ন বিষয় ভিন্ন
ভিন্ন ভাবে বলিবার ইচ্ছা রহিল।

“ ফুল ”

(১)

কে তোমারে নিরমিল কাননসুন্দরি,
অতুল সৌন্দর্যভার, দেহেতে ধরে না আর,
স্মিতমুখে থাক সদা কারে বা নেহারি ?
কি সৌন্দর্য্য, কি মাধুর্য্য বাই বলিহারি।

(২)

হেরিয়া তোমার সেই সুচারু বদন,
নিমেষে সকলি ভুলি, সংসারযাতনাবলী,
কি আনন্দপ্রোভে যেন হই নিমগন ;
জাগ্রতে নেহারি যেন কিসের স্বপন।

(৩)

নাহিক উপমা তব জগতমাঝারে,
বিধি বুঝি নিরঞ্জন, গড়েছিল সযতনে,
লালিতামণ্ডিত তব শরীর সুন্দর,
স্বর্গজ্যোতি হেরি তাই তোমারি উপর।

(৪)

অথবা ছিলে কি কভু অমরনন্দিনী,
আপন করমদোষে, আসিগাছ তাই শেষে,
ভুঞ্জিতে পাপের ভোগ জ্বরবিমোহিনি ;
নতুবা আসিবে কেন, দেবআদরিণি।

(৫)

বালকের হও তুমি খেলার আধার,
সুবকেরা সযতনে, কণ্ঠে ধরে ভোমাদনে,

বৃদ্ধ হস্তে হও তুমি দেব-উপহার ;
রমণীকুলের তুমি প্রিয় অলঙ্কার।

(৬)

নহ শুধু স্মিতমুখি ! সৌন্দর্য্য-আধার,
সৌরভে ভূলাও প্রাণ, ভ্রমর করয়ে গান,
পঞ্চবহ বহে সদা স্নগদভাঙার ;
রূপে শুণে সমভুল কে আছে তোমার।

(৭)

কিছুই ত চিরস্থায়ী না আছে ধরায়,
এত রূপ, এত হাসি, এত যে সৌরভরাশি,
সবতো হারিয়ে ফেল নিমেষেতে হায় !
সামান্য ভপন-ভাপ সহে না যে গায়।

(৮)

এ সংসার নহে তব যোগ্য বাসস্থান,
তাপদগ্ধ এ ধরায়, সকলি দুরায়ে যায় ;
হয় নাকোঁ শুধু হায় জুগুপ্স অবসান ;
বড়ই সহিষ্ণু এই মানবপরাণ।

(৯)

যাও তবে—যাও তুমি অমরনগরে,
নন্দনকাননযাকে, সাজিয়ে মোহন সাজে,
চির তরে ভাস সদা সুখের সাগরে ;
তোমার দাক্ষণ ব্যথা সহে না অন্তরে।

(১০)

অথবা একটা বার বল রূপা করি,
কেমনে এ ছুঃখরাশি, সতত উড়াও হাসি,
কেমনে হাসাও পরে কাননসুন্দরি;
পালিব তোমার আশ্রা প্রাণপণ করি।

(১১)

দেখি যদি পারি আমি বারেক ভুলিতে,
জন্মের হতাশন, সংসারের আলাতন,

যাহাতে দহিছি নিভা এ মর ভূমিতে;
শাস্তি বুঝি নাই করু মিলে পৃথিবীতে।

(১২)

সুধায়েছি ঝর বার বছরিত জনে,
বলেনি ত তারা তবু লভিয়াছে শাস্তি করু,
তাই বলি শাস্তি নাই মানবজীবনে;
চির শাস্তি শুধু সেই শাস্তিনিকেতনে।
ত্রীচাক্ষরমোহন দে, রাজসাহী।

স্বর্গীয় উমেশচন্দ্র দত্ত মহাশয়ের আত্মজীবনী।

(পূর্বপ্রকাশিতের পর।)

শিবকৃষ্ণ বাবু আমার Guardian angel
হইয়া দেখা দিলেন। কি ভালবাসাই তিনি
বাসিতেন, কি নিঃস্বার্থ বন্ধুতার কাণ্ডাই
তিনি করিতেন। তাঁহার নিকট আমার ধর্ম
শিক্ষা, রচনা-শিক্ষা, বিচার-শিক্ষা ও মহৎ
লক্ষ্যসাধনে উৎসাহ হয়। তাঁহার বন্ধু
আমার কলিকাতায় আসিবার সুযোগ হয়।
ইতিপূর্বেই তিনি আমাকে কলিকাতা
দেখাইয়া লইয়া যান। তাঁহার সহিত বন্ধুত্বে
আমি মজিলপুরে কি উন্নত অবস্থায় ছিলাম।
তাঁহার উদ্যানে আসিয়া সঙ্গীতাদিতে আমি
কত উপকার পাইতাম। তাঁহার দ্বারা
আমার নানাবিধ উপকার হইত। মাছুবে
আমাদের এত উপকার করে, আমি কখনও
দেপি নাই।

১৮৬০-৬১ অব্দে মেডিক্যাল কলেজে
পাঠ করি। বিজ্ঞানপাঠে অনেক শিক্ষা
হয়। কিন্তু কলেজ আমার পক্ষে অযাভাবিক

স্থান বলিয়া বোধ হইত। জ্যেষ্ঠ সহোদরের
পীড়া হওয়ায় তাঁহার সম্মানদিগকে কলি-
কাতায় লইয়া আসাতে আমার কষ্টের দ্বিগুণ
হয়। অতিরিক্ত পরিশ্রমে আমার মস্তকের
ও চক্ষুর পীড়া হয় এবং শেষে ক্লান্তিপূর্ণ
বন্ধ হয়। তখন অগত্যা কলেজ ছাড়িতে
হইল। ১৮৬২ সালে বাবু হরনাথ ভট্ট প্রতী-
ষ্ঠিত জয়নগরের ইংরাজি বিভাগে শিক্ষক
নিযুক্ত হই। কালিনাথের সহিত মজিলপুর
ইংরাজি স্কুলে একত্র পড়িয়াছিলাম। শিবকৃষ্ণ
বাবুর প্রভাবে ব্রাহ্মধর্মের প্রতি ইঁহাঁরও
আকর্ষণ হয়। এক্ষণে মজিলপুরে ব্রাহ্ম-
সমাজের প্রতিষ্ঠা ও বিশেষরূপে ব্রাহ্ম
ধর্মের চর্চা হয়। তৎপরে কালিনাথের
পিতৃপ্রাকোপলক্ষে মজিলপুরে মহা
সমাজিক আন্দোলন হয়, তাহাতে আমা-
দিগকে সমাজহীন হইতে হয়।

পিতামহীর স্বর্গারোহণ— আমার

পিতামহী অতিশয় বৃদ্ধা হইয়াছিলেন। ইতিপূর্বে পতি, পুত্র ও কন্যাদিগকে হারাইয়া তিনি পাগলের মত হইয়াছিলেন। পরে পিতাঠাকুরের মৃত্যুতে একেবারে ভয়-ভ্রম ও ক্রিষ্টপ্রায় হইয়া যান। তথাপি পৌত্রপৌত্রীদিগের জন্ত তাঁহার যত্ন ও মেহের ক্রটি ছিল না। এই অবস্থায়ও তাঁহার ধর্মে অহরাগ দেখা যাইত। তিনি রাজি থাকিতে উঠিয়া দেবতাদিগের নাম ও নানা ব্রতকথা আবৃত্তিতে অনেক সময় কাটাইতেন এবং আফিক, পূজা ও দেবমূর্তিদর্শনেও অনেক সময় দিতেন।

শেযাবস্থায় কিছু দিন পীড়ায় শয্যাগত হইয়া ছিলেন। তখন আগ্রহের সহিত ব্রহ্ম-সঙ্গীত শুনিতেন। এ সময় আমাদের কনিষ্ঠ সহোদর পাঠার্থ কলিকাতায় অবস্থিতি করে এবং আমি ও জ্যেষ্ঠসহোদর মজিল-পুরে থাকি। ইনিও আমার সহিত ব্রাহ্ম ধর্মের আশ্রয় লইয়াছিলেন এবং তাঁহার পত্নী বিদ্যাশিক্ষা ও তৎসঙ্গে ব্রাহ্মধর্ম শিক্ষা করিতেন। আমি তখনও জন্ননগর জুলে শিক্ষকতা করি। গ্রামের মধ্যে আমাদের একমাত্র ব্রাহ্ম বন্ধু কালিনাথ। তাঁহারই বাটীতে সর্বদা ব্রাহ্মধর্মের চর্চা হয়। পিতামহীর পীড়া একদিন হঠাৎ বাড়িয়া উঠিল এবং তাঁহার অন্তিমকাল উপস্থিত হইল। কবিরাজ রামধন বৈজ্ঞ দেখিয়া বলিলেন “আর কেন গঙ্গার লইয়া চল।” বাটার সম্মুখস্থ “হেদোর” ঘাটে আমরা ছই ভাই কবিরাজের সহায়তায় তাঁহাকে লইয়া গেলাম। কবিরাজ “অস্তে নারায়ণ

ব্রহ্ম” বলিয়া নাম ডাকিতে লাগিলেন কিছু দূরে অনেকগুলি লোক মুক সাক্ষীর স্থায় দাঁড়াইয়া দেখিতে লাগিলেন। দেশের সর্বাপেক্ষা আত্মীয় জ্যেষ্ঠ মহাশয় দাদা মহাশয়কে পুরুরের অস্ত্র পাড় হইতে বলিতে লাগিলেন “অভয় আমাদের মতে কাজ কর্ম করিসু ত বল।” দাদা বলিলেন “মশাই এ সময় একবার আত্মন, পরে যেমন হয় করা যাইবে।” তিনি জমীদারের দেওয়ান, অমনি সরিয়া গেলেন, আর কেহ কাছে বেসিল না। তখন অপরাজ, মা কাদিতে লাগিলেন। দাদা বলিলেন “আর কাহাকেও কাজ নাই, চল আমরা ছই জনেই সব কাজ সমাধা করিব। তাঁহার বায়ুর ধাতু, রুখিলে রক্ষা নাই। ভূতা কৃষ্ণ গোয়ালাকে একখানি কুড়ুল সহিত সঙ্গে লইয়া ছই ভাইয়ে শবকন্ডে গ্রামের প্রান্তস্থিত বুড়োর ঘাটে গেলাম। সেখানে কাঠ লইয়া ভূতা চেলা করিবার উত্তোগ করিতেছে, এমন সময়ে জমীদারের ছই জন লোক আসিয়া বলিল এ স্থানে পোড়াইবার হুকুম নাই, অন্ত্র লইয়া যাও। তাহাদের একজন ভূতোর হস্ত হইতে কুড়লখানি কাড়িয়া লইয়া গেল। আমরা নিরুপায়। কিয়ৎক্ষণ পরে জমীদারের এক ভূতা আসিয়া কুড়লখানি ফিরাইয়া দিয়া বলিল “মড়া আর কোথায় লইয়া যাইবে।” আমরা তখন ভগবানকে ধন্যবাদ দিয়া তাঁহার নাম করিতে করিতে ভূতোর পরামর্শানুসারে চিতা সাজাইয়া শবদাহ করিলাম। রাজি

প্রায়েরক হইলে বাটা বাইয়া দেখি মাতা কাদিতে কাদিতে আক্ষেপ করিতেছিলেন। যথাবিধি দ্বারে অগ্নি জালিয়া আমাদিগকে বহু করিয়া ঘরে গইলেন, কিন্তু সে রাত্রি আমাদিগকে বাহির-বাটাতে থাকিতে হইল।

পরদিন দেশের লোক শবদাহ সম্বন্ধে আমাদের নামে নানা প্রকার দুর্নাম রটনা করিয়া দিল। কেহ বলিল শব পুতিয়াছে, কেহ বলিল অষ্টবধভাবে দগ্ধ করিয়াছে। মার উপর পাড়া প্রতিবাদীরা পীড়ন করিতে লাগিল। তাহারা বলিল “সন্তানদিগকে ত্যাগ কর।” তিনি তাহাদিগকে বলিলেন “আমি সব ছাড়িতে পারি, কিন্তু ছেলেদিগকে ছাড়িতে পারিব না, আর তাহাদিগকে কি দোষেই বা ছাড়িব ?” চক্ষের জলে ভাসিয়া যা আমাদিগকে বলিতেন

“তোদের ভ কোন দোষ নাই দেখিতেছি, তবে লোকে মন্দ বলে কেন? লোকে মন্দ না বলে এমন করে কি চলতে পারি না।” তিনি ইতিপূর্বে ব্রাহ্মসঙ্গীত ও ব্রাহ্মধর্মের উপদেশ শুনিতে ভাল বাসিতেন। অনেক সময় একাদশীর উপবাসে তাহাই শুনিয়া সুখানুভব করিতেন। অন্তরে ব্রাহ্ম ধর্মের প্রতি তাঁহার টান থাকিলেও সমাজের এবং প্রাচীন ধর্মবিশ্বাসের অহুরোধে কনিষ্ঠ পুত্রকে লইয়া হিন্দুধর্মমতে খাণ্ডভীর আশ্রয় গ্রহণ করিলেন। শ্রদ্ধার দিন যত নিকট হইতে লাগিল, আত্মীয় স্বজন ততই আমাদিগকে পীড়াপীড়ি করিতে লাগিলেন।

(ক্রমশঃ)

নূতন সংবাদ।

১। লণ্ডন নগরে সর্বজাতি-সম্মিলনের এক সমিতি বসিয়াছে। কুচবিহার কলেজের প্রধান অধ্যাপক শ্রীযুক্ত ব্রজেননাথ শীল মহাশয় উক্ত সভার গুৰু কার্য আরম্ভ করিয়াছেন। পাশ্চাত্য লোকদিগের সহিত এদেশের লোকের সম্বন্ধ ও তাহার আলোচনাই এই সভার উদ্দেশ্য।

২। মাজাজে কাবেরী নদীর এরাপ প্রবল বন্যা হইয়াছে যে, তাহাতে ওয়েলস্লি ব্রিজের কোন কোন অংশ ভাঙ্গিয়া গিয়াছে। ইহাতে লোকদিগকে কিরূপ

অসুবিধা ভোগ করিতে হইতেছে তাহা বলা বাহুল্য। এইরূপ বন্যা এই নদীতে আর কখনও হয় নাই।

৩। চীন গবর্ণমেন্ট এইরূপ ব্যবস্থা করিয়াছেন যে, ইংরাজি ১৯১২ সালের জানুয়ারি মাস হইতে পারস্য ও তুরকের আফিম চীনসাম্রাজ্যে আর আমদানী হইতে পারিবে না।

৪। কলিকাতা ধর্মতলার মোড়ে ট্রাম-যাত্রিগণের জন্য একটি বিশ্রামস্থান শীঘ্রই নির্মিত হইবে।

৫। গুনা বাইতেছে, লণ্ডন নগরে এক

নূতন “সর্বোচ্চ আপীল আদালত” প্রতিষ্ঠিত হইবে। এই আদালতই নাকি ব্রিটিশ সম্রাজ্যের সর্বোচ্চ আপীল আদালত হইবে।

৬। কেহ কেহ বলেন যে, কেঁচোর শরীর হইতে যে একপ্রকার উজ্জ্বল রস বহির্গত হয়, সেই রস সর্পবিষের অব্যর্থ ঔষধ। এই রস জলের সহিত মিশাইয়া এক ঘণ্টা অন্তর তিন চারি বার সেবন করিতে হয়। প্রেগরোগেরও ইহা উত্তম ঔষধ।

৭। আমাদের দেশের প্রাচীন বিদ্যা ও প্রাচীন ভাষাসমূহের যাহাতে সম্যক উন্নতি হয়, তাহার উপায় নির্ধারণ করিবার জন্য বহু প্রাচীন ভাষাবিদ পণ্ডিতগণের সম্মিলনে, বটলার সাহেবের সভাপতিত্বে, সিমলায় এক সভার অধিবেশন হয়। ইহাতে স্থির হইয়াছে যে, প্রাচীন ভাষাসমূহের অধিকতর আলোচনার ব্যবস্থার জন্য কলিকাতা নগরীতে একটা প্রধান বিদ্যালয় প্রতিষ্ঠিত হইবে। পণ্ডিত ও মৌলবীদিগকেও নানা উপায়ে বিশেষরূপে উৎসাহিত করা হইবে।

৮। বৃত্তিকামনায় বোম্বাই নগরে এক ইক্ষমজের অনুষ্ঠান হইয়া গিয়াছে। ইহাতে দশ সহস্র টাকা ব্যয় হইয়াছে। যজ্ঞকালে অনেক স্থানেই বৃত্তির আভাস পাওয়া গিয়াছে।

৯। আগামী ২রা ডিসেম্বর ভারত-সম্রাট পঞ্চম জর্জ বোম্বাই বন্দরে পৌঁছি-

বেন। সম্রাটের সমভিব্যাহারে ভারত-ষ্টেট সেক্রেটারী লর্ড ক্র, তাঁহার পত্নী এবং রাজপরিবারস্থ ২৬ জন লোক আসিবেন। তাঁহারা ৭ই ডিসেম্বর বোম্বাই হইতে যাত্রা করিয়া দিল্লীতে আসিয়া পৌঁছিবেন। ১২ই ডিসেম্বর দিল্লীতে দরবার হইবে। তৎপরে ১৬ই তিনি নেপাল যাত্রা করিবেন। এই সময়ে সম্রাজ্ঞী আগ্রা ও মধ্যভারত পরিভ্রমণ করিবেন। ২রা জানুয়ারি সম্রাট ও সম্রাজ্ঞী কলিকাতার আগমনের জন্য যাত্রা করিবেন। এখানে ৩রা আসিয়া পৌঁছিবেন, এইরূপ অবধারিত হইয়াছে, শুনিতেছি।

১০। আমেরিকায় অন্টেরিও, মিশিগান প্রভৃতি স্থানে ভীষণ অগ্নি-ঝটিকা প্রবাহিত হওয়ায় দাবানলের উৎপত্তি হইয়াছে। শত শত ক্রোশবাগী বনভূভাগ সকল প্রজ্বলিত হইয়া উঠিয়াছে। কয়েকটি নগর পুড়িয়া একেবারে ভস্মীভূত হইয়া গিয়াছে। নরনারী সকলে দলবদ্ধ হইয়া হ্রদের সলিলে ঝপ্প দিয়া পড়িতেছে। অনেকে হ্রদের জলে ডুবিয়া প্রাণ হারাইতেছে। এক পরকুপাইন নগর ভস্মসাৎ হওয়ায় প্রায় চারি শত লোক মৃত্যুমুখে পতিত হইয়াছে। তাহার উপর পুনঃপুনঃ প্রবল ঝড়। প্রতিদিনই নূতন নূতন নগরে অগ্নি লাগিতেছে। সর্বত্রই একেবারে জাহি জাহি শব্দ শুনা যাইতেছে। কি ভীষণ ব্যাণার!

বামারচনা।

আকাজ্জক।

সকল ভুলায়ে প্রভো মোরে, তোমারে	সংসারের কোন জুখ না দিবে বেদনা।
গো ভুলায়ে না।	সকল ভুলায়ে প্রভো মোরে, তোমারে
আমার সকলি তুমি	গো ভুলায়ে না।
হে নাথ। অগংগামী।	(২)
লও গো নিঃশেষ করি—তুমি যেন বেও	সব মম ভেঙ্গে যাক, সব ভয় হয়ে যাক,
না।	গুধু—তুমি গো “প্রাণের হরি”—তুমি
জগতের যত সাধ, বাসনা, কামনা,	যেন বেও না।
সব লও দূর করি,	সংসারের হেলাফেলা, চারি দিকে
জীবনের হেয় যত আকাজ্জক পিপাসা,	জীলাখেলা,
সকলি লও গো হরি’,	কেমন অনিত্য সব দেখ নাথ। দেখ না।
ডরিব না, ভবিষ্যৎ ভাবিব না,	তুমি যে গো ধ্রুব-তারা তুমি যেন বেও না।
তোমা বই আর কিছু প্রাণ যে গো	সকল ভুলায়ে প্রভো মোরে, তোমারে
চাহে না।	গো ভুলায়ে না।
তোমার এ ধরাপরে, তোমারে পাইলে	কুমারী প্রেমকুসুম নাগ,
পরে,	ময়মনসিংহ।

হরি-ভক্তি।

হরি পদে মন	কর সমর্পণ ;	হরিনাম গাই ভাই।
হরিপদ কর সার।		হরির প্রসাদে, হরিপদে মেতে,
হরিগুণ গান	প্রেমস্থখা পান ,	হরি হরি নাম গাই।
হরি বল অনিবার ॥		হরি বিনে ভাই গতি আর নাই ;
হরিনামে হৃদ	পাপ তাপ ক্ষয় ;	হরি হরি সবে বল।
হরি বিনে নাহি গতি।		হরিগুণ গেয়ে, হরি প্রাণে নিয়ে ;
হরিগুণ গাই	সবে মিলে ভাই ;	হরিধামে নাই চল ॥
সে পদে করি প্রণতি ॥		প্রীমতী প্রভাবতী।
হরি হরি বলে,	ছুটী বাছ তুলে ;	

মৃত্যু।

শীতের কুহেলীময়, উত্তরে বাতাস বয়,
শাখা হতে পাতাগুলি ঝরে পড়ে যায়।
ফুলগুলি স্নান বেশে, বৃষ্টি হতে পড়ে খসে,
অবশ হইয়া যেন কত বেদনার।

সন্ধ্যায় তারকা উঠে, সারা রাত থাকে ফুটে,
কোথায় ডুবিয়ে যায় প্রভাতের বায়।
সকল নিয়মমত, চলিতেছে অবিরত
সবারি সময় আছে, কিন্তু হে মরণ!
সকল সময়ে শুধু তব আগমন।

জীবনের কাজ যত, কর্তব্য কঠিন ব্রত
সাধিতে সারাটা দিন রয়েছে বিস্তৃত।
সন্ধ্যাবেলা জ্বলে বাতি, মিলি প্রিয় সখা
সাথি,
আমোদ প্রমোদ তরে প্রফুল্লিতচিত।
নীরব নিঃশব্দ নিশি, নির্জনে একাকী বসি,
স্মরিতে, ডাকিতে দেই জগতজীবন,
সমস্ত সময় শুধু তোমার কারণ।

বন্ধগণ মিলি সূখে প্রীতি নিমন্ত্রণ,
বাপীয়ে কোমল স্নেহে, মলিনতা যায় দূরে,
কিছা শোক হৃদয়ে হয় ত্রিয়মাণ মন
বৃক্ষাটী যাতনার, লুকানো আঁখির ধার,
সবারি সময় আছে কিন্তু হে মরণ!
সমস্ত সময় আছে তোমার কারণ।

মানববোবন যবে, ফুটে উঠে পূর্ণ ভাবে,
ফুলটি ফুটিয়ে উঠে মধু বিকিরণে,
ধ্বংসকে উপেক্ষা করে, ঠেলে দেয় দুর্গা-
ভরে,

তোমাকে ও ঘৃণা করে মধুর জীবনে।
ফুটিয়ে লইব হরে' ভাবিয়া উপেক্ষা করে,
সে জাতীয় নহ তুমি অফুটন্ত কলি
সবলে বিনাশ কর চরণেতে দলি।

শীতের কুহেলীময়, উত্তরে বাতাস বয়,
শাখা হ'তে পাতাগুলি ঝরে পড়ে যায়।
ফুলগুলি স্নান বেশে, বৃষ্টি হতে পড়ে খসে,
অবশ হইয়া যেন কত বেদনার।
সন্ধ্যায় তারকা উঠে, সারারাত থাকে
ফুটে,

কোথায় ডুবিয়ে যায় প্রভাতের বায়।
সকল নিয়মমত, চলিতেছে অবিরত,
সবারি সময় আছে, কিন্তু হে মরণ!
অনিয়মে, অসময়ে তব আগমন।

জানি মোরা কবে চাঁদ পূর্ণ হয়ে উঠে,
কোকিলের গানে কবে বনে মধু ছুটে,
শরতে চন্দনের গাছে, গোপালী বরণ
রাজে,

কিন্তু কে বলিবে কবে প্রস্তুত হইয়া
সাদরে তোমায় মৃত্যু! লইব বরিয়া।

যখন ফাগুনে বায় ধীরে ধীরে কানে
বলে দেয় প্রাকুটিত সুধি কোনুথানে,
তখন কি আস তুমি, অথবা চুমিয়ে তুমি
ফুলগুলি ঝরে যবে গ্রীষ্ম অবসানে?
কে বলিয়ে দিবে হায়, কবে তব অপে-
ক্ষায়,
রহিব আমরা ভয়ব্যাকুলিত মনে।

লাগরের বক্ষ পুত্র ফেনমালামর
 সেথায় বিরাজ তুমি সকল সময় ।
 মধুর বাণীর স্বর, সমীরে করিয়া ভর,
 মিশে যায় শূন্য পথে, পাষণ্ডজনয় ।
 সেখানেও অবস্থিতি তোমার নিশ্চয় ।
 অথ শাস্তি যথু ভরা মেহের ভবন
 প্রতিপদে পাই সেথা তব নিদর্শন ।
 কর্মক্ষেত্রে দূর দেশে, গেলেও ভীষণ
 বেশে,
 সঙ্গে সঙ্গে তুমি যুত্বা । করহে গমন,
 পৃথিবীর সর্বস্থানে তুমি হে শমন ।
 সখায় সখায় বেধা অথের মিলন
 সেখানেও আছে তুমি নিষ্ঠুর মরণ ।
 অথট বৃক্ষের ছায়, যুহল দক্ষিণা বায় ।
 আরাম বিশ্রাম বেধা রহে অহঙ্কণ,
 সেখানেও পাই সধা তব দরশন ।

ভীক্ষু অন্ন করে ধরি, বাজাইয়া রণভেরী,
 গগন বিদীর্ণ করি হয় যথা রণ,
 জিহ্বাংসার হাসি দহে, শোণিতলহরী
 বহে,
 অঙ্গাঘাতে চূর্ণ হয় মাথার ভূষণ,
 সেখানেও আছে তুমি অজ্ঞাত মরণ ।
 শীতের কুহেলীময়, উত্তরে বাতাস বয়,
 শাখা হতে পাতাগুলি ঝরে পড়ে যায় ।
 ফুলগুলি স্নান বেশে বৃন্ত হতে পড়ে খসে,
 অবশ হইয়া যেন কত বেদনায় ।
 সন্ধ্যায় তারকা উঠে, সারা রাত থাকে
 ফুটে,
 কোথায় ডুবিয়ে যায় প্রভাতের বায় ।
 সকলি নিয়মমত, চলিতেছে অবিরত,
 সবাবি সময় আছে, কিন্তু হে মরণ ।
 অনিয়মে অগময়ে তব আগমন ।

বামাবোধিনী পত্রিকা

No. 577-78.

Sept. & Oct., 1911.

“কন্যাপ্তেবং পালনীয়া শিল্পশীয়াতিয়ত্ততঃ।”

কল্যাকে পালন করিবেক ও যত্নের সহিত শিক্ষা দিবেক।

স্বর্গীয় মহাত্মা উমেশচন্দ্র দত্ত বি. এ. কর্তৃক প্রবর্তিত।

৪৯ বর্ষ।
৫৭৭-৭৮ সংখ্যা।

আশ্বিন, কার্তিক, ১৩১৮।

৯ম কল্প।
৪র্থ ভাগ।

বামাবোধিনীর ঊনপঞ্চাশৎ জন্মোৎসব।

প্রভু পরমেশ্বরের অপার করুণায় বামাবোধিনী আজ অষ্টচত্বারিংশ বর্ষ অতিক্রম করিয়া ঊনপঞ্চাশৎ বৎসরে পদার্পণ করিল। এই প্রায় অর্দ্ধ শতাব্দী কালের মধ্যে ইহার জীবনের ঘটনা সকল স্মরণ করিলে ভগবানের আশ্চর্য্য করুণার নিদর্শন দেখিয়া স্তম্ভিত হইতে হয়। বিশেষতঃ বিগত চারি বৎসর কাল পিতৃহীনাবস্থায় কি মহাপরীক্ষার মধ্য দিয়া ইহাকে আপন ক্ষীণ দেহখানি লইয়া বৎসর অতিক্রম করিতে হইতেছে তাহা চিন্তা করিলে ইহার সম্বন্ধে ভগবানের কোন মহান উদ্দেশ্য আছোঁবুঝিতে পারিয়া আমরা নিকংসাহ ও অবসন্ন হৃদয়ে বলা যাত করি। মনুষ্য অন্ধ, দুঃসময় ও পরীক্ষা

আসিলেই একেবারে ভাঙ্গিয়া পড়ে এবং মোর দুর্দিনের মধ্যেও সেই চিরমঙ্গলালয়ের মঙ্গল হস্ত প্রসারিত রহিয়াছে, তাহা দেখিতে পায় না। প্রতি মুহূর্ত্তে ইহার আয়ুর শেষ হইল ভাবিয়া আমরা বিকম্পিত হইতেছি, কিন্তু কি জানি কোন অদৃষ্ট হস্ত মিত্রবায়ু সফরাদে এই শুদ্ধপ্রায় মুমূর্ষু কতটীকে পুনর্জীবিত করিতেছে। আজ সেই বিস্ময়নাশন মঙ্গলময়ের চরণে প্রাণের কৃতজ্ঞতা ও ভক্তিগ্ন গহিত প্রণাম করি। ইহার যে স্বর্গীয় প্রতিষ্ঠাতা জীবনের শেষ নিঃশ্বাস পর্য্যন্ত ইহার মঙ্গলসাধনোদ্দেশ্যে ভাবিয়াছেন এবং বাঁহার অভাবে আজ ইহাকে অশেষ বিপদরাশির মধ্য দিয়া অতিকট্টে জীবনের পথে অগ্রসর

হুইতে হুইতেছে, তাঁহাকে স্মরণ করি ও তাঁহার চরণে প্রণাম করি। তৎপরে যে সকল সজ্জন ও সজ্জন্যা লেখক লেখিকা ইহার শত অপরাধ ও ত্রুটি আর্জনা পূর্বক ইহাকে এখনও প্রাণের সহিত ভাল বাসিয়া ইহাতে নিয়মিতরূপে প্রবন্ধাদি প্রেরণ ও ইহার উন্নতিকল্পে অসীম বক্তৃতা ও সহায়তা করিতেছেন, তাঁহাদিগকেও প্রাণের ধন্যবাদ প্রদান করিয়া আজ আমরা সকলের আশীর্বাদ ভিক্ষা করি।

বিগত ৩১শে ভাদ্র, রবিবার, বামাবোধিনীর সাপ্তাহিক জন্মোৎসব সুসম্পন্ন হইয়া গিয়াছে। এই উপলক্ষে প্রকাশ্যে শ্রীযুক্ত, অধ্যাপক চট্টোপাধ্যায় মহাশয় উপাসনার এবং শ্রীযুক্ত হেমেন্দ্রনাথ সিংহ মহাশয় সভাপতির কার্য করেন। কয়েকজন হিতৈষী বন্ধু ইহার উন্নতিকল্পে কয়েকটা বিষয়ের আলোচনা করিলেন। তৎপরে সভাকাজ হয়।

বামাবোধিনীর জন্মদিনে।

১
তরুণ অরুণ রাগে, গোণামুখী উবা জাগে,
সুবর্ণ-অচলে,

ভার শুভ স্পর্শ পেয়ে, বহুমতী হর্ষে চেয়ে,
সজীবনমস্ত্রে জীয়ে মৃত প্রাণিদলে।

২
অর্দ্ধ শতাব্দীর আগে, অকণের রক্ত রাগে
ভরা ভাদ্র মাসে,
নিভা ধরা করে স্নান, গলায় উছলে বান,
কে যেন অবনী ভরে স্নেহের আশাসে।

৩
সেই কালে, সেই যুগে, বঙ্গ জননীর বুকে,
এক তপোবনে,
হঠাৎ গবি তপোব্রত (বঙ্গবালা-হিত-ব্রত)
জন্মিল মাননী মেয়ে সে শুভ মননে।

৪
বিধাতার কৃপা বাপি, নারায়ণ কল্যাণ লাগি,

পিতা সে বালায়—

কত মত দিলা শিক্ষা, মহামন্ত্রে দিয়া নীক্ষা
অন্তঃপুর নিজজনে প্রেরিয়া তাহার।

৫
আগি সেই অভাগিনী, জনকের আদরিণী
সে “বামাবোধিনী”,
পিতৃ আজ্ঞা পালিবারে, মুরিতেছি দ্বারে দ্বারে
তোমা সবে সেবিবারে প্রাণের ভগিনি।

৬
তোমরা ছুরার গুলি, স্নেহার্জ নরন তুলি,
কাছে লহ ডেকে,
আজি আমি পিতৃহীনা, ভগিনীর প্রীতি বিনা,
কি চাহিব শূণ্য বুকে এ মরতে থেকে ?

৭
পিতা দিয়াছেন কহি, আমি অস্ত্র কিছু নহি,
সেবা মুষ্টিমতী,

সিতা দিয়াছেন কহি, আমি ভিখারিণী নহি,
বিলাইব জ্ঞান ধর্ম করণা ভক্তি।

৮

আজি পিতা বহু দূরে, স্বর্গে—সে অমরপুরে,
আমি ধরাভলে;
তবু তাঁর স্মরণাশি, বায়ুতরে আসে আসি,
অগস্ত্য জীবনী দিতে এ দীন দুর্ভলে।

৯

হে পিতা, আরাধ্যতম, ও পদে প্রণতি মম,

হৃহিতা তোমার,
বিধাতার শুভাশীষে, সংসারের শত বিধে
নাহি হোক জরাজীর্ণ আয়ুর্কাল তার;
সমস্ত শক্তি ঢালি, তোমার আদেশ পালি,
কিরে যেন ভব কোলে, বলিব কি আর,
তুমি পিতা; স্বর্গ ধর্ম তপস্বী তাহার।
সাম্যবোধিনী।

সাময়িক প্রসঙ্গ।

১। মৃত্যু—রত্নপস্থ ভারতের আজ
কি চূর্ণদশা! এই অল্প জুইমান কালের মধ্যে
ভারতমাতা কতগুলি রত্ন হইতে বঞ্চিত
হইলেন, তাহা একবার চিন্তা করিলে
শোকে অধীর হইতে হয়, জনর বিদীর্ণ
হইয়া যায়। প্রথমতঃ বহুভাষাভিঃ শ্রীযুক্ত
হরিনাথ দে মানবলীলা সংবরণ করিলেন।
তিনি ৩৪বৎসর কাল মাত্র জীবিত ছিলেন,
তন্মধ্যে ৩০টা ভাষা শিক্ষা করিয়া-
ছিলেন, এবং তাহার কয়েকটিতে অতীত
কৃতিত্বের সহিত এম, এ, পরীক্ষায় উত্তীর্ণ
হন। একদা অল্প সময়ের মধ্যে তিনি
এক একটা ভাষায় একেবারে পণ্ডিত
হইতে পারিতেন যে তাহা অতীত আশ্চর্য-
জনক। তাঁহার মৃত্যু অল্প পরসে এতগুলি
ভাষায় সুপণ্ডিত জগতে বিরল। তিনি
অতীত পরোপকারী ছিলেন। ভগবান্
তাঁহার বৃদ্ধা জননী, এবং তাঁহার পরিবার
ও আত্মীয়স্বজনকে শান্তি প্রদান করুন।

ইহার পর হায়দ্রাবাদের নিজাম পর-
লোক গমন করেন।

ভাহার পরই বিজ্ঞানমুগ্ধা বজ্রপাত।
মিথ্যা মৃত্যুসংবাদটমার অব্যবহিত পরেই
কুচবিহারমিপতি, লেঃ কর্ণেল মহারাজ
শ্রীমূণ্ডেন্দ্রনারায়ণ ভূপ বাহাদুরদেহভূগ-
করিয়া পরলোকে চলিয়া যান। প্রায় দেড়
বৎসর পূর্বে স্বাস্থ্যোন্নতির জন্ত তিনি
ইংলণ্ডে গমন করিয়াছিলেন। তথায় কয়েক
মাস অবস্থানের পর বাহোর কিঞ্চিৎ উন্নতি
দেখিয়া স্বদেশ প্রত্যাপননের অভিলাষ
প্রকাশ করেন। কিন্তু ভারত-সম্রাট
এডওয়ার্ডের মৃত্যুতে তাহা স্থগিত করিতে
হয়। পরে বর্তমান ভারত সম্রাট, পঞ্চম
জর্জের রাজ্যাভিষেকের পর তাঁহার স্বদেশে
প্রত্যাপননের দিন স্থির হয়। কিন্তু হায়,
হয়রোগ্য ব্যাধি তাঁহাকে কালকবলে
নিষ্কিন্ত করিল। তিনি বঙ্গদেশের
সর্বপ্রধান মিত্ররাজ ছিলেন। অসামান্য

উদারতা, মহানুভবতা, বদান্ততা, দেহ-
বিত্তৈবণা প্রভৃতি নানা গুণে তিনি সর্ব-
সাধারণের পিয়পাত্র হইয়াছিলেন। পার্শ্ব-
বন, সম্পদ, মান, সম্মান অনেকেরই
থাকে, কিন্তু কয়জন তাঁহার জ্ঞান
বাগিতের বেদনা অহুভব ও দরিদ্রের
অভাব বিমোচন করিয়া থাকেন। ইনি
আজীবন বহুসাহিত্যের পৃষ্ঠপোষক। ব্রীটিশ
গবর্ণমেণ্টকে নানা প্রকারে সহায়তা করিয়া
ইনি শাসনকর্তাদিগের ধন্যবাদের পাত্র
হইয়াছিলেন এবং বহু পুরস্কারাদিও পাইয়া-
ছিলেন। অধিক কি, তিনি যুবরাজ প্রিন্স
অব ওয়েলসের Hony. Aide de camp,
ইংরাজ সৈন্যদলের Lieutenant colo-
nel প্রভৃতি পদেও অধিষ্ঠিত ছিলেন এবং
সময়ে ভারত-মন্ত্রীদের পক্ষাবলম্বনপূর্বক
সমর নৈপুণ্য প্রদর্শন করিয়া বিশেষ
প্রশংসা লাভ করিয়াছিলেন। তাঁহার কীর্তি
সকল দর্শন করিলে তাঁহার কি গভীর
স্বদেশপ্রেম ছিল, তাহা স্পষ্টই অনুমিত
হয়। এই সকল গুণে তিনি বেক্সপ
অলঙ্কৃত ছিলেন, জীড়াদিতেও সেইরূপ
সুখ্য প্রাপ্ত হইয়াছিলেন। পোলো টেনিস
প্রভৃতি খেলায় তাঁহার অত্যন্ত পারদর্শিতা
ছিল বলিয়া তিনি ইংরাজদিগের সম্মান
আকর্ষণ করিতে পারিয়াছিলেন। ইনি
খৃষ্টীয় ভক্ত কেশবচন্দ্র সেন মহাশয়ের
জ্যেষ্ঠ জামাতা। ইহার বয়স্ক ৪৯ বৎসর
মাত্র হইয়াছিল। হায়! বিধি কি বিচিত্র
বিধান! অকালে ইহার জীবনরবি
অস্তমিত হইল। যাত্রার ইচ্ছায় সকলই

সাদিত হয়, সেই বিশ্ববিধাতা! তাঁহার
শোকার্জ পরিবারে শান্তিবিধান করুন,
ইহাই আমাদের প্রার্থনা।

তৎপরে আর কি বধিব। বিধাতা
যেন তাঁহার আদরের সামগ্রী কয়টাকে
একে একে ফোড়ে তুলিয়া লইতেছেন।
বিগত ৪৮ আশ্বিন, বৃহস্পতিবার, বেলা
এগারটার সময় বৈষ্ণুকুলচন্দ্রামণি বিজয়রত্ন
সেন মহাশয় সজ্জানে ধর্মদাম পরি-
ভাগ করিয়াছেন। বঙ্গমাতা তাঁহার
প্রতিভাসম্পন্ন, বিজ্ঞ, বীর, উদারচিত্ত,
সদালাপী চিকিৎসককে হারাইলেন। যে
বহু হারাইল, তাহা শীঘ্র পূর্ণ হইবার নহে।
বনামধাত স্বর্গীয় গঙ্গাপ্রগাদ সেন মহা-
শয়ের কনিষ্ঠা ভগ্নিনী বিজয়রত্নের মাতা।
বিজয়রত্ন তাঁহার মাতার তৃতীয় সন্তান।
ইনি অল্প বয়সেই দুর্ভাগ্য শাস্ত্র সকল অধায়ন
করিয়াছিলেন। পাঠ্যাবস্থা সমাপ্ত হইবার
পর তাঁহার অনামা প্রভিভা, চিকিৎসা-
নৈপুণ্য এবং আত্মের প্রতি যত্ন দর্শন
করিয়া ও তাঁহার সদালাপে মুগ্ধ হইয়া
বহু সম্রাট ব্যক্তি স্ব স্ব গৃহে চিকিৎসার
জন্ত তাঁহাকে আহ্বান করিতে লাগিলেন।
অল্পদিনের মধ্যেই তাঁহার প্রসার ও প্রতি-
পত্তির একপ রুচ্চি হইয়াছিল যে, ক্রমে
তাহা বঙ্গদেশকে প্রাবিত করিয়া ভারতের
অস্তান্ত প্রদেশেও প্রবেশলাভ করিয়া-
ছিল। “সুদূর বেঙ্গলিষ্টান হইতে ব্রহ্মদেশ
পর্যন্ত, এবং নেপাল, সিকিম ও কাশ্মীর
হইতে লঙ্কাবীপ পর্যন্ত তাঁহার যশ বিস্তীর্ণ
হইয়াছিল। আমেরিকা, ইংলণ্ড জর্জী

প্রভৃতি পাশ্চাত্যদেশেও তাঁহার যশ ব্যাপ্ত হইয়া পড়িয়াছে। তাঁহার অনীমুগ্ধগ্ৰামের জন্ম মহামাত্র বঙ্গেশ্বর তাঁহাকে উপাধি প্রদান করেন। এই রাজসম্মানপ্রাপ্তির পর তিন বৎসর মাত্র অতীত হইতে না হইতেই তিনি ইহলোক পরিত্যাগ করিয়া বিধ জননীর কোড়ে আশ্রয় গ্রহণ করিলেন। পরমেশ্বর তাঁহার শিবা ও পরিবারবর্গকে সান্ত্বনা প্রদান করুন।

ইহার পর গত মহাষ্টমীর দিন দেশ হিতৈষী, কর্মবীর, ভক্তপুত্র, সত্যবাদী, দয়ালু শ্রীযুক্ত রাজেন্দ্রনাথ মুখোপাধ্যায় পরলোক গমন করিয়াছেন। ইনি পূজ্য-তম শ্রীযুক্ত রাজা পার্শ্বমোহন মুখোপাধ্যায় মহাশয়ের কোঠপুত্র। লীলাময় ভগবান তাঁহার বৃদ্ধ পিতার শোক দূর করুন।

আবার গত বুধবার ১০ই আশ্বিন, কালীঘর বেদান্তরাগীশ মহাশয় লোকান্তরিত হইয়াছেন। তিনি অতিশয় ধর্মভীরু ও সত্যনিষ্ঠ ছিলেন। জীবদ্ভাব অবস্থাতেও তাঁহার শাস্ত্রচর্চার বিরাম ছিল না। বহু দর্শনশাস্ত্র অন্বেষণ করিয়া তিনি মাতৃভাষার অঙ্গপুষ্টি করিয়াছিলেন। বহুদিন তাঁহার বেদান্ত, সাংখ্য, পাতঞ্জল প্রভৃতি গ্রন্থ বিস্তারিত থাকিবে ততদিন তাঁহার স্মৃতি উজ্জলরূপে প্রতিষ্ঠিত থাকিবে।

ভক্ত দেবেজনাথ—মিনি কলিকাতার অন্তর্গত ইটলীতে রামকৃষ্ণ মিশন প্রতিষ্ঠিত করিয়াছিলেন, তাঁহার সংস্পর্শে আদিয়া বহু সংসারতাপে তাপিত নরনারী শান্তি-

সুখা লাভ করিতেন, গত ২৭শে আশ্বিন ৬৮ বৎসর বয়সে তাঁহারও তিরোভাব হইয়াছে।

তীর্থ কালের কথা আর কত বলিবা! মানবরত্নমালা বুঝি ভগবানের যশোপাতি গান করিতে করিতে অনন্তধামে চলিয়া বাইলেন। ভগিনী নিবেদিতা (Sister Nivedita) অথবা কুমারী নোবল (Miss Margaret E. Noble) গত ২৬শে আশ্বিন, শুক্রবার, অনন্তধামে চলিয়া গিয়াছেন। তাঁহার নাম সকলেরই নিকট পরিচিত। তিনি আইরিসম্রাজ্যের আমেরিকাবাদিনী। শিক্ষা দীক্ষায় তিনি কৃষ্ণ ছিলেন বটে, কিন্তু আচার ব্যবহারে নিষ্ঠাবর্তী হিন্দু কুমারীর ছায়। স্বর্গীয় বিবেকানন্দ যখন আমেরিকার সিকাগো (Chicago) নগরে Religious congress-এ গমন করিয়া, ৪জ্যৈষ্ঠী বসন্তায় সমগ্র দেশকে উত্তেজিত করিয়াছিলেন, সেই সময় প্রদেয় ভগ্নী নিবেদিতা তাঁহার প্রতি অমুরাগিণী হইয়া স্বদেশ ত্যাগ করতঃ ভারতে গুভাগমন করেন। এখানে আগমন করিয়া তিনি রামকৃষ্ণ-মিশন-কর্ত্তে প্রতী হইলেন। পরে তিনি 'নিবেদিতা' এই নাম গ্রহণ করেন। এই মার্কিন বিদ্বতী যুবতী একাকিনী বঙ্গদেশে আসিয়া ঠিক বাঙ্গালি স্ত্রীলোকের ছায় ছিলেন। তিনি যেক্রপ জগদ্ধিতা, সেইরূপ জগদ্বিতাও ছিলেন। হিন্দুধর্মের প্রতি তাঁহার প্রগাঢ় ভক্তি ও অমুরাগ ছিল, এমন কি অনেক হিন্দু-সন্তানের স্বর্গে সেরূপ অমুরাগ দেখা

থায় না। তিনি প্রাণের সহিত ভারতকে ভালবাসিতেন এবং ইহার কল্যাণসাধনে প্রাণান্ত পরিশ্রম করিতেও কুষ্ঠিত হইতেন না। এদেশবাসীরা কিপ্রকারে উন্নত হইবেন, ইহাই সর্বদা তাঁহার চিন্তার বিষয় ছিল। এতদেশীয় জীবাতির উন্নতিকল্পে তিনি তাঁহার জীবন উৎসর্গ করিয়াছিলেন। কলিকাতায় বাগবাজারে তাঁহার বাসা ছিল। জীলোকদিগের শিক্ষার জন্য তিনি বোমপাড়া গেলেন একটি বিজ্ঞান্য স্থাপন করিয়াছিলেন। তাহাতে ভ্রমভ্য জীলোকগণ অনেক উপকার পাইতেন। তিনি যেকোন ক্ষমতা বজ্জতা করিতে পারিতেন, সেইরূপ সুযোগিকাও ছিলেন। তিনি বহু অনাথ ও অনাথাঙ্গিকে অকাতরে সাহায্য করিতেন। বাহাদের বদান্ততায় বেগুড়ে রামকৃষ্ণ মঠ স্থাপিত হয়, তাঁহাদের মধ্যে তিনি একজন। প্রাচীন যোগিগণদিগের বাসস্থান, অত্র ভেদী হিমাচল পর্বতে দার্জিলিং আমাশয় রোগে তিনি মৃত্যুমুখে পতিত হইয়াছেন। তাঁহার এই অকাল মৃত্যুতে আমরা বার পর নাই ব্যথিত হইয়াছি। সর্বমঙ্গলময় ভগবান্ তাঁহার পবিত্র আত্মাকে চিরস্থায় ও চিরশান্তিতে রক্ষা করুন।

শ্রীযুক্ত বিপিনচন্দ্র-পাল—গত ৬ই অক্টোবর পাণ্ডুরাম নামক জাহাজে বোম্বাই পুলিশের ডেপুটি কমিশনার ভিন্সেন্ট সাহেব বিপিন বাবুকে প্রেরণ করেন। বিপিন

বাবু ইংলণ্ডে আগমনকালে অরাজনামক একখানি ইংরাজি সংবাদপত্র প্রকাশ করিয়াছিলেন এবং তাহাতে Etymology of Bomb শীর্ষক এক প্রবন্ধ লিখিয়া ছিলেন। বিপিন বাবু দোম স্বীকার ও ক্ষমা প্রার্থনা করিলেও ম্যাজিস্ট্রেট আমস্টন সাহেব তাঁহাকে বিনা পরিগ্রমে এক মাসের কারাদণ্ড প্রদান করিয়াছেন।

তুর্কী ও ইটালীয় সমর—তুরক ও ইটালীতে মিশোলা লইয়া যে যুদ্ধ আরম্ভ হইয়াছে, ইউরোপীয় শক্তিমুহুর চেষ্টায়, বিশেষতঃ জর্মণীর আগ্রহে গত ১১ই অক্টোবর তারিখে ইটালী ও তুরক আপ-তন্তঃ তাহা বন্ধ রাখিতে সম্মত হইয়াছেন।

চীন সাম্রাজ্যে বিষম বিপ্লব—চীন-বাসিগণ তাহাদের সম্রাটের হস্ত হইতে চীনের শাসনভার কড়িয়া লইবার জন্য চেষ্টা করিতেছে। সমগ্র চীনবাসী বাহাতে বিদ্রোহী হয়, তজ্জন্ত বিশেষ চেষ্টা হইতেছে।

দান—হারবারের মহারাজা বাহাদুর প্রস্তাবিত হিন্দু বিশ্ববিদ্যালয়ে পাঁচ লক্ষ টাকা প্রদান করিতে প্রতিশ্রুত হইয়াছেন। তাঁহার এই বদান্ততায় হিন্দু বিশ্ববিদ্যালয় তাঁহার নিকট চিরঋণী থাকিবে।

স্বর্গীয় রাজা রামমোহন রায়ের স্মৃতি-সভা—গত ২৭শে সেপ্টেম্বর কলিকাতায় শ্রী কলেজভবনে রামমোহন রায়ের একটি স্মৃতি সভার অধিবেশন হইয়া গিয়াছে। মাননীয় শ্রীযুক্ত ভূপেন্দ্র নাথ বসু মহাশয় তাহার সভাপতি ছিলেন।

ব্রাহ্মসমাজের নিকট আমাদের ঋণ।

(১)

৮১ বৎসরের অধিক হইতে চলিল ভারতবর্ষে ব্রাহ্মসমাজ প্রতিষ্ঠিত হইয়াছে। ইহার মধ্যে ইহাকে অনেক বাধা ও বিঘ্ন সহ্য করিতে হইয়াছে এবং ইহার মাথা দিয়া উপর দিয়া অনেক ঝটিকা বহিয়া গিয়াছে। সমাজ যখন এখনও জীবিত, তখন সেই সব বাধা বিঘ্ন ঝটিকা যে ইহার বিশেষ কিছু অপকার করিতে পারে নাই, তাহা পরিস্রাবণের মাধ্যমে হইতে পারে। ব্রাহ্মসমাজ অনেক দিন বঙ্গদেশের হিন্দু মুসলমান ও অন্তঃস্থ সম্প্রদায়ের মধ্যে অবস্থিতি করিতেছে। বাত ও প্রতিবাত কে কে বল জড়জগতেরই নিয়ম, তাহা নহে। মানব জগতও ইহার অধীন। সেই জন্ত ইহা স্বীকার করিতে হইবে যে, দেশের অন্তঃস্থ সম্প্রদায়ের উপর ব্রাহ্মসমাজের শক্তি কোন না কোন রূপে সঞ্চারিত হইয়াছে, এবং ব্রাহ্মসমাজ ও তাঁহাদের দ্বারা কিয়ৎ পরিমাণে নিয়ন্ত্রিত হইয়াছে। এই স্বাভাবিক প্রভাবের ফল নির্ণয় করা বর্তমান প্রবন্ধের উদ্দেশ্য নহে। আজ আমরা দেখিতে চাই, কৃত্রিম ব্রাহ্ম সমাজের নিকট হইতে সুবিশাল হিন্দু সমাজ কিপাইয়াছে।

যখন ব্রাহ্মধর্ম প্রচারিত হয়, তখন দেশের অবস্থা বড় পোচনীয়। মুসলমান শাসনের অংশানু তখন তদ্বাদিন মাত্র হইয়াছে, ও ইংরাজ শাসনের সবে মাত্র

প্রবর্তন হইয়াছে। দেশে যে ধর্মবিপ্লব বাটয়াছে, তখন তাহার সূত্রপাত মাত্র হইয়াছে। পুন্ড্রতনের তিরোভাব ও নূতনের আবির্ভাবের সন্ধিস্থলে তখন সমাজ বিত। কাজে কাজেই দেশের অবস্থা তখন বড়ই মন্দ। মুসলমান সময়ের শিক্ষা ও জ্ঞান বাহা কিছু ছিল তাহা চলিয়া যাইতেছিল। এবং ইংরাজী শিক্ষা প্রবর্তিত হইতেছিল মাত্র। হিন্দু সমাজের দশা তখন অত্যন্ত হীন। ব্রাহ্মণ পণ্ডিতদিগের ভিতর তখন সংস্কৃতচর্চা কিছু ছিল বটে, কিন্তু সমাজের অন্তঃস্থ প্রেক্ষাপট লোকের ভিতর তাহার কিছুই ছিল না। এই সকল প্রেক্ষাপট লোকের মুসলমান আমলে গঢ়িত ও আবিস্কারীয় বিস্তার কতক পরিমাণে আয়োচনা করিত বটে, কিন্তু অনেকের শিক্ষা তখনকার গঢ়িত বাঙ্গালার বাহিরে যাইত না। বিষয় ও রাজকাণ্ডের অহুরোধে ইংরাজী শিক্ষার প্রয়োজনীয়তা ক্রমে লোকে উপলব্ধি করিতে লাগিল এবং রাজপুত্রদিগের মাধ্যমে এ সমস্যা দ্রুত চাণতেছিল। এই সময়ে মহাত্মা রামমোহন রায় আবির্ভূত হন। অগাম্য প্রভাবের তিন আপনাকে নানা বিস্তার ভূষিত করিয়াছিলেন, এবং প্রাচ্য ও প্রতীচ্য অনেক ভাষার পারদর্শিতা লাভ করিয়াছিলেন। দেশের উচ্চ শিক্ষা ইংরাজীতে হইবে, কি সংস্কৃত, আরবী ও পার্সীতে হইবে এই বিতর্কায় তিনি

ইংরাজীর পক্ষে অস্ত্র ধারণ করেন। অবশেষে যে ইংরাজী শিক্ষার পক্ষপাতী-দেরই জয় হয়, তাহা সকলেই জানেন।

ইংরাজী শিক্ষার জয় হইলে দেশের কতকগুলি লোক বিশেষ আগ্রহের সহিত ঐ শিক্ষা লাভ করিতে আরম্ভ করেন। তখনকার হিন্দুসমাজ অমুগ্ধতা ও কু-সংস্কারে আচ্ছন্ন। ইংরাজী সাহিত্যের ভাব-প্রবণতা, উদারতা ও নূতনত্ব ইংরাজি-শিক্ষার্থীদের মধ্যে এক বিশেষ আনন্দন করিল। তাঁহাদের মস্তক ঘুরিয়া গেল। বিলাতের সবই তাঁহাদের চক্ষে ভাল লাগিতে লাগিল। দেশের সবই তাঁহাদের বিবনয়নে পড়িল। দেশীয় সকল্যজিনিষই তাঁহারা স্ফূর্ত্ত বিদ্য মনে করিতে লাগিলেন। তাঁহারা সংস্কৃত সাহিত্য দর্শনের কোন খারই ধারিতেন না, এবং উহাতে যে কিছু শিখিবার আছে, তাহা বিশ্বাসই করিতেন না। ইহার এক ফল এই দাঁড়াইয়াছিল যে, তখনকার শিক্ষিত-সম্প্রদায়ের মধ্যে তাঁহাদের মনে ধর্ম্মভাব জাগ্রত হইত, তাঁহারা অনেকে খৃষ্টধর্ম্ম গ্রহণ করিতেন। যাঁহারা ধর্ম্মের কোন ধার ধারিতেন না, তাঁহারাও বিশ্বাস করিতেন যে, ঐ ধর্ম্ম হিন্দুধর্ম্ম হইতে অনেক উচ্চ। এমন কি কেহ কেহ সেই জন্তই খৃষ্টান হইয়াছিলেন।

এমন সময়ে ব্রাহ্মসমাজের আবির্ভাব হয়। উহা ঠিক ঐ সময়েই হইয়াছিল। ব্রাহ্মসমাজের আবির্ভাব হইলে দেশে খৃষ্ট ধর্ম্মের স্রোত পরবেগে প্রবাহিত হইত।

যে স্রোত বহিতে আরম্ভ হইয়াছিল, ব্রাহ্ম-সমাজই তাহার বেগ প্রতিহত করিতে পারিয়াছিল। ইহার এক কারণ এই যে, প্রথম সময়ের ব্রাহ্মধর্ম্ম অনেকটা খৃষ্টীয় চাঁচে ঢালা। উহা ইংরাজী শিক্ষার অবস্থা বড় হীন ছিল। শিক্ষিতসম্প্রদায় উহাতে অসার ও অযৌক্তিক পৌত্তলিকতা ভিন্ন আর কিছুই দেখিতে পাইতেন না। এমন সময় ব্রাহ্মসমাজ দেখা দিল যে, হিন্দু-ধর্ম্মে বিশ্বাস না থাকিলেই যে নাস্তিক বা খৃষ্টান হইতে হইবে, তাহার কোন কারণ নাই। সকল ধর্ম্ম হইতে সার সংগ্রহ করিয়া এমন এক ধর্ম্ম গঠিত হইতে পারে, বাহার ভিত্তি যুক্তিমূলক এবং যুক্তিবাদের প্রবল পক্ষীদের বাহার বিষয়ে আপত্তি করিতে পারেন না।

ব্রাহ্মধর্ম্ম যে প্রথম অবস্থায় বহল পরিমাণে খৃষ্টীয় ভাবাপন্ন ছিল, তাহা বুঝাইবার জন্য একটা কথা বলিগেই এখানে যথেষ্ট হইবে। অনেক খৃষ্টানের বিশ্বাস যে, রামমোহন রায় পুরানো হইলেও অনেকটা খৃষ্টান ছিলেন। কিন্তু খৃষ্টীয় ধর্ম্মের ছায়া ব্রাহ্মধর্ম্মের উপর বতটাই পড়ুক না কেন, এই দুই ধর্ম্মের মধ্যে যে বিশেষ পাথক্য আছে, তাহা বুঝাইবার এখন আবশ্যক নাই। আশা করি একথা সকলেই স্বীকার করিবেন যে, ব্রাহ্মসমাজের কাছে আমাদের প্রথম গণ খৃষ্টীয় ধর্ম্মের গতিরোধ।

(২)

হিন্দুসমাজের বর্ত্তমান আধ্যাত্মিকতার

জন্ম উহা ব্রাহ্মসমাজের নিকট ঋণী বলিয়া মনে হয়। এ ঋণ একটু বিয়াট ঋণ। বহুকাল ধরিয়া আমাদের দেশে ধর্ম অনেকটা আড়ম্বর ও অজ্ঞানতা-পূর্ণ অর্থবহীন কর্মকাণ্ডে পরিণত হইয়াছিল। প্রকৃত ধর্মজীবন বিরল হইয়া পড়িয়াছিল। ধর্মজীবন একেবারে ছিল না বলা অতুক্তিদোষ হইবে, কিন্তু দেশের অধিকাংশ লোক “বার মাসে তের পার্বণ” পালন করা ভিন্ন ধর্মের অস্ত্র ধার ধারিতেন না। পূজা আফিক অনেকে করিতেন বটে, কিন্তু কর জন উহার মর্ম গ্রহণ করিতে সমর্থ ছিলেন? ব্রাহ্মণ-পণ্ডিতদের মধ্যে কিছু কিছু সংস্কৃতচর্চা ছিল বটে, কিন্তু উহাতে সংস্কৃত দর্শন বিশেষ স্থান পাইত না। বঙ্গদেশে সংস্কৃত-নাহিত্যচর্চাও অনেকটা নীরস অথচ অত্যাবশ্যক ব্যাকরণচর্চার পরিণত হইয়াছিল। বেদ ও বেদান্ত বা উপনিষদের নাম মাত্র জানা ছিল, একথা বলিলে অতিশয়োক্তি হয় না। দেশের অধিকাংশ পণ্ডিতই স্মার, স্মৃতি বা জলঙ্কারের চর্চা লইয়া ব্যস্ত থাকিতেন। মহাত্মা রাম-মোহন রায় ইংরাজীভাবাপন্ন হইলেও সংস্কৃতশাস্ত্রে অগাঢ় পণ্ডিত ছিলেন এবং বাঙ্গলার বাহিরে গিয়া বেদ ও উপনিষদের চর্চা করেন। জগদ্ব্যপ্রতিভা-বলে তিনি বুঝিয়াছিলেন যে, ব্রাহ্মধর্ম যদি পূর্ণ মাত্রায় ইংরাজী ছাঁচে ঢালা হয়, তাহা হইলে এ দেশে চলিবে না। উহা যে উপনিষদের ধর্ম এবং হিন্দুধর্মের সার,

তাহা প্রতিপন্ন করিতে তিনি বিশেষ চেষ্টা করেন। বোধ হয় অমেকেই জানেন যে, বঙ্গদেশে বেদ ও উপনিষদচর্চার কোন সুব্যবস্থা ছিল না বলিয়া ব্রাহ্মসমাজ কয়েকটা ব্রাহ্মণযুবককে ঐ সকল শাস্ত্র অধ্যয়ন ও আরম্ভ করিবার জন্ত বারাগণী প্রভৃতি স্থানে প্রেরণ করেন। বর্তমান যুগে ব্রাহ্মসমাজই প্রথম প্রাচীন হিন্দু দর্শনের আদর করিয়াছিলেন ও উহার মর্ম বুঝিয়াছিলেন এবং ভগবদ্ভক্তি ও ভগবৎপ্রেমের দিকে লোকের মন আকর্ষণ করিয়াছিলেন। আজ কাল আমরা বেদ ও উপনিষদের চর্চায় মন দিতেছি, ভগবদলীলা লইয়া আন্দোলন করিতেছি এবং হিন্দুধর্মের শ্রেষ্ঠতা উপলব্ধি করিতেছি। এই অবস্থার জন্ত যে আমরা কিয়ৎপরিমাণে ব্রাহ্মসমাজের নিকট ঋণী, ইতিহাস তাহার সাক্ষ্য প্রদান করিতেছে। ব্রাহ্মসমাজই আমাদের কাছে প্রথমে বুঝাইতে চেষ্টা করেন যে, অধ্যায়ভ্রমণে বেদান্তের স্থান অতি উচ্চ এবং ধর্মজীবনে উহার শিক্ষা অতুলনীয়। এই সকল দেখিয়া মনে হয় আজ কাল আমাদের মধ্যে যে নূতন ধর্মজীবনের ও আধ্যাত্মিকতার স্রোত প্রবাহিত হইতেছে, তাহার জন্ত হিন্দুসমাজ বহুল পরিমাণে ব্রাহ্মসমাজের নিকট ঋণী। উহার পথ ব্রাহ্মসমাজই প্রথম দেখান।

(৩)

ব্রাহ্মসমাজ আমাদের কাছে আর একটা বিষয় শিক্ষা দিয়াছেন। ধর্ম যে কতকটা

প্রচারের জিনিষ, তাহা পূর্বে আমাদের ধারণা ছিল না। অনেক দিন হইতে দেশে কথকতা প্রচলিত ছিল বটে এবং কথকেরা জনসাধারণকে রামায়ণ পুরাণাদির কথা শুনাইরা কিস্তপরিমাণে যে ধর্ম প্রচার না করিতেন তাহা নয়। কিন্তু ব্রাহ্মসমাজ আমাদের নূতন প্রকার ধর্ম প্রচার শিখাইয়াছেন। এখানে প্রচারের অর্থ ধর্মের তত্ত্ব সকল সহজভাবে সাধারণকে বুঝান। ধর্মকে জীবিত রাখিতে হইলে উহার প্রচার আবশ্যক, কারণ প্রচার লোকের ধর্ম-শিক্ষার একটা প্রধান উপায়। এ উপায়ের উদ্ভাবন অবশ্য ব্রাহ্মসমাজ করেন নাই।

ইহা ব্রাহ্মেরা খ্রীষ্টীয়ান প্রচারকদের নিকট শিক্ষা করেন। কিন্তু হিন্দুসমাজের বর্তমান প্রচারপদ্ধতি ব্রাহ্মসমাজ হইতে পাওয়া। ব্রাহ্মসমাজস্থিত প্রচার-পদ্ধতিকে যদি কতকটা দেশীয় আকার না দেওয়া হইত, তাহা হইলে বোধ হয় হিন্দুরা কখনই উহা গ্রহণ করিতেন না। নূতন ধারা অবলম্বনে হিন্দুধর্ম যে অধিক প্রচারিত হইতেছে তাহা বলা যায় না। খ্রীষ্টীয় ও মুসলমান প্রভৃতি ধর্মের দ্বারা হিন্দু-ধর্ম ঠিক প্রচারের ধর্ম নয় বটে, কিন্তু আজ কাল লোকশিক্ষার জন্য অনেকে যে হিন্দুধর্ম প্রচারোত্তী হইয়াছেন, তাহা ব্রাহ্মসমাজের প্রসাদে। (ক্রমশঃ)

কোচবিহারাধিপতি ত্রীযুক্ত মহারাজ নৃপেন্দ্র নারায়ণ ভূপ বাহাদুরের অকালবিয়োগে ।

হায় কি ভূনিহ, একি নিদারুণ বাণী,
জন্ম আয়ুসী জানি তুমি রাজরাণী,
তুমি নারী বুদ্ধিমতী, প্রতিভা-শালিনী,
সোণার সোহাগা যথা ধর্মাম্বুধাগিনী।
পিতৃ-ক্রিয়াকলাপের আজ্ঞা তুমি মূল,
তোমাতে গৌরবাবিতা আর্গানারীকুল।
রাণী হয়ে নহ কভু পরিসমাজড়িতা,
স্রাবা ভাবি ববে হই মিষ্ট-সম্ভাবিতা।
শৈশবের ছবিগুলি আজি ধারে ধারে
প্রকাশিত, ভাসি তাই নয়নের নোরে;

অচিরে সে আবরিত প্রাণ কাঁদে তাই,
পরি যবে এ জগতে মহারাজ নাই।
এ বারতা শুনে হৃদি হয় স্রিয়মাণ,
অতিক্রমি মহাসিদ্ধি ছুটে যায় প্রাণ।
যথায় নয়নাগারে ও চারু বদন
ভাসিছে নিয়ত হায় বিনা সে রাজন।
নৃপকুলমণি সভ্য নির্ভিকল্পন,
অশোভিত দয়ামায়াকৃত গুণচর।
চারি দার আজি তাঁর করে হায় হায়!
কেন এ অকাণ্ডে বিবি হুল নিলে তাঁর।

বনে রণে শত্রুমাঝে যে কোন সময়
পেয়েছেন ক্রেশ জ্বলে রাণীর হৃদয়
কত বে পীড়িত হত বাধিত ব্যাকুল ।
জ্বলেছি সে সুখ পাণে ; তার সমতুল
আজি কি হৃদয়বাধা ? নহে তুল্য তার,
সকলি ফুরাল বে গো সে আশা তোমার,
মহানৈরাশ্রের গাথা হুনীল অথরে
লিখিত রহেছে যেন জলন্ত অক্ষরে ।
তবু সতী ধৈর্যবতী উঠ মহারানি !
কর্তব্যের ডালি শিরে সম্মানজননী ।
নৃপেন্দ্রের চারি অংশ তনয় তোমার,
মহাতেজ বলধারী নৃপেন্দ্রকুমার ।
পিতৃশোকে বিগলিত হৃদয় তাদের,
টেনে লও ; জ্ঞান, প্রেম মহাগগনের
অগাধ সলিল পরে ধরমের ভেলা
বাধিয়া ভাসিতে দাও ; সংসারের খেলা
কর্তব্যে খেলিবে হবে, হবে না বিফল,
হবে না মনের প্লানি শরীর বিকল,
হবে না কাহার কড়ু রাক্ষো অগণণ,
অনিয়ম স্ত্রেপ্নমের তরে হবে বশ,
রাক্ষের সকল প্রাণী, মহাজয় হবে
আশীর্বাদ করিবেক রাজাঅজল হবে ।
তনয়ার তরে রাণী মুছ অশ্রুধার
সম্মাপিত বক্ষে রোধি সাক্ষনার দ্বার,
জনক জননী প্রতিনিধি একাধারে
স্বরূপে বিরাজ কর স্বরাজ্যমাঝারে ।

সহোদরা দ্বিগুণন যে আছে নিকটে
লয়ে ফিরে এস দেশে আর স্মৃতিপটে
মে আলোখা, বীরতেজস্বীলা শৈশবে
ছিল যার একাধারে স্নান্য জীবনে,
বীরসম পরাক্রমে হৃদয় কোমল,
অরিয়া হৃদয়তাপ বহিবে কেবল ।
কোথা রাণী পিতা মাতা তোমাদের ধন
লও গো তুলিয়া কোলে শান্তিনিকেতন,
হেথায় সাজাতে যে গো রাজবেশ্য করে ।
কমলকুটীরখানি যত্নে ধরে ধরে,
কত দ্রবাচয় হায় যতন আদরে,
হরষিত নৃপমণি উদার অন্তরে,
শিশুর সমান তাঁর আবদার তরে
সম্মানবৎসল প্রাণ কি পুলকভরে
হেরিতে যে স্নেহভরে নৃপজামাতার ।
আজি আবাহন করে তুলে লও তাঁর,
সাজাও তাঁহারে পুত চাক আভরণে,
ঘুচায়ে ধরার ধূল্য জিহ্বিববন্ধনে ।
ভক্তিমতী শোকাতুরা প্রিয়তনয়
স্বরণের আশীর্বাদ, মহা সাক্ষনার
দাও তাতঃ দাও মাতঃ মাগি এই দান ।
সকলি প্রভুর ইচ্ছা যে কোন বিধান
মতশিরে নিতে হয় নিখিল অগতে,
নাহি জ্ঞান মানবের হেথা কোন মতে ।
লইয়া অমৃতরাক্ষো মৃত্যুঞ্জয় হরি,
অক্ষয় জীবন দাও ককণা বিতরি ।

৩ উমেশচন্দ্র দত্ত মহাশয়ের আত্মজীবনী।

(পূর্ব প্রকাশিতের পর)

হিন্দুধর্মত্যাগে ভবিষ্যতে যে বিপদ হইবে, তাহাও তিনি প্রকাশ করিতে লাগিলেন। জমীদারেরা আমাদের কোনও কোনও বিনয় ক্রোক করিয়া রাখিলেন। এক জমীদার পিতামহের বিশ্বস্ততার জন্ত প্রদত্ত ১০ বিঘা নিকর ভূমি কাড়িয়া লইলেন, আর ফিরাইয়া দিলেন না। জ্যেষ্ঠ মহাশয় বলিলেন, উহাদিগের কৃপাদত্ত সম্পত্তির জন্ত পুনঃ প্রার্থনা বা তাহার জন্ত মোকদ্দমা করিব না। শ্রাদ্ধের দিন নিকটবর্তী হইল। তখন আমাদের সঙ্কল্প ছিল যে, আমরা পৌত্তলিকতার কোনও কার্য করিব না, কিন্তু তদ্বিষয় হিন্দু আচার সঙ্গত রক্ষা করিব। তদন্তসারে আমরা একমাস কাল রীতিমত হিন্দু অশৌচ প্রথা রক্ষা করিলাম। এই সময়ে দেশের উইটী বজু উৎসাহের সহিত ব্রাহ্মসমাজের সহিত যোগদান করিলেন। বাবু হরনাথ বসু এবং র. না. হ. কলিকাতার থাকিয়া বিজ্ঞাভাস করিতে ছিলেন। হরনাথ বাবু কলিকাতা বারুই-পুর প্রভৃতি স্থান হইতে ব্রাহ্মবন্ধু সঙ্ঘকে সংগ্রহ করিয়া শ্রাদ্ধের দিন মজিলপুরে উপস্থিত হইলেন।

জমীদারেরা শ্রাদ্ধ পণ্ড করিবার চেষ্টা করিলেন, কিন্তু জয়নগরের দারোগা

নারায়ণদীন তেওয়ারী আমাদের সহকারী থাকায় ও বারুইপুরের জমীদারদের ছেলেরা অহুষ্ঠানে যোগ দেওয়ার সাফাংভাবে বাধা দিতে নিরস্ত হইলেন। কিন্তু দেশের জনশ্রী আমাদের সহিত যোগ না দেন এ জন্ত গোপনে শাসন করিয়া দিলেন। হরনাথ বাবু আমাদের সহিত যোগ দেওয়াতে জমীদারদের বাণীতে তাঁহার আশ্রয় ও আশ্রয় উঠিল। তাঁহার জ্যেষ্ঠ গোপাল বাবু জমীদারদিগের প্রাচীন ভৃত্য ছিলেন, তিনি তাঁহাকে ছিন্ন করিবার জন্ত বহু প্রকারে চেষ্টা করিয়াও সফলকাম হইলেন না। র. বড় বুদ্ধিমান ও শিরপটু ছিলেন। তিনিও কলিকাতার লেখা পড়া করিতেন। তিনি এই ঘটনার পর এক পুস্তক বাহির করিলেনঃ—“পাঁড়ারগায়ে মহাদাম, ধর্মরক্ষার কি উপায়।” তাহাতে মজিলপুরের ব্রাহ্মদের নিরুপায় অবস্থা এবং জমীদারদের প্রবল অত্যাচার নাটকাকারে বর্ণিত হয়।

জমীদারদের নিষেধ সত্ত্বেও শ্রাদ্ধের দিনে বাণীতে মহাসমারোহ হইল। কতকগুলি যুবক উপাসনার যোগ দিলেন—কৌতুহলাক্রান্ত হইয়া পাড়ার স্ত্রীলোক-গণ দলে দলে বাটী পূর্ণ করিয়া ফেলিলেন। উপাসনাপূর্বক ধার্মীতি শ্রাদ্ধাহুষ্ঠান

সম্পন্ন হইল। প্রীতিভোজন ও গরীব-দিগকে চাউল পরমা বিতরণ করা হইল। জমীদারেরা এখন ব্রাহ্মদিগকে হাতে না মারিয়া ভাতে মারিতে চেষ্টা করিলেন। আমি জয়নগর স্কুলের ২nd master ছিলাম এবং স্কুলের কর্তা হরনাথবাবুও আমার কার্যে খুব সন্তুষ্ট ছিলেন। কিন্তু দত্ত জমীদারদের সহিত তাঁহাদের বিশেষ ঘনিষ্ঠতা। এজন্য আমাকে সার্টিফিকেট দিয়া অতি দুঃখের সহিত বিদায় দিতে বাধ্য হইলেন।

কালিনাথের হাটের দরুণ বৎসরে ৩৬৫ টাকা আয় ছিল। গবর্ণমেন্টের নিকট তাহা বন্ধ করিবার প্রার্থনা করা হইল, কিন্তু তাহা কার্যকর হইল না। দক্ষিণ বাদশাতে একটি ব্রাহ্মসমাজগৃহ প্রতিষ্ঠিত

হয়, জয়নগরের দুই জন শিক্ষক তাহার সভ্য ছিলেন। অল্প যাইবার ভয়ে তাহার সমাজের ও আমাদের সহিত সংশ্লব ত্যাগ করিলেন, ইহাতে সমাজটা উঠিয়া গেল। ইহার পর মজিলপুরের বালিকা-বিদ্যালয়টি লইয়া গোলযোগ উপস্থিত হইল। ব্রাহ্মদিগের উত্তোষে ১৮৬২ সালে এই বিদ্যালয় প্রতিষ্ঠিত হয়। বিদ্যালয়ের একটি স্থায়ী গৃহ নিৰ্ম্মাণ জন্য ব্রাহ্মগণ নাবালক হারাণ চন্দ্র ঘোষের মাতার নিকট হইতে একখণ্ড ভূমি পাট্টা লইয়া ঘরের পত্তন করেন। জমীদারের লোক রাগিতে তথাকার গাছ কাটিয়া খুঁটা চুরি করিয়া লইয়া গেল। এই উপলক্ষে বারুইপুরে মোকদ্দমা হয়, তাহাতে ব্রাহ্মেরা অসহায় হইয়াও জয়লাভ করেন।

শোকসন্তপ্তা মাননীয়া মহারাণী কোচবিহারাধীশ্বরীর চরণে

ভগিনীর অশ্রুজল ।

কি শুনিছ আজ সিদ্ধ পার হ'তে
নৃপেন্দ্র "নৃপেন্দ্র" নাই !

আজি কি শুনিতে পাই

শোকসমাচার, আজ গৃহেতে গৃহেতে
কাদে নয়নারী সবে দরিদ্র ভারতে ।

বৃটীশ বেলায় আজ বৃটীশ ভবন,
সে পরিদ্র দেহ তাঁর
প্রশান্ত মুরতি আর

দেখিবে না দেখিবে না আর বে এখন,
বুটনে, ভারতে আজ মরু দরশন ।

অরম্য প্রাসাদ তাঁর শূল্য মূর্তি ধরি
কহে সবে শোকে আজ—

"নাহি আর মহারাজ "

কহে তরুগিরিরাজি সেই মূর্তি অরি
অধার অধার আজ "বিহার" নগরী ।

অদূরে হিমাদ্রি অই শিরোরত করি
কাদিছে দিগলে বসি
অশ্রু-হিমামীতে ভাসি
কহে ভগ্ন প্রাণে আজ ভগ্ন সুর ধরি
“নাই মহারাজ নাই”—শূন্য গৃহ পুরী।

ভারত-সম্রাট ‘জর্জ’ সম্রাজ্ঞী ‘মেরী’
মণ্ডাহত সবে দুখে,
বিবাদের রেখা মুখে,
‘বেজহিল’ হ’তে এই বিবাদের ভেরী
কাদায় ‘ভোরসা.’ তীরে বত নর নারী।

অশ্রুমাণা চক্ষে আজ কি দেখিব আর।
দেখিবার কিছু নাই,
অশ্রুমাণা যে দিকে চাই,
বজ্রাহত আজ এই দুঃখী পরিবার,
অশ্রুমাণা লকলি—কিছু নাহি দেখিবার।

জাগিছে কেবল মনে—তীর অশ্রুজল
আমাদের ভগ্নী যিনি
অশ্রুজলী মহারানী,
তীর অশ্রুজলে আজ কোটী অশ্রুজল,
ভারতভবন আজ অশ্রুমাণা কেবল।

অশ্রুতে মিশায় অশ্রু—কণা নাহি সরে
আজি এ দুর্দিনে কত
পুরাতন স্মৃতি যত
শৈশবের ইতিহাস জাগিছে অন্তরে,
শৈশবের স্মৃতি যত সব মনে পড়ে।

তাই এ দুর্দিনে আজ পারি না থাকিতে
তাই আজ ডাকি হায়
প্রিয় ভগিনী তোমার,

তাই আজ ভাঙ্গা প্রাণে এহেন দিনেতে
শৈশবের ইতিহাস এসেছি বলিতে।

মিলেছি যবে মোরা দীন নিকেতনে
প্রভাদিষ্ট ভক্ত মনে
এক ধর্ম এক প্রাণে
মিলেছি যবে সেই মধুর জীবনে
মনে পড়ে সেই স্মৃতি আজি এ দুর্দিনে।
মনে পড়ে সেই শিক্ষা সেই দীক্ষা তাঁর,
মনে পড়ে কত আশা

হৃদয়ের ভালবাসা,
মনে পড়ে নানা স্মৃতি—দেববুদ্ভি তাঁর,
মনে পড়ে কত কথা সেই দিনকার।

তাঁহার দীক্ষার তুমি তাঁহারি শিক্ষার
তাঁহারি আদর্শযতে
ধর্মজীবনের পথে
জান তুমি—কোন লক্ষে চলেছ কোথায়,
চল নাই কোন দিন—অসার আশায়।

আজও চলিবে তুমি সেই লক্ষ্য ধরে,
বিধাতার বিধানতে
তাঁহারি আদেশ মতে
পাঠালেন তবু তোমার স্মরণে ‘বিহারে’
তাই ভগ্নি চল তুমি তাঁহারেই স্মরণে।

তাঁর কল্পা তুমি যিনি তোমার তরুণে
ক্রমভার বক্ষে লয়ে
বিধাতার মুখ চেয়ে
দাঁপিলেন তাঁর কাজে অদূর রাজ্যেতে,
চল ভগ্নি চল তুমি তাঁহার মস্ত্রতে।

অবিপত্নী মত তুমি রাজ্যধির মনে
করিয়াছ কত কাজ,

কিন্তু ভগ্নি জেনো আজ
 আছে আরো করিবার তোমার জীবনে,
 লক্ষ্য তব চিরদিন—আদেশ পালনে ।
 ভক্ত নৃপতির কাজ হয় নাই শেষ,
 তাঁহার ঠিকার কাজ
 কর তুমি ভগ্নি আজ,
 তিনিও বুঝিয়া শুধু বিধাতা আদেশ
 করিলেন “বিহারের” মঙ্গল অশেষ ।
 উচ্চ লক্ষ্য কত আছে সম্মুখে তোমার,
 কুমার কুমারী তব,
 বিধাতার দান সব,
 এদের লইয়া কাজ আছে করিবার
 এ সব ব্যবস্থা ভগ্নি ! সকলি তাঁহার ।
 ‘রাজেন্দ্র’ ‘জিতেন্দ্র’, তব ‘হিতেন্দ্র’
 ‘ভিক্টর’
 ‘সুভূতি’ ‘প্রতিভা’ দেবী
 তব জীবনের ছবি
 শেষ জীবনের চিত্র ‘সুধীরা’ তোমার
 উজলিবে তব নাম গৌরব অপার ।
 কি বলিব আর আমি—কথা নাহি সরে,
 কত আশা ক’রে জানি,
 ‘বিহারে’ মোদের আনি,
 আমাদের লয়ে তুমি জীশিকার তরে
 উৎসাহ উত্তম কত দেখালে সবারে ।
 ছাত্রদের পুরস্কারে তুমিই তাঁহারে
 এনেছিলে উৎসাহে,
 তুলিতে কি পারি তাহে,
 যদি মুখে পুরস্কার বিতরি সবারে,
 কত ন. উৎসাহ-কথা কহেন সেবারে ।

এবারেও ছিল ভগ্নি বড় আশা মনে,
 সিদ্ধি পায় হ’তে এসে,
 সেইরূপ ছেলে ছেলে,
 নিজ হাতে ছাত্রীদের পুরস্কার দানে
 দিবেন আনন্দ কত আমাদের প্রাণে ।
 বিধাতার ব্যবস্থায় সে কাজ তাঁহার
 পড়িল তোমার হাতে,
 তাই তুমি নারীহিতে
 নিয়োজিত কর শক্তি ভগ্নিনি তোমার,
 চেয়ে আছে তব পানে তোমার ‘বিহার’ ।
 তোমারেও ক্রুশবাহী হাতে ক্রুশ দিয়া,
 জৈশা মুশা যেই স্থানে,
 গিয়াছেন সেইখানে,
 যে মন্ত্র তোমারে দিয়া গেছেন চলিয়া,
 সে মন্ত্র লয়েছ তুমি মাথায় করিয়া ।
 তোমরা ছ বোন্ এই স্মরণ ‘বিহারে’,
 আচার্য্যের মন্ত্র ল’য়ে,
 ছই জনে এক হ’য়ে,
 একমনে ছই জনে নারীর উদ্ধারে
 করিয়াছ কত কাজ জীশিকাপ্রচারে ।
 আজো আছে করিবার ভগ্নিনি ‘স্মনীতি’,
 উচ্চ লক্ষ্য উচ্চ আশা
 হৃদয়ের ভালবাসা
 উচ্চ ধর্ম্মে রাখ চির হৃদয়ের গতি,
 দীনা ‘স্মমতির’ এই স্মদীন মিনতি ।
 শেখের প্রার্থনা আজ তব ‘স্মমতির’
 ঋষি সম মহারাজ
 আচার্য্যের সনে আজ
 আনন্দে বসিয়া জোড়ে আনন্দময়ীর
 করুন আনন্দে পান চিবানন্দ-নীর ।

দুইটা বন্ধু ।

(পূর্ব প্রকাশিতের পর)

জ' পরীক্ষা সমাপ্ত হইল। ভূপেন্দ্র ও অরুণ উভয়ে পরীক্ষা দিলেন। উভয়েই ভাল লিখিতে পারিয়াছিলেন, উভয়েরই আশা হইল পরীক্ষায় উত্তীর্ণ হইতে পারিবেন। অগ্রহায়ণ মাসে ভূপেন্দ্রের বিবাহ। হরিমোহন বাবু মহা উৎসাহে পুত্রের বিবাহের উদ্যোগ করিতে লাগিলেন। আর দশ দিন পরে ভূপেন্দ্রের বিবাহ সমাপ্তই প্রস্তুত। “গৃহিণী তথায় বিবাহ দিতে অনেক নিষেধ করিলেন, অনেক পীড়াপীড়ি করিলেন, কিন্তু হরিমোহন বাবু কাহারও কথা শুনিবার পাত্র নহেন। ভূপেন্দ্র আশা করিয়াছিলেন, মাতার চেষ্টায় অবশ্যই ফল হইবে। কিন্তু তিনি যখন দেখিলেন একাত্তাই কোন ফল হইল না, তখন আপন কর্তব্য চিন্তা করিতে লাগিলেন। কিন্তু ভগবানের বোধ হয় অন্তরূপ অভিপ্রায় ছিল। হঠাৎ বিসৃচিকা রোগে বিনোদ বাবুর বুকা জ্বননী প্রাণত্যাগ করিলেন। সুতরাং এ বিবাহ একেবারে এক বৎসরের মত স্থগিত হইয়া গেল। এক বৎসর কাল কাল-অশোচ, বিবাহ হইতে পারে না। হরিমোহন বাবু তখন একেবারে বসিয়া পড়িলেন, এই ঘটনায় তাঁহার অমুভাপের সীমা রহিল না। কিন্তু কি করিবেন,

আর কোনও উপায় নাই, সুতরাং স্থির হইতে হইল। বিনোদ বাবু মহা ধুমধামের সহিত মাতৃশ্রাদ্ধ সম্পন্ন করিলেন। ভাবি বৈবাহিক হরিমোহন বাবুও তাহাতে নিমন্ত্রিত হইয়াছিলেন।

শুভ কর্ণে হঠাৎ বাধা পড়ার বিনোদ বাবুও আক্ষেপ করিতে লাগিলেন। কিন্তু প্রকৃত পক্ষে বিনোদ বাবুর অপেক্ষা হরিমোহন বাবু অধিক ক্ষুণ্ণ হইলেন, এবং তাঁহার চোরবাগানে বাড়ী কিনিবার কি হইবে, তাহার চিন্তা করিতে লাগিলেন। এদিকে ষষ্ঠ্যাময়ে জ' পরীক্ষার ফল বাহির হইল, অরুণ এবং ভূপেন্দ্র, দুই জনেই প্রশংসার সহিত পরীক্ষায় উত্তীর্ণ হইয়াছেন। অরুণচন্দ্র বর্দ্ধমানে ওকালতি করিবেন স্থির করিলেন, ভূপেন্দ্রনাথও বর্দ্ধমানে যাইবেন মনঃস্থ করিলেন। ওকালতিতে পশার প্রতিপত্তি হউক বা না হউক, সে বিষয়ে তাঁহার লক্ষ্য নাই, তাঁহার প্রাণ অরুণকে ছাড়িতে চাহে না, সেই জন্তই তিনি বর্দ্ধমানে যাইতে ইচ্ছুক।

হরিমোহন বাবুর ইচ্ছা, ভূপেন্দ্র হাইকোর্টে ওকালতী করেন; কিন্তু ভূপেন্দ্র পিতাকে বুঝাইলেন তাঁহার জায় নব্য উকিলের হাইকোর্টে অপেক্ষা মফঃস্বলে অধিক পশার হইবে। সুতরাং হরিমোহন

বাবু সম্মত হইলেন। হুই বন্ধু বর্দ্ধমানে আসিয়া, বর্দ্ধমানের জজকোর্টে হুই জনেই ওকালতি করিতে আরম্ভ করিলেন। বলা বাহুল্য, হুই বন্ধুর বাসাবাটী স্বতন্ত্র হইল।

সুরেশচন্দ্র পূর্বের বাসা পরিভ্রমণ করিয়া কোর্টের সম্মুখে অপেক্ষাকৃত পিরচ্ছন্ন একটি বাসা ভাড়া করিয়া তাহাতে মপরিবারে বাস করিতে লাগিলেন। ভূপেন্দ্রনাথ একটি বড় বাটী ভাড়া করিয়া অতিশয় জাঁকজমকের সহিত দাসদাসীগণ সমভিষাহারে তথায় বাস করিতে লাগিলেন। হরিমোহন বাবু স্বয়ং আসিয়া পুত্রের সকল বন্দোবস্ত ঠিক করিয়া দিলেন, এবং অর্থাগম হইলে একটি বাটী নির্মাণ করাইবারও উপদেশ দিয়া গেলেন। অধিক ভাড়া দিয়া অনর্থক অপব্যয় করা তিনি ভালবাসেন না। তবে তাঁহার বিশ্বাস, উকিলের জাঁকজমক দেখিলে মকেলগণ মধুলোভী মধুমক্ষিকার জ্ঞায় দৌড়িয়া আসিবে, তাই তিনি এ বিষয়ে মুক্তহস্ত হইয়াছিলেন। বাহাই হউক, ভূপেন্দ্রনাথ বর্দ্ধমানে আসিয়া স্বাধীনতা লাভ করিয়া বড়ই পুলকিত হইলেন। তিনি ধনী সন্তান, কখন অর্থান্ধ-জনিত কষ্ট ভোগ করেন নাই। তিনি রীতিমত কোর্টে যান বটে, কিন্তু মকেল যুটাইবার তত আগ্রহ নাই, বরং সুরেশ যাহাতে ছুপয়সা পান, সে বিষয়েই তাঁহার বিশেষ লক্ষ্য। তিনি অনেক সময়ে হাতের কাষ সুরেশকে দেন, সুরেশ নিবেদন করিলেও শোনে না,

বলেন “অত পরিশ্রম করিবার আমার সামর্থ্য নাই।”

ভূপেন্দ্রনাথের আর একটি কার্য্য হইল প্রাতঃকালে ও সন্ধ্যার সময় সুরেশের বাটী গিয়া গল্প করা।

ভূপেন্দ্রনাথের অমায়িকতা শুনে সুরেশের বাটীর সকলেই মুগ্ধ। নবীন বাবুর মুখে ভূপেন্দ্রের প্রশংসা ধরে না। আর এক ব্যক্তি উৎকর্ণ হইয়া ভূপেন্দ্রের প্রশংসা শুনিতে বড়ই ভালবাসে। বলিতে হইবে কি—সে শোভা?

সুরেশ দরিদ্রের সন্তান, তাঁহার চিরদিনের বাসনা—অর্থোপার্জন করিয়া পিতা-মাতার দুঃখ দূর করিবেন। এতদিন পরে তাঁহার সে বাসনা পূর্ণ হইল। তিনি পরিশ্রম, সত্যনিষ্ঠা, ও জ্ঞানপরায়ণতা শুণে শীঘ্রই সকলের প্রিয় হইয়া উঠিলেন। অল্পদিনের মধ্যেই তাঁহার পুণ্যের প্রতিপত্তি বেশ হইয়া উঠিল। সুরেশের পিতা মাতার আনন্দের পরিণীমা রহিল না। এইবার সুরেশ ও শোভার বিবাহ দিতে পারিলে তাঁহাদের স্বর্থ পূর্ণ মাত্রায় হয়। এখনকার দিনে সুরেশের মত সুপাত্রে বিবাহের অভাব নাই, পক্ষপালের জায় দলে দলে লোক সুরেশচন্দ্রের বিবাহের নিমিত্ত উপস্থিত হইতে লাগিল। এমন কি, স্থানীয় মুনসেফ ও ডেপুটী বাবরাও সুরেশচন্দ্রের সহিত কস্তার বিবাহ দিবার নিমিত্ত আগ্রহ প্রকাশ করিতে লাগিলেন।

এখন নবীন বাবুর প্রতি মা কমলার কৃপাদৃষ্টি হইয়াছে, তাঁহার দুর্দিন দূর

হইরাছে, সু দিনে অনেক বস্তু বুটিয়াছে।
শোভার বিবাহের জন্তও চতুর্দিক হইতে
সবক আসিতে লাগিল।

আর দুইটা ঘটনার উল্লেখ করিয়া
আমরা এ আখ্যায়িকা শেষ করিব।

বর্দ্ধমানের যে পল্লীতে সুরেশচন্দ্রের বাসা
ছিল, সেই পল্লীতে একজন সংকুলোত্তবা
দরিদ্রা বিধবা বাস করিতেন। তাঁহার
ত্রয়োদশবর্ষীয়া একটি কন্যা ভিন্ন ইহ
জগতে আর কেহ ছিল না, অথবা কেহ
থাকিলেও বিধবার তত্ত্ব কেহ লইত না।
তাঁহার স্বামীর কিঞ্চিৎ ধান-জমী ছিল,
তদ্বারা অতি কষ্টে মাতা ও কন্যার ভরণ-
পোষণ সম্পন্ন হয়। কন্যাটি অবিবাহিতা।
বাল্যালীর ঘরে ত্রয়োদশবর্ষীয়া কন্যা অবি-
বাহিতা, বিশেষতঃ কায়স্থের ঘরে, ইহা
বড়ই লজ্জার কথা বটে। কিন্তু কি
করিবেন, কন্যার বিবাহ দিবার উপযুক্ত অর্থ
তাঁহার ছিল না। সুতরাং কন্যা এখনও
অবিবাহিতা। বালিকার নাম প্রতিভা।
প্রতিভা সংস্কারা, রূপবতী ও পরম লাবণ্য-
ময়ী। তাহার মুখকমলে যেন কি এক
স্বর্গীয় প্রতিভার লক্ষণ ছিল এবং গুণও
তাহার বর্ণেই ছিল। পাড়ার লোকে
সকলেই একবাক্যে প্রতিভার রূপগুণের
প্রশংসা করিত, কিন্তু এ সকল থাকিলে কি
হইবে? এ সংসারে সর্বপ্রধান ও প্রয়ো-
জনীয় বস্তু যে অর্থ, তাহা প্রতিভার মাতার
নাই। হার সমাজ! তোমার পায়ে কেটি
কেটি নমস্কার! তুমি রূপ চাও না, গুণ
চাও না, শীল চাও না, চার কেবল অর্থ।

অর্থের প্রভাবে তোমার নিকটে নিগুণ
গুণবান হয়, অর্থম উত্তম হয়। তোমার
শাসনে দরিদ্র ব্যক্তিগণ সর্বদাই নিষ্পেষিত।

প্রতিভার মাতা প্রতিভার বিবাহের
চেষ্টা করিতে লাগিলেন বটে, কিন্তু ফল
কিছুই, হইল না। সংকুলোত্তবা, স্বন্দরী
কন্যা হইলে কি হয়, অর্থ দিবার ক্ষমতা
তাঁহার নাই, সুতরাং কেহই দয়া করিয়া
বিধবার কন্যার পাণি গ্রহণ করিল না।
তিনি কন্যার বিবাহের নিমিত্ত বড়ই বিব্রত
হইয়া পড়িলেন। কন্যার বিবাহ দিতে না
পারিলে জাতি যাইবে, ধর্মানষ্ট হইবে, এই
আশঙ্কা তাঁহাকে আকুল করিল।

তিনি প্রতিদিন প্রতিবেশীদিগের
বাটীতে আনাগোনা করিতে লাগিলেন।
দয়া করিয়া একটি পাত্র অন্নসন্ধান করিয়া
তাঁহাকে কন্যাদায় হইতে উদ্ধার করিয়া
দিবার নিমিত্ত সকলকে অনেক অনুনয়
বিনয় করিতে লাগিলেন। কেহ আশ্বাস
দিতেন, কেহবা নিরাশও করিতেন।
সকলেই বলিতেন "টাকা না হইলে মেয়ের
বিবাহ হয় না, আগে টাকার বোগাড় করা।"

এইরূপে কিছুদিন অতিবাহিত হইল।
অবশেষে তাঁহাদের একজন প্রতিবেশী
"দয়াপরবশ" হইয়া প্রতিভার জন্ত একটি
পাত্র স্থির করিলেন। তাঁহার মুখে
আফালন আর ধরে না, অজ্ঞান প্রতি-
বেশীদিগকে নিন্দা করতঃ তিনি আশ্রয়-
প্রার্থনায় পাড়া মাতাইয়া তুলিলেন।

সকলে স্বার্থপর, প্রতিভার জন্ত কেহই
কিছু করিল না, কেবল তিনিই অনেক কষ্ট

করিয়া এ কাঁচাটা করিলেন, ইহা সকলকে বুঝাইতে লাগিলেন। কিন্তু আমরা গোপনে সন্ধান পাইয়াছিলাম যে, দয়ালু প্রতিবেশীটা প্রতিভার মাতার নিকটে কিছু এবং পাত্রেয় পিতার নিকটেও কিছু টাকা লইয়া গুনে এ কার্যে হাত দিয়াছিলেন। যাহাই হউক প্রতিভার মাতা একজ্ঞ বিনীতভাবে যথেষ্ট কৃতজ্ঞতা প্রকাশ করিতে লাগিলেন, এবং 'দয়ালু' প্রতিবেশীর শুভ কামনায় জগদীশ্বরের নিকট প্রার্থনা করিলেন। পাঁচটা তিনবার এন্ট্রান্স ফেল হইয়া প্রথম বিবাহ করেন, সে স্ত্রী একটা পুত্রসন্তান প্রসব করিয়া মৃত্যুমুখে পতিত হয়। পাত্রেয় পিতামাতা বর্তমান। উপস্থিত তিনি কোন কাজ কর্তব্য করেন না, পিতার কষ্টার্জিত ধনে উদর পূরণ করেন। তাঁহার হাতে পরমা পড়িলে সূরা এবং গল্পিকা দেবীর সেবা করিয়া থাকেন। এই ত তাঁহার গুণ, রূপ ও "তথৈবচ"।

উক্ত প্রতিবেশীর মতে এমন সুপাত্র আর কুত্রাপি মিলিবে না, অতএব শীঘ্র শুভ কার্য সম্পন্ন করাই মঙ্গল।

এই 'সু' নামে কন্যা সম্প্রদান করিতে বিধবার ৫-৬ শত টাকার প্রয়োজন। পোনের ভরি স্বর্ণালঙ্কার, এবং নগদ তিন শত টাকা চাই; তৎপরে বরাভরণ, কুল-শয্যা ও বিবাহের খরচ প্রভৃতি আছে। তাঁহার সবলের মধ্যে কয়েক বিধা ধান-জমী মাত্র। তবে তিনি কিরূপে এত অর্থ সংগ্রহ করিবেন? হায়! তাঁহার

নিকট একটা তাম্রমুদ্রা একটা সূবর্ণ-মুদ্রার জার মূল্যবান।

কিন্তু ইহা না হইলেও কন্যার বিবাহ হইবে না। অগত্যা তিনি ইহাতেই বীকৃত হইলেন। বে জমীটুকু ছিল, তাহা এক জনের নিকটে বন্ধক রাখিলেন এবং ঐ বন্ধকী টাকা লইয়া কন্যার বিবাহের আয়োজন করিতে লাগিলেন। পরে অসম্ভাবে তাঁহার যে কি দশা হইবে তাহা আর তিনি ভাবিলেন না, অথবা নিরুপায় বলিয়া সে ভাবনা পরিত্যাগ করিয়াছিলেন।

গৃহসজ্জা সামান্য যাহা ছিল, তদ্ব্যতীত কিছু কিছু রাখিয়া অবশিষ্ট সমস্ত বিক্রয় করিলেন। এইরূপে কন্যার অলঙ্কার ও 'ভাবী' জামাতার জন্ত চেন, ঘড়ি প্রভৃতি ক্রয় করিলেন। বিবাহের দিন নির্দিষ্ট হইল, বিধবা যথামাধ্য জ্ঞাতি ও প্রতিবেশী-দিগকে নিমন্ত্রণ করিয়াছিলেন। আমাদের সুরেশচন্দ্রও নিমন্ত্রিত হইয়াছিলেন, এবং সুরেশ আসিয়াছিলেন বলিয়া ভূপেন্দ্রও বিবাহদর্শনার্থে আসিয়াছিলেন। দুই বন্ধুতে এক পার্শ্বে দাঁড়াইয়া বিবাহ দেখিতেছিলেন, এবং "বানরের গলায় মুক্তার মালা" অর্পিত হইতেছে দেখিয়া সমাজকে দিক্কার দিয়া উভয়ে হৃৎ প্রকাশ করিতেছিলেন। এদিকে পাত্রেয় পিতা আসিয়াই আগনার "প্রাণা" বুঝিয়া গইতে লাগিলেন। প্রতিভার মাতা একজন লোক দ্বারা তৎসমস্ত বুঝাইয়া দিতেছিলেন। চেন, ঘড়ি, অলঙ্কার প্রভৃতি দেখিয়া "ভাল



হয় নাই” বলিয়া বরকর্তা নাসিকা ক্রুদ্ধিত করিলেন। বাহাইউক অল্পগ্রহপূর্বক সে গুলি গ্রহণ করিয়া প্রতিভার মাতাকে কৃতার্থ করিলেন। শেষে টাকা গণিতে বলিলেন। নগদ তিন শত টাকা দিবার কথা ছিল, কিন্তু বিধবা আড়াই শত টাকার অধিক তখন সংগ্রহ করিতে পারেন নাই। তিনি অতি বিনীত ভাবে ভাবী বৈবাহিককে কহিলেন “আর টাকা সংগ্রহ করিতে পারি নাই, বাকি পঞ্চাশ টাকা পরে দিব, এখন এই আড়াই শত টাকা লইয়া অল্পগ্রহপূর্বক আমাকে কজাদার হইতে উদ্ধার করুন।

পাতের পিতা একথা শুনিয়া মহা রাগান্বিত হইলেন। “যুগ্মচোর” “পাজি” “ছোট লোক” মিথ্যাবাদী” প্রভৃতি বলিয়া গালি দিতে লাগিলেন। তিনি কহিলেন, “বদি বিবাহ দিবার ইচ্ছা থাকে, তাহা হইলে এখনি ঐ বাকি পঞ্চাশ টাকা দেওয়া হউক, নচেৎ আমি বর উঠাইয়া লইয়া যাইব”। প্রতিভার মাতা অত্যন্ত ভীত হইলেন, গালি থাড়া খাইলেন তাহা গ্রাহ্য করিলেন না, এখন তিনি মেয়ের বিবাহ দিতে পারিলে বাঁচেন। তিনি অধিকতর কাতর ও বিনীত ভাবে বলিলেন, “আমি আপনার নিকটে প্রতিজ্ঞা করিয়া কহিতেছি, এক মাসের মধ্যে উক্ত পঞ্চাশ টাকা আপনাকে দিব, আজ আমি আর কিছুতেই সংগ্রহ করিতে পারি নাই। ধার কর্ত্ত করিয়া আমি বাহা পাইয়াছি তৎসমস্তই আপনাকে দিয়াছি, আর আমার

কিছুই নাই। কিন্তু দরিদ্র বিধবার এ কাতরতা কে দেখে? কে শোনে? বরকর্তা অকথ্য কথায় নানাক্রম গালাগালি দিতে বিতে স্বীয় পুত্রের হস্ত ধারণপূর্বক প্রস্থান করিলেন।

প্রতিবেশিগণ বিবাহ দিয়া যাইবার নিমিত্ত তাঁহাকে অনেক অনুরোধ করিতে লাগিলেন, একজন এক মাসের মধ্যে টাকা দেওয়া হইবে বলিয়া জামিন হইতে চাহিলেন, কিন্তু “চোর” না শোনে ধর্মের কান্দীনী”, বরকর্তা কাহারও কথায় কর্ণপাত করিলেন না। তখন প্রতিভার মাতার মস্তকে আকাশ ভাঙ্গিয়া পড়িল, তিনি সমগ্র পৃথিবী অন্ধকার দেখিতে লাগিলেন। “ওগো তোমাদের পায়ে পড়ি, আমার জাতি রক্ষা কর” বলিয়া আর্জনা করিতে লাগিলেন। বাস্তবিক জাতিনাশ হয় দেখিয়া জ্ঞাতিগণও চিন্তাশ্রিত হইলেন। উপায়ান্তর না দেখিয়া সকলে বুঝা গুণগোপ্য আরম্ভ করিলেন। অরেশ এবং ভূপেন্দ্র এই লোমহর্ষণ ব্যাপার দেখিয়া স্তম্ভিত এবং ব্যথিত হইলেন, উভয়ের চক্ষু দিয়া বিন্দু বিন্দু অশ্রুপাত হইতে লাগিল।

গৃহদ্বারে পাত্রীকে সুসজ্জিত করিয়া একখানি পিড়ার উপর বসাইয়া রাখা হইয়াছিল, বালিকা সেই পিড়ার উপরেই বসিয়া আছে। মাতার এই বিপদে এবং তাঁহার আর্জনাধঃক্ষেণে বালিকার চক্ষু ছল ছল করিতে লাগিল। সে মনে মনে ভগবানের চরণে প্রার্থনা করিতেছিল,



“দয়াময়! আমি ক্ষুদ্র বালিকা, আমার জন্ম আমার প্রাণিনী মাঝে যেন আর অধিক দুঃখ না পান? তাঁহাকে এ দুঃখ-নাগরে পার কর। এই দণ্ডে আমার মৃত্যু হ'ক, তাহা হইলেই আর কোন আশা থাকিবে না।” বুঝি ভগবানের চরণে তৎক্ষণাৎ সে কথা পৌছিল।

বালিকার কাতরতায় দয়াময় আর স্থির থাকিতে পারিলেন না। সেই অনন্ত দেবের অপার কৃপাবলে হঠাৎ অরেশ্বর দৃষ্টি প্রতিভার উপর পতিত হইল। সেই সময়ে নেত্র তাহার বদনকমলের শোভা যেন সহস্র গুণে বর্দ্ধিত হইয়াছিল। তৎক্ষণে অরেশ্বর মুগ্ধ হইলেন। অবিলম্বে তিনি প্রতিভার মাতার নিকট গিয়া কহিলেন “মা, যদি অম্মার বিবেচনা না করেন, তবে আমাকে আপনার কন্যা সম্প্রদান করিয়া জাতি রক্ষা করুন।”

বিধবার কর্ণে সে কথা স্বপ্নে শ্রুতবৎ বোধ হইতে লাগিল। একি কখনও হইতে পারে? অরেশ্বর বিশ্ববিদ্যালয়ের বি, এ, বি, এল্, উপাধিধারী, নবীন যুবক, কত ধনাঢ্য ব্যক্তি তাঁহার করে কন্যা সম্প্রদান করিবার নিমিত্ত লালায়িত হইয়া বেড়াইতেছেন। তিনি একজন দরিদ্রা অনাথা বিধবার কন্যাকে বিবাহ করিবেন? ইহা হইতেই পারে না।

এ কথায় তাঁহার বিরাগ হইল না, তিনি আশ্চর্য্যাবিত হইয়া উদাসনে অরেশ্বরের সুখের প্রতি চাহিয়া রহিলেন। অরেশ্বর তাঁহার মনোভাব বুঝিলেন, এবং

তাঁহার মন মুখ দেখিয়া অত্যন্ত দুঃখিত হইলেন। তিনি পুনশ্চ কহিলেন, “আপনার যদি কোন আপত্তি না থাকে, তবে আমি আপনার কন্যাকে বিবাহ করিতে প্রস্তুত আছি।” এইবার বিধবা কথী কহিলেন এবং বাস্পদগদগদ স্বরে বলিলেন “হাঁ বাবা, মতি কি তুমি প্রতিভাকে বে' কোরবে?”

অরেশ্বর “আজ্ঞা হাঁ” বলিয়া সম্মতি জানাইলেন। বিধবা তখন অতিরিক্ত আনন্দে আত্মবিস্মৃত হইয়া কি কর্তব্য তাহা ভুলিয়া গেলেন। পুরোহিত অরেশ্বর চন্দ্রের হস্ত ধারণ করিয়া তাঁহাকে বরের আগলে বসাইলেন। নাপিত আসিয়া ভূতপূর্ব বরের পরিত্যক্ত চেলির ঘোড় ও টোপর তাঁহাকে পরাইয়া দিল, তাহার পর প্রতিভাকে আনিয়া যথাশাস্ত্র বিবাহ আরম্ভ হইল। অরেশ্বর কন্যাব্রত হইয়া বিবাহ দেখিতে আসিয়া নিজেই বর সাজিয়া বিবাহ করিতে বসিয়া গেলেন। এই ব্যাপারদর্শনে ভূপেন্দ্রনাথ অত্যন্ত আত্মনাদিত হইয়া অরেশ্বরকে আলিঙ্গন করিয়া কহিলেন “ভাই অরেশ্বর! জগতে তুমিই ধন্য। তোমার ভুলনা নাই। আজি তুমি যে দৃষ্টান্ত দেখাইলে, জগৎ ইহা দেখুক, সমাজ ইহা শিক্ষা করুক। তোমার এই দৃষ্টান্তস্বাক্ষরী কার্য্য করিলে পৃথিবী স্বর্গ হইবে। ইহাতেই সমাজের প্রকৃত উন্নতি হইবে। বাহারা ‘সমাজ সংস্কার,’ ‘সমাজ সংস্কার,’ বলিয়া বৃথা চীৎকার করে, সেই জানগন্ধিত নিকোদ

লোকেরা আজি দেখুক যে, অধু গলা-
বাজি বা মসায়ুগে সমাজসংস্কার হয় না,
যথার্থ সমাজসংস্কার করিতে হইলে
প্রকৃত কর্তব্যবীরের জায় কর্ম করা চাই।
অর্থ ভাগ করিয়া সমাজসংস্কারের
কার্য করিলে অবশ্যই সমাজের উন্নতি
সাধিত হইবে।”

বধারীতি শাস্রমতে সুরেশচন্দ্রের সহিত
প্রতিভার বিবাহকাণ্ড সম্পন্ন হইয়া গেল।
প্রতিভার মাতার আজি যে আনন্দ, তাহা
বর্ণনাতীত। তিনি ভিন্ন অস্ত্র কেহ সে
আনন্দ অমৃত্যব করিতে পারিবে না। প্রতি-
বেশিগণের মধ্যে কেহ কেহ যার পর নাই
আহলাদিত হইলেন, আবার কাহারও বা
ইহা ভাল লাগিল না। সামান্য, নীনা
দরিদ্রার কন্যা, অর্থাভাবে অপাত্রেও
কাহাকে বিবাহ করিতে চাহিল না, তাহার
কিনা সুরেশচন্দ্রের জায় সর্বগুণবিভূষিত
পাত্রের সহিত বিবাহ।

কাহার পরের সম্পদ দেখিতে পারে না,
তাহাদের প্রাণে ইহা সহিবে কেন? বলা
বাহুল্য সুরেশচন্দ্র বিবাহ করিয়া
অর্থাৎ কিছুই লন নাই। এমন কি
প্রতিভার গাত্র হইতে অলঙ্কার কমখানিও
খুলিয়া লইয়া প্রতিভার মাতার হস্তে
প্রদান করিলেন। প্রতিভার মাতা
সে শুভি লইতে কিছুতেই সক্ষম হইলেন
না, কহিলেন “বাবা, তোমার মত জামাতা
যাহার, তাহার এ সংগারে আর কিছুই
অভাব নাই।”

কিন্তু সুরেশ সে কথা ভুলিলেন না।

তিনি কহিলেন “আমি সকলই জানি,
আপনার অসংস্থানের জমীটুকু আপনি
বন্ধক রাখিয়াছেন, আপনি তাহা কিরূপে
উদ্ধার করিবেন? অম্মভাবে কালি
আপনার কি হইবে তাহা একবার ভাবিয়া-
ছেন কি? এই অর্থে আপনি সেই জমী-
টুকু ছাড়াইয়া লউন। এ বিষয়ে আপনি
আপত্তি করিবেন না। আমার এ সকলে
কোনও প্রয়োজন নাই, আপনি আশীর্বাদ
করুন, পরদ্রব্য আমার যেন কখনও লোভ
না জন্মে।” ধন্ত সুরেশ! আর যে রমণী
তোমার জ্ঞান পুত্র গর্ভে ধরেন, তিনিও
ধন্তা।”

বিবাহের পর বর কন্যা বাসগৃহে গমন
করিলেন। রমণীগণ ‘বর’ দেখিয়া বড়ই
প্রীত হইলেন। সুরেশচন্দ্র হস্ত পরি-
হাসে বাগর বেশ জম্কাইয়া বসিয়া-
ছিলেন। পুত্রের কাণ্ডে অসন্তুষ্ট হওয়া দূরে
থাকুক, নবীন বাবু তাহাতে অতিশয় সন্তুষ্ট
হইলেন। কন্যাদায় যে কি প্রকার ভীষণ
ও ভয়াবহ, তাহা তাহার বিশেষরূপেই জান।
ছিল, তিনি যৎসুত্বভোগী। পুত্র যে এই-
রূপ কন্যাদায়গ্রস্ত এক অসহায় বিধবাকে
রক্ষা করিয়াছে, তাহাতে তিনি আহলাদিত
হইলেন। পরদিন যথাসাধ্য সমারোহে
বর ও বধূকে আগন গৃহে লইয়া গেলেন।

(৯)

সুরেশচন্দ্রের বিবাহের পর কয়েক মাস
অতীত হইয়াছে। প্রতিভা প্রাণপণে স্বস্তর
ও শাস্ত্রীর সেবা শুদ্ধা করে। সে নন-
দিনীগণকে সহোদরাধিক বহু ও শ্রদ্ধা করে,

এবং কিসে সে সকলকে সন্তুষ্ট রাখিতে পারিবে, সর্বদাই তাহার চেষ্টা করে। মা কমলার কুপায় এখন সুরেশের দাস দাসী অনেক হইয়াছে, তথাপি প্রতিভা অনেক কার্য সম্বন্ধে সম্পন্ন করিয়া থাকে। আলতা বা বিদ্যাসিতা কি প্রকার তাহা সে আরো জানে না। প্রতিভার গুণে ভীতির সকলই স্থলী। সুরেশচন্দ্র ও পত্নীর মধ্যে যুদ্ধ এবং গুণে বশীভূত হইয়াছিলেন।

এক দিবস দিবা দ্বিঃকালেকালে সুরেশচন্দ্র আপন বিশ্রামকক্ষে বসিয়া বিশ্রাম করিতেছিলেন। সেই দিবস আদালত বন্ধ ছিল, সেই জন্য কোর্টে যাইতে হয় নাই। তাহার কনিষ্ঠ ভগ্নী শোভা একখানি পুস্তক হস্তে লইয়া তাহার নিকট পাঠ বলিয়া নূতন পাঠ লইতেছে। সুরেশচন্দ্র একখানি লংবাদপর পাঠ করিতেছিলেন, এবং মধ্যে মধ্যে ভগ্নীর পাঠ বলিয়া দিতেছিলেন। এমন সময়ে সহাস্রবদনে ভূপেন্দ্রনাথ তথায় উপস্থিত হইলেন। আলুপারিতকুণ্ডলা শোভা আলতা-পরা পাছখানি দেলাইতে দেলাইতে পুস্তক হস্তে করিয়া একখানি বেঞ্চির উপর বসিয়াছিল। হারের নিকটে দাঁড়াইয়া ভূপেন্দ্রনাথ সুহৃৎসমাজে যে মনোমোহিনী মূর্তি নিরীক্ষণ করিলেন, অমনি চারি চকুর সম্মিলন হইল।

শোভা এখন ভূপেন্দ্রনাথের সম্মুখে বাহির হয় না, কে জানে কেন ভূপেন্দ্রকে দেখিতেই তাহার কন্ঠে বৈমন এক প্রকার বজ্র আসিয়া উপস্থিত হয়।

হারের পার্শ্বে ভূপেন্দ্রকে দেখিয়া শোভার বদনমণ্ডল আরকিম ভাব ধারণ করিল। হারে ভূপেন্দ্র, সে বাহিরে যাইতেও পারিতেছে না, তাহার স্থাপিত জন ঘন স্পন্দিত হইতে লাগিল, বেন কি মহা বিপদ উপস্থিত।

ভূপেন্দ্র আসিয়া কক্ষমধ্যে সুরেশের পার্শ্বে উপবেশন করিলেন। অমনি শোভা হস্তের পুস্তকখানি রাখিয়া দিয়া বেগে অন্তরাতিমুখে প্রস্থান করিল। উঠিবার সময় বেঞ্চির কোণে লাগিয়া পার্শ্বের বস্তুর অঞ্চল কিঞ্চিৎ ছিন্ন হইয়া গেল। আবার বহির্গমনকালে হারের অর্গলে কয়েক গাছি চুল আটকাইয়া গেল, শোভা সেগুলি খুলিবার অবকাশ পাইল না, টানিয়া ছিড়িয়া লইয়া দৌড়িল।

কিরংকল এ কথা সে কথার পরে ভূপেন্দ্র কহিলেন “ভাই সুরেশ! তুমিতো দিবা পত্নীটা বিবাহ করিয়া আনিবে, সার্থক সে দিন বিবাহ দেখিতে গিয়াছিলে? এখন আমিই একা আইবড় থাকিব নাকি?”

সুরেশ সহাস্রকহিলেন “তবে কেন ভাই!” তোমার তো সকল প্রস্তুত, আর এক বৎসরও অতীত হইতে চলিল।

ভূপেন্দ্র হঃখিত হইয়া কহিলেন, “সে যে কাণা, কাণার হস্তে এমন অনুলা জীবনটা উৎসর্গ করিব?”

সুরেশ অপ্রতিত হইয়া ভাবিলেন, জানিয়া শুনিয়া ভূপেন্দ্রের মনে বাধা দেওয়া ভাল কাজ হয় নাই।

পরিহাস ভাগ করিয়া তিনি কহিলেন “কোনকে যদি বিবাহ করিয়া অসুখী হও, তবে আর একটা ভাল পাত্রী মনোনীত কর না কেন?” কিন্তু তোমার পিতার মত হইবে কি?” ভূপেন্দ্র একটু চিন্তা করিয়া কহিলেন, “আমি ভাবিয়াছি, বিবাহের পরে অমূল্য বিনয় করিয়া পিতার নিকটে ক্ষমাতীক্ষা চাহিব, পূর্বে জানিতে পারিলে জ্ঞান যে মত করিবেন, সে আশা আমার নাই।”

সুরেশ কহিলেন “পিতামাতার অমূল্য মতি ভিন্ন এরূপ ভাবে বিবাহ করা উচিত নহে।” ভূপেন্দ্র হাসিয়া উত্তর করিলেন, “ওহে গভীতপ্রবর, তুমি কি পিতামাতার অমূল্য মতি নইয়া বিবাহ করিয়াছিলে?”

সুরেশ অপ্রতিভ হইয়া কহিলেন, সত্য আমি পিতামাতার বিনা অমূল্যমতিতে বিবাহ করিয়াছি, কিন্তু আমি জানিতাম এ কার্যে আমার পিতামাতা অসম্মত হইবেন না। আমি দরিদ্রের সন্তান, অতএব আমার বিবাহ দিবা তাঁহাদের বিপুল অর্থ ও সম্পত্তি লাভের প্রত্যাশা ছিল না। কিন্তু তোমার বিবাহে তোমার পিতা বিপুল সম্পত্তি হস্তগত করিবার কত প্রত্যাশা করেন, তাহা তোমার অবদিত নাই।”

ভূপেন্দ্র দীর্ঘ নিঃশ্বাস ভাগ করিয়া কহিলেন “তাই এ ভিন্ন কানার হস্তে পরিণামলাভের আর আমার উপায় নাই। এরূপ না করিলে জীবনের সুখ, শান্তি এমন কি জীবন পর্যন্ত বিসর্জন দিতে

হয়।” এই বলিয়া ভূপেন্দ্র অধোমুখে নিরস্তর রহিলেন।

কাহাকেই অবতরণ করিয়া সুরেশ-চন্দ্র ভূপেন্দ্রের বিবাহের বিষয় এক প্রকার বিস্থিত ছিলেন, আজি আবার সকল কথা শ্রবণ করিয়া চিন্তিত হইলেন। কিন্তু ভূপেন্দ্র মনোমত পত্নী লাভ করিয়া চিরশান্তি লাভ করিতে পারে, সেই চিন্তা তাঁহার অন্তরে আবল হইয়া উঠিল। তিনি বুঝিলেন, ভূপেন্দ্র যদি অন্তঃ বিবাহ করেন, তবে কখনই বিনোদবাবু তাঁহার হস্তে কত্না সম্প্রদান করিবেন না। অতএব ভূপেন্দ্রের গোপনে মনোনীত পত্নীর সহিত পরিণয় নিতান্ত আবৌক্তিক নহে। তবে ইহাতে হরিমোহন বাবু নিতান্ত ক্রুদ্ধ হইবেন। কিন্তু ভূপেন্দ্রের মাতা মেহমতী, তিনি অর্থলোলুপা নহেন। তাঁহার অমূল্য রোধে অবশ্যই হরিমোহন বাবু কোপ সঞ্চার করিতে পারেন। এইরূপ ভাবিয়া তিনি ভূপেন্দ্রকে জিজ্ঞাসা করিলেন “তুমি কি অন্য কোন পাত্রী দেখিয়া মনোনীত করিয়াছ?”

ভূপেন্দ্র কহিলেন “হাঁ, এখন তোমার মতের অপেক্ষা।”

সুরেশ সাগ্রহে জিজ্ঞাসা করিলেন, “আমার মত? তুমি বাহাতে সূখী হও, আমার কি তাহাতে অনিচ্ছা ভূপেন?”

ভূপেন্দ্র। না, তাহা আমি বলিয়াই আজি আমি সাহস করিয়া তোমার নিকটে সে কথা বলিতে আসিয়াছি। তাই, বহুদিবস হইতে এ চুরাশা জদয়ে পোষণ করিয়া

আসিতেছি, আমরা এ আশা কি পূর্ণ হইবে না?

সুরেশ উৎসুক হইয়া কহিলেন “ব্যাপার-বানা কি খুলেই বল না!”

ভূপেন্দ্র। বলিব বলিয়াই ত আনিয়াছি। বলিব বলিব অনেক দিন ভাবিয়াছি, কিন্তু লজ্জা ও আশঙ্কায় বলিতে পারি নাই। কিন্তু আজ বলিব বলিয়া দৃঢ় প্রতিজ্ঞ হইয়া আসিয়াছি, তাহার পর আমার অদৃষ্টে বাই থাকুক, তুমি— সুরেশ বাধা দিয়া সহাত্রে কহিলেন, “আজি কোট বন্ধ, অত বক্তৃতা করিতেছ কেন? কাজের কথাটা কি শীঘ্র বল!”

ভূপেন্দ্র সাগ্রহে সুরেশের হস্ত ধারণ-পূর্বক কহিলেন “ভাই সুরেশ! প্রাণের সুরেশ! আমি শোভার পানি তিষ্কা করি, বল ভাই, আমার এই বাসনা কি পূর্ণ হইবে না?” এই কথা শুনিয়া সুরেশের বদনমণ্ডল হর্ষোৎফুল্ল হইয়া উঠিল বটে, কিন্তু পরক্ষণেই তাহা অতি বিষম ভাব ধারণ করিল। তিনি দীর্ঘনিঃশ্বাস পরিত্যাগ করিয়া কহিলেন “ভাই, পোনের হাজার টাকা দিবার ক্ষমতা তো আমাদের নাই?”

ভূপেন্দ্র হাসিতে হাসিতে কহিলেন, “পাগল, আমি টাকার প্রত্যাশী নই।”

সুরেশ। তুমি টাকার প্রত্যাশী নহ তাহা জানি, কিন্তু তোমার পিতা ছাডিবেন কেন? তাহার প্রথম আকাজ্ঞা পোনের হাজার টাকা, দ্বিতীয়, অগাধ সম্পত্তি! এ সকল ত্যাগ করিয়া আমাদের ছায় দীন

বরিসের ঘরে তোমার বিবাহ দিতে কখনই তিনি সম্মত হইবেন না।

ভূপেন্দ্রঃ প্রশ্নটিতে উত্তর দিলেন, “ভাই, পিতা আমার যে বিবাহের সম্বন্ধ স্থির করিয়াছেন, সে বিবাহে আমার অন্তর কিরূপ বাধিত তাহা তো তুমি জান, তবে জানিরা শুনিয়া এ কথা কেন বলিতেছ?”

সুরেশ। ভাই, তোমার ছায় ভগীপতি লাভ করিতে কাহার না ইচ্ছা হয়? কিন্তু আমার পক্ষে তাহা বাসন হইয়া চলে হাত দেওয়া তিন্ন আর কি বলিব। যে রমণী তোমার ছায় পতি লাভ করিবে, তাহার সৌভাগ্যের সীমা নাই। আমার ভগ্নীর তত সৌভাগ্য আছে কি? এ বিবাহে তোমার পিতা মহা ক্রুদ্ধ হইয়া কি জানি কি অনর্থ ঘটাইবেন। তাই আমার ইচ্ছা, তুমি অল্প কোন ধনাঢ্যের কন্যাকে মনোনীত করিয়া বিবাহ কর।

ভূপেন্দ্র। ভাই, যে দিন আমি তোমার সহিত প্রথম বন্ধমানে তোমাদের বাটতে আসি, সেই দিনেই আমি আমার চিত্ত হারাইয়াছি। আমার হৃদয়ের অন্তস্তলে শোভার নমোহারিণী মূর্তি অঙ্কিত হইয়া রহিয়াছে। আমি মনে মনে কত দিন সেই বিষয়-বিষ-মাখা, ধনগর্ষিতা, এক-চক্ৰ-হীনা রমণী ও আনন্দময়ী, জীবনানন্দ-দায়িনী, প্রফুটিত কমল তুলা, শোভার আধার শোভার তুলনা করিয়াছি, উভয়ে স্বর্গ নরক প্রভেদ! শোভার অতুলনীয় রূপরশি এবং অহুপমেয় গুণগ্রামে আমাকে পাগল করিয়া তুলিয়াছে, তোমার কাছে

বলিতে লজ্জা কি? যদি আমি শোভাকে না পাই, তবে আমার জীবনের আশা তরঙ্গ হইবে ফুরাইবে। শোভা ভিন্ন আর কাহাকেও পরীক্ষণে গ্রহণ করিব না। আমি কলনার প্রণয়-কুসুমে শোভার পূজা করি, এবং প্রণয়-মালা শোভার গলায় দিই, অনেক চেষ্টা করিলাম এ প্রযুক্তি দমন করিতে পারি নাই। পাছে আমার হাতে পড়িলে শোভা অস্বীকার করে, সেই ভয়ে এত দিন এ কথা প্রকাশ করি নাই। কিন্তু আমি ঘোর স্বার্থপর, এখন শোভার-বিবাহের কথা স্মরণে পাইতেছি। তাই "আমার আশঙ্কা পাছে আমার কদরবর, চির-ঐশ্বর্য ধন, অগরের কণ্ঠ শোভা করে। বলিতে কি আমি শোভাকে পাইবার আশাতেই আত্মীয় স্বজন ও স্বদেশ পরিত্যাগ করিয়া বর্তমানে আসিয়াছি। এখন তুমি কৃপা করিলেই আমার বাসনা সফল হয়।

স্বরেশ বুলিলেন শোভার সহিত বিবাহে যথার্থই ভূপেন্দ্র জুখী হইবে। আর শোভারও হাব ভাব দেখিয়া তাঁহার বুদ্ধিতে বাকি ছিল না, যে শোভাও ভূপেন্দ্র-নাথের প্রতি অত্যন্ত অনুরক্ত! তবে ইহা চুরাশা মাত্র মনে করিয়া এ কথা তিনি কলনান্তেও স্থান দিতেন না।

ভূপেন্দ্র কহিলেন "স্বরেশ! তুমি আমার হিতৈষী বন্ধু, তোমার নিকটে সকলই বলিলাম, এখন যাঁহাতে ভাল হয়, তাহা তুমি কর। আমি তোমার মত পরার্থে আর হারা নহি, আমি ঘোর স্বার্থপর ও

নিজ স্বার্থদাবনোদ্দেশে লালসিত, আমার কমা কন্দ।"

তাই বন্ধুতে বহুক্ষণ ধরিয়া কত পরামর্শ করিতে লাগিলেন, সে কথা এ স্থলে বলা নিম্প্রয়োজন। শেষে স্থির হইল, বিবাহ হইয়া গেলেই ভূপেন্দ্রনাথ পিতাকে পত্র লিখিয়া বিবাহের বিষয় জানাইবেন। স্বরেশচন্দ্র স্বীয় পিতাকে সকল কথা বলিলেন। ভূপেন্দ্রনাথের ভায় জামাতা লাভ বহু দোভাগ্যের ফল, ইহাতে কাহার আপত্তি হয়? কিন্তু নবীন বাবু সেকালে লোক, একপে বিবাহ দিতে স্বীকৃত হইলেন না। পিতামাতার অজ্ঞাতসারে এবং তাঁহাদের আশীর্বাদে পরিবারে ক্রোধ ও অভিসম্পাতের তার মস্তকে বহন করিয়া বিবাহ বেওয়া ও করার তিনি সম্মত হইলেন না।

তিনি কহিলেন "পিতা মাতা বর্তমানে পুত্রের স্বয়ং বিবাহ করিবার অধিকার নাই, তাঁহাদের উভয়েরই অসম্মতিতে আমি কলার বিবাহ দিতে ইচ্ছুক নহি। পিতামাতার আশীর্বাদ না লইয়া বিবাহ করিলে কখনই অঙ্গল হয় না। তাঁহাদের মধ্যে এক জনেরও মত হইলে আমি ভূপেন্দ্রনাথের সহিত শোভার বিবাহ দিতে পারি।"

স্বরেশ ভূপেন্দ্রনাথকে সকল কথা কহিলেন, এবং স্বরেশেরই উপদেশমতে ভূপেন্দ্র এই বিবাহের কথা বিস্তৃতরূপে লিখিয়া তাঁহার যাতাকে একখানি পর পাঠাইলেন। কয়েক দিন পরে ভূপেন্দ্রের

পুত্রের উত্তর আসিল। পত্রখানি ক্ষুদ্র, তাহাতে কয়েক পংক্তি মাত্র লিখিত ছিল—

শ্রীশ্রীহরি

সহায়।

কলিকাতা,

কর্ণওয়ালিস্ স্ট্রীট।

দীর্ঘজীবন্যু,

বাবা, তোমার লেখা সমস্ত অবগত হইলাম। তোমার চিন্তার কোনও কারণ নাই। আমি যেরূপে পারি কত্নাকে সন্দৃত্ত করিব। তুমি বিবাহ করিয়া গৃহে আসিলে আমি সানন্দে বৌ বরণ করিয়া গৃহে তুলিব। আশীর্বাদ করি তুমি দীর্ঘ-জীবী হইয়া অতুল আনন্দ ভোগ কর, ইতি।

আশীর্বাদিকা - তোমার মাতা।

পত্র পাঠ করিয়া ভূপেন্দ্রের আনন্দের পরিসীমা রহিল না। তিনি তৎক্ষণাৎ সুরেশের বাসায় গিয়া পত্রখানি সুরেশের হাতে দিলেন। সুরেশচন্দ্র নবীন বাবুকে সেই পত্র দেখাইলেন। অতঃপর নবীন বাবুর আর কোনও আপত্তি রহিল না। বিবাহের দিন স্থির হইল। ইতিমধ্যে আর একটা আশ্চর্য ঘটনা ঘটিল। প্রচুর অর্থলাভের আশা পরিত্যাগ করিয়া, তৎপরিবর্তে ভাবিবহুর গাওহরিদ্রার নিমিত্ত প্রচুর দ্রব্যসম্ভার এবং বহুশ্রম রত্না-লঙ্কারাদি লইয়া হরিমোহন বাবু স্বয়ং

পুত্রের বিবাহ দিবার নিমিত্ত লোকজন সমভিব্যাহারে বর্ধমান উপস্থিত হইলেন। পাঠিকা ও পাঠকগণ বলিতে পারেন কি এ কাহার চেষ্টায় হইল? ইহা ভূপেন্দ্রের মেহময়ী মাতার চেষ্টাতেই হইল। হরিমোহন বাবুর প্রবল অর্থলিপ্সা কেবল তাঁহারই চেষ্টায় দূর হইয়াছে। আমাদের বঙ্গভূমিতে সঙ্গদয়ী মহিলার অভাব নাই। তাঁহার্য যদি স্বীয় স্বার্থ ত্যাগ করিয়া ভূপেন্দ্রের মাতার জায় কেবল পুত্রের সুখদুঃখের উপর সকল নির্ভর করেন, তাহা হইলে সমাজের বহু উপকার সাধন হয়। আর আমাদের সম্ভানগণ যদি ভূপেন্দ্র ও সুরেশচন্দ্রের জায় হইতে চেষ্টা করেন, তাহা হইলে পৃথিবী স্বর্গ হইয়া উঠে। জগতে কল্যাণপ্রসূতি বাক্তির সংখ্যা ক্রমশঃ হ্রাস পায়। সংসারে দুঃখদ্রবিত্ততার পরিবর্তে আনন্দের স্রোত বহিতে থাকে। হয়! বঙ্গ এনন দিন কি কখন আসিবে? হরিমোহন বাবুকে দেখিয়া সুরেশ প্রভৃতি সকলে যেমন আশ্চর্য্যাক্ত, পরস্পরে তেমনি আনন্দিতও হইলেন। তাহার পর শুভ-ক্ষণে ভূপেন্দ্র ও শোভার বিবাহকাণ্ড সমাধা হইয়া গেল। সতী আপন প্রতিজ্ঞা পালন করিলেন। এ বিবাহে ভূপেন্দ্র ও শোভা অতিশয় প্রীতিলাভ করিলেন। শোভার আত্মীয় স্বজনদেরও আনন্দের সীমা রহিল না। হরিমোহন বাবুও পুলকিত রূপ দর্শনে মুগ্ধ হইয়া টাকা কড়ি, বিষয় সম্পত্তি, সকলই বিস্মৃত হইলেন। তিনি

মানন্দে পূজ ও পূজবধু লইয়া গৃহে গমন
করিলেন। আমাদেরও আধ্যাত্মিক শেষ

হইল, আমরাও পাঠিকা ও পাঠকগণের
নিকট বিদায় গ্রহণ করিলাম।

শ্রীমতী চাক্ষুশী মিত্র, হুগলি।

দাতা চিরং জীবতু।

বড় অল্প দিনের কথা নয়, প্রায় চল্লিশ
বৎসর হইল বৈশাখ মাসের শেষভাগে
একদিন অপরাহ্নসময়ে—সূর্য অস্তমিত-
প্রায় হইয়াছে—পৃথিবী ছাড়িয়া বৌদ্ধ
গাছের মাথায় উঠিয়াছে ও উচ্চ অট্টালিকার
শিরে বসিয়াছে। পাখীগুলি তাহা দেখিয়া
চারি দিকে আনন্দে দ্রব করিতেছে, শীতল
বায়ু মুছ মুছ বহিতেছে, এমন সময় বর্দ্ধমান
রেল ষ্টেশনের বাহিরের বারান্দায় একজন
প্রবীণ ভক্তলোক ধীরে ধীরে পদচারণা
করিতেছিলেন। তাঁহার মুখখানি যেন
পান্ডুরীকমাখা—পরিধানে একখানি রেগির
ধানের সাদা ধপধপে ধুতি, গাত্রে একখানি
লংকুথের চাদর। তিনি বার মাসই তাহা
ব্যবহার করিতেন। তাঁহার মাথার চুল-
গুলি ছোট ছোট করিয়া ছাঁট, প্রায় গোলা
ভাবে মস্তক কামান এবং পায়ে ভালতলার
চটী জুতা। তখন ঠনঠনিয়ার চটীর হুতটী
প্রসার প্রতিপত্তি হয় নাই।

একটি অস্বক্লিষ্ট দশ বার বছরের বালক
আপনার খালি গেটটিতে হাত দিয়া
তাঁহাকে আপনার ক্ষুধার্ততা জানাইয়া
একটি পয়সা ভিক্ষা চাহিল। প্রবীণ
তাঁহাকে জিজ্ঞাসা করিলেন “পয়সা লইয়া
কি করবি?”

বালক। ঐ এক পয়সার মুড়ি কিনে
খাবো।

প্রবীণ। যদি দুটি পয়সা দি?

বালক। এক পয়সার মুড়ি খাবো,
আর একটি পয়সার মুড়ি ছোট ভাইটির
জন্ত নিরে যাবো।

প্রবীণ। যদি চারিটা পয়সা দি?

বালক। তা হ'লে দুপয়সার মুড়ি
কিনবো, আর দুটি পয়সা মাকে দিব।

প্রবীণ। আচ্ছা—যদি একটা টাকা
দিই?

বালক। তা হ'লে দুপয়সার মুড়ি
কিনি, দুটি পয়সা মাকে দি, আর পনের
আনা পয়সার আন কিনে কেরি করিয়া
বেড়াই।

প্রবীণ। তখন হাসিতে হাসিতে
বালকটাকে পাঁচটি টাকা দিলেন। বালক
টাকা পাইয়া তাঁহাকে ভূমিষ্ট হইয়া প্রণাম
করিল এবং হাসিমুখে নগরভিত্তিমুখে চলিয়া
গেল।

এই ঘটনার বার তের বৎসর পরে
আবার একদিন সেই প্রবীণ পুরুষটী
বর্দ্ধমানের রেল ষ্টেশনের বাহিরের
বারান্দায় বেড়াইতেছিলেন, বাইশ তেইশ
বৎসরের একটি সুব্রাহ্মণ্য ধরিয়া

তাঁহার মুখের দিকে চাহিয়া থাকিয়া যেন কোন সুপ্ত স্বৃতিকে আগ্রত করিবার জন্ম চেষ্টা করিতেছিল। হঠাৎ তাহার মুখে একটু প্রফুল্লতার চিহ্ন দেখা গেল এবং সে সেই প্রবীণ পুরুষের নিকটবর্তী হইয়া তাঁহার পদপ্রান্তে মন্তক লুপ্তিত করিয়া বলিল—

তিনি “আপনিই বটে।”

প্রবীণ আশ্চর্য্য হইয়া বলিলেন,—

‘কে তুমি, কেন আমার পায়ে পড়িলে?’

যুবক। আপনাকে আপনার আমার দোকানে যাইতে হইবে; চলুন, আমি অনেক দিনের পর আপনার দেখা পাইয়াছি। আপনাকে আর ছাড়িব না— এই স্থানটীতে আসিলেই আপনাকে আমার মনে পড়ে। অনেক কষ্টে আজ ভগবান আপনাকে মিলাইয়া দিয়াছেন।

প্রবীণ। ব্যাপারটা কি বল, আমার কখন আমার দোকান নাই, আমি কোথায় যাইব?

যুবক। আপনি চলুন, - দোকানে গেলেই আপনাকে সকল কথা মনে করিয়া দিব।

যুবকের নির্বন্ধাতিশয্যাদর্শনে প্রবীণ কিছুতেই এড়াইতে পারিলেন না। তিনি ধীরে ধীরে যুবকের অনুসরণ করিলেন। আমার দোকান ষ্টেশনের অতি নিকটেই, দুই এক মিনিটের মধ্যে তিনি একখানি রহৎ আমার দোকানে উপস্থিত হইলেন। দোকানখানিতে প্রায় হাজার টাকার আম রহিয়াছে, দুই তিনজন চাকরে আম

বেচিতেছে, একজন মুহুরী বিক্রয়ের হিসাব দিখিতেছে। দোকানে থরদার ধরে না, এ বলিতেছে “আমাকে আগে দাও”, ও বলিতেছে “আমাকে আগে দাও, গাড়ী এখনি ছাড়িয়া দিবে।” ইত্যাদি—

যুবক প্রবীণকে দোকানে লইয়া গিয়া একখানি চৌকিতে বসাইয়া, আপনি জলের বটী লইয়া তাঁহার পাদপ্রক্ষালন করিয়া দিল, তাহার পর সাত আট সুগন্ধ বড় বড় আম লইয়া ছাড়াইয়া একখানি থালা পরিপূর্ণ করিয়া বলিল—

“এগুলি আপনাকে খাইতে হইবে, না খাইলে কিছুতেই ছাড়িবো না, এ সকল যাহা দেখিতেছেন সবই আপনার। আপনি পেট ভরিয়া খান।”

প্রবীণ কিয়ৎকাল অবাক হইয়া বসিয়া থাকিবার পর জিজ্ঞাসা করিলেন,—

“ব্যাপারটা কি বল দেখি। তুমিই বা কে, ষ্টেশনে কত লোক আসা যাওয়া করিতেছে, তাহাদের কাছাকাড় ত এতদূর যত্ন করিয়া আম খাওয়াইবার জন্ম জন্ম করিতেছ না, এ সকল কথা না বলিলে কিছুতেই আমি আম খাইব না।”

যুবক তখন অশ্রুজলে চক্ষু ভিজাইয়া বলিতে লাগিল,

“মনে করিয়া দেখুন আজ ১২।১৩ বৎসর হইল এই বর্ধমানের ষ্টেশনে ঠিক এমন সময় দশ বার বছর বয়সের একটি বালক একটা পয়সা ভিক্ষা চাহিলে আপনি তাহাকে পাঁচটা টাকা দিয়াছিলেন, বেশ করিয়া ভাবিয়া দেখুন দেখি। সেই এক-

পয়সার ভিখারী বালক আপনারই রূপার
আজ এই নগরের একজন প্রধান আমের
মহাজন।”

প্রবীণ। “গুণু তাই মনে করিব কেন,
তোমার ভ্রাতৃবেহ, আর মাতৃভক্তির
কথাটাও মনে করিব, তোমার সেই
বালাকালের বিষয়টাও ভুলিব না।”

এই সকল কথা বলিতে বলিতে
প্রবীণের চক্ষু দুইটাও অশ্রুসিক্ত হইল।
তিনি বলিলেন,—

“দাও আম দাও, তোমার আম অবশ্যই
খাইব।”

এই বলিয়া দুই তিনটা আম খাইয়া
বলিলেন,—

“আর খাইব না হে—আমার অঘলের
বামো আছে।”

যুবক ছাড়িল না, জেদ করিয়া আরও
দুইটা আম খাওয়াইল।

প্রবীণ বলিলেন, “ভোরপুর হইয়াছে।
রাগিতে আর আমার জলস্পর্শ করিতে
হইবে না।”

অতঃপর যুবক একটা খুঁড়িতে ভাল
ভাল একশত আম বাছিয়া গইল, এবং
প্রবীণের স্বস্থানে প্রস্থান করিবার সময়
আপনার চাকরকে দিয়া সেই আমগুলি
তাহার সঙ্গে পাঠাইল।

প্রবীণ বলিলেন, “এত আম লইয়া
আমি কি করিব, এখানে আমার স্ত্রী-পুত্র-
পরিজনবর্গের কেহই নাই, কেবল চাকর
ও বামুন মাত্র, তাহাদের জন্য ৮১০টা না
হয় ২০১২৫টা হইলেই যথেষ্ট হইবে।”

যুবক বলিল—“পাড়া প্রতিবাদীকে
শিলাইয়া দিবেন, তাহা হইলেও আমার
সার্থক হইবে।”

পাঠকপাঠিকাগণ এই প্রবীণ পুরুষকে
চিনিয়াছেন কি?—ইনি দয়ার অবতার
স্বর্গীর ঈশ্বরচন্দ্র বিজ্ঞানাগর। এ দেশে
প্রবাদ এইরূপ যে, যে ব্যক্তি বিজ্ঞানাগরের
দানে উপরুত, সেই সার্থক হইয়াছে;
তাহার দান বার্থ হইবার নহে। বিজ্ঞানাগর
মহাশয় আমাদের প্রাতঃস্মরণীয়।

শ্রীঅধিকাচরণ শ্রুত।

ভূত না মানুষ?

যষ্ঠ পরিচ্ছেদ।

ফকিরের ফন্দি ও প্রতারণা।

চণ্ডদেবের ভূত কর্তৃক প্রদীপিত
হওয়ার পর কিছুদিন অতীত হইল।
তিনি অনেকটা সুস্থ হইলেন। তাহার
হাতের কত সম্পূর্ণরূপে গুণ না হইলেও

ভূত কর্তৃক আক্রমণের ভয় তাটা একে-
বারেই উপশম হইয়া গিয়াছে। কিন্তু তিনি
ভূতের ভয়ে অতি অস্থিরভাবে দিনপাত
করিতে লাগিলেন। ইহার উপর নন্দক
কোথায় গেল, সে চিন্তাতেও তিনি দগ্ধ
হইতে লাগিলেন। নন্দক পূর্বে কখনও

তাহার বিনা অনুমতিতে কোথাও যাইত না। একদিন সন্ধ্যার সময় চণ্ডদেব একজন ভৃত্যের মুখে শুনিতে পাইলেন যে, একজন ফকির তাহার সঙ্গে দেখা করিতে আসিয়াছে।

তিনি ফকিরকে নিকটে আনাইলেন। ফকির তাহার কক্ষান্তরে প্রবেশ করিয়াই দ্বার রুদ্ধ করিয়া দিল, এবং চণ্ডদেবের সম্মুখে মেজের উপর একখানি কমল বিছাইয়া বসিয়া পড়িল। চণ্ডদেব ফকিরের ব্যবহারে ভীত হইলেন এবং বিয়ক্তিও বোধ করিতে লাগিলেন। তিনি কহিলেন, “তুমি আমার সঙ্গে দেখা করিতে চাহিয়াছ কেন?”

ফকির। তুমি আমাকে চিনিতে পার না? আমি শুধু ফকির নই, ভূতের ওঝা, ও জ্যোতিষ বিভাগেও আমার অধিকার আছে।

চণ্ডদেব ভীত হইয়া কহিলেন, তুমি ভূতের ওঝা?”

ফকির। হাঁ, আমি জানিতে পারিয়াছি বহুদিন হইতেই একটা ভূত তোমার অনুসরণ ও তোমাকে সময়ে সময়ে আক্রমণ করিতেছে। এই কয়েক দিন হইল তুমি যে কুমারীর ধর্মানাশ করিয়াছ, ও যাহাকে তুমি বিবাক্ত হুচ দ্বারা হত্যা করিয়াছ, তাহার প্রেতাত্মা তোমাকে হত্যা করিতে আসিয়াছিল। নন্দকের আগমনের আর এক দণ্ড কাল বিলম্ব হইলেই তোমাকে ধরাধাম হইতে চিরবিদায় লইতে হইত। সেই কুমারীর নামের আদি অক্ষর “চ”।

চণ্ডদেব বিস্ময়ে ও ভয়ে শবের মত হইয়া গেলেন, এবং বিস্ময়িতনেত্রে ফকিরের মুখের দিকে ভাকাইয়া রহিলেন। এই সময়ে তিনি এরূপ মুগ্ধবাদন করিলেন যে, আর কখনো কেহ তাহাকে সেরূপ মুগ্ধবাদন করিতে দেখে নাই। চণ্ডদেব এই ভাবে কতক্ষণ ছিলেন, তাহা তিনিও বলিতে পারেন না। যখন তাহার চক্ষু সমুচিত হইল, মুখের সে ভাব তিরোহিত হইল, তখন তিনি ভয়ে চক্ষু মুদ্রিত করিয়া রহিলেন। এবং জড়িতস্বরে কহিলেন, “কাহার প্রেতাত্মা? চন্দনীর?”

ফকির। হাঁ, যাহাকে বিষপ্রয়োগ করাইয়া হত্যা করিয়াছিলে তাহারই সেই প্রেতাত্মা।

চণ্ডদেব ভয়ে কোন কথাই বলিতে পারিলেন না। ভয়ে তাহার শরীর কাঁপিতেছিল। ফকির কহিল, “আমি ভূতের ওঝা, জানিতে পারিয়াছি যে, তোমার পশ্চাতে অনেক ভূত লাগিয়াছে। তুমি জানিও তোমার জীবনের এক ভিলাদ্বিও নিরাপদ নহে। তবে নিরাপদ হইতে পারে, যদি তুমি আমার শরণাপন্ন হও।”

চণ্ডদেব ভয়ে একেবারে জড়বৎ হইয়া গেলেন, এবং নিতান্ত অস্থির হইয়া কহিলেন, “শরণাপন্ন হইলাম, হইলাম।”

ফকির। আচ্ছা, আমি যাহা জিজ্ঞাসা করি, তুমি তাহার সত্য উত্তর দাও। বল, প্রতিক্ষনি ও ভাবময়ীকে কোথায় লুকাইয়া রাখিয়াছ?

ভয়ে চণ্ডদেবের প্রাণে আর প্রাণ

রহিল না, তাঁহার গিহবা শুকাইয়া গেল। তিনি ক্রুদ্ধ হয়ে কহিলেন, “আ-মি জানি-না।”

ফকির। তুমি জান না? অবশ্য জান। জামত আমি কে? আমি ভূতের ওঝা, আমি সব জানিতে পারি। আমার কাছে লুকাইয়া ফল নাই। বল, সত্য কথা বল।

চণ্ডদেব কথা বলিতে চাহিতেছেন, কিন্তু পারিতেছেন না। অনেক চেষ্টায় চক্ষু মুদ্রিয়া ও বুকের উপর হাত দিয়া কহিলেন, “রা-জু”। “হাঁ বুঝিলাম, রাজ-পুতানায়।” এই বলিয়া ফকির বায়ুবেগে গৃহ হইতে বাহির হইয়া গেল।

ফকির চলিয়া গেলে চণ্ডদেব বহুকণ মৃতবৎ অসাড় ও অবশ হইয়া বসিয়া রহিলেন। তাঁহার নাসিকা হইতে ঘন ঘন নিঃশ্বাস নির্গত হইতে লাগিল। তাঁহার ভূতাপণ নিকটে বসিয়া শুশ্রূষা করিতে লাগিল।

চণ্ডদেব কিঞ্চিৎ স্নান হইয়া কোমল ও করুণ স্বরে গাহিতে লাগিলেন,—

“মনের কৃষি কাজ জান না,

এমন মানব জমিন রইল পতিত

আবাদ করলে ফলত সোণা।”

তাঁহার ধর্ম-সংগীত শুনিয়া ভূতাপণ পূর্বের জায় প্রীতি অন্তর করিতে পারিল না, কারণ আজ কাল গ্রামের মধ্যে চণ্ডদেবের ঘূর্ণাস্রের সীমা ছিল না। “গাপিষ্ঠ বলিয়া বার এত ঘূর্ণাস্র, তাঁহার আবার ধর্ম-সঙ্গীত কইয়া এত চোঁচা চোঁচি কেন?”

এই কথাই তখন তাহাদের মনে উদয় হইতেছিল।

চণ্ডদেব তখন ফকিরের চাতুরী হইতে মুক্তি লাভ করিয়া নন্দকের আগমন-প্রতীক্ষাতেই জীবন ধারণ করিতেছিলেন। ভূতের আক্রমণে প্রতীড়িত ও ফকিরের কথার ভীত হইয়া চণ্ডদেব জীলোকের জায় দেহাচ্ছাদনপূর্বক গৃহান্তরে লুক্কায়িত রহিলেন।

ফকির তাঁহাকে বলিয়াছিল যে, বহু-সংখ্যক ভূত তাঁহাকে নারিবার চেষ্টা করিতেছে। এ কথায় তিনি অবিশ্বাস করিয়াছেন বটে, কিন্তু ভয় তাহাকে ছাড়িল না। মৃত্যুভয় সততই তাহাকে তাড়না করিতে লাগিল। চন্দনীর আশ্রয় আশ্রিয়াছিল, এ কথায় তিনি অবিশ্বাস করিতে লাগিলেন বটে, কিন্তু জাগ্রত ও নিদ্রিত, উভয় অবস্থাতেই চন্দনীর মুষ্টি দেখিতে লাগিলেন। ফকিরের উপরেও তাঁহার বিশেষ সন্দেহ হইল। কারণ, তিনি ফকিরের মুখেও যেন বহুদিন পূর্বের একটি মৃত ব্যক্তির ছায়া লক্ষ্য করিয়াছিলেন। তাঁহার বিশ্বাস পৃথিবীর যত ভূত, তাঁহার মৃত্যুর জন্ত যড়যন্ত্র করিয়া বসিয়া রহিয়াছে। ফকির বলিয়াছে যে, সে ভূতের ওঝা, কিন্তু চণ্ডদেব বুঝিলেন যে, ফকির নিজেই ভূত, এবং নন্দকই এই সব ভূতাত্মার ওঝা, কিন্তু নন্দক কোথায়? তিনি কায়মনোবাক্যে বিধাতার নিকট নন্দকের নিরাপদে প্রত্যাগমন প্রার্থনা করিতে লাগিলেন।

চণ্ডদেব ত এই ভাবেই দিন কাটাইতে লাগিলেন। দেবদত্তের সমস্ত আর কিছুতেই কাটিতেছে না, সে নন্দকের প্রতীক্ষার থাকিয়া যার পর নাই উদ্বিগ্ন হইয়া পড়িয়াছে।

সহসা একদিন একজন ফকির তাহার সঙ্গে দেখা করিয়া ভবিষ্যৎকার ছায় কহিল, “দেবদত্ত, তুমি গুণবতী জী হারাইয়াছ, যদি তাহাকে পুনঃ প্রাপ্ত হইতে ইচ্ছা কর, তবে আমার সঙ্গে আইন।”

এই কথা শুনিয়া দেবদত্ত ঈশ্বরকে অরণ-পূর্বক ফকিরের সঙ্গে বাহির হইলেন। কিছুদূর অগ্রসর হইয়াই ফকির দেবদত্তকে আদেশ করিল, “গ্রামের দক্ষিণ

দিকে একটি বন আছে, তাহা ক্রমশঃ একটি উচ্চ পাহাড়ের নিকট পর্য্যন্ত বিস্তৃত হইয়াছে, সেই বনের প্রান্তভাগে গিয়া আমার জন্ত অপেক্ষা কর।”

দেবদত্ত সাহসে নির্ভর করিয়া সেই দিকে চলিল।

তবত্বৃতি ইহার অগ্রেই নন্দকের অবেশণে বাহির হইয়াছিল।

পশ্চিমঘো তাহাদের মিলন ও পরিচয় হইল। দেবদত্ত ও তবত্বৃতি উভয়ে এক জন কর্তৃকই প্রপীড়িত, এবং উভয়ে এক পথেই চলিল।

(ক্রমশঃ)

অমৃতলাল দাস গুপ্ত।

সেন্ট পলের পত্রাবলী।

রোমীয় খ্রীষ্টমণ্ডলীর প্রতি।

(পূর্বপ্রকাশিতের পর)।

তৃতীয় অধ্যায়।

৩। কতকগুলি লোক যদি বিশ্বাস না করে, তাহাতে কি আসে যায়? তাহাদের অবিবাস কি ঈশ্বরের বিধানকে অতিক্রম করিবে?

৪। ঈশ্বর সত্যপ্রিয়; মানুষ মিথ্যাবাদী হয়, তিনি কখনও তাহা ইচ্ছা করেন না। শাস্ত্রে লিখিত আছে, তুমি যাহা বলিয়াছ তাহাতে তোমার সত্যতা প্রতিপন্ন হউক

এবং যে মানুষ তোমাকে বিচার করে, সে পরাস্ত হউক।

৫। কিন্তু গ্রামাদের অসত্যতা যদি ঈশ্বরের সত্যতাকে উজ্জলতর করিয়া প্রকাশ করে, তাহা হইলে আমরা কি বলিব। ঈশ্বর পাপের দণ্ডদাতা, তাই বলিয়া কি তিনি অনায়াচাৰী?

৬। ঈশ্বর কখনও অন্তায় করেন না। ঈশ্বর যদি অন্তায় করেন, তাহা

হইলে তিনি কিরূপে জগতের বিচারকর্তা হইবেন?

৭। যদি ঈশ্বরের সত্য আমার মিথ্যা দ্বারা অধিকতর উজ্জ্বল হইয়া তাঁহার গৌরবের কারণ হয়, তবে আমি কেন পাপী বলিয়া বিচারিত হইব?

৮। এরূপই হউক না কেন যে, পাপের দণ্ড যখন ঠিক, তখন আমরা যতই পাপ করি না কেন, তাহা হইতে ত পরিণামে মঙ্গল হইবে।

৯। তবে কি আমরা জেন্টাইলদিগের অপেক্ষা উৎকৃষ্ট নহি? কিছুতেই নয়, কারণ আমরা পূর্বেই সপ্রমাণ করিয়াছি যে, ইহুদী ও জেন্টাইল সকলেই পাপী।

১০। শাস্ত্রে লেখা আছে, কেহই ধার্মিক নয়; না, একজনও নয়, তাহাই সত্য।

১১। এ সকল তত্ত্ব বুঝিবার শক্তি কাহারও নাই, ঈশ্বরকে চায় এখন ব্যক্তি কেহই নাই।

১২। সকল লোকেই বিপথগামী, তাহারা সকলেই অন্ধতী, সাধুতাবাপন্ন কেহই নহে? না, একজনও নহে।

১৩। তাহাদের কণ্ঠ উন্মুক্ত কবর, তাহাদের রসনা প্রেতারণায় অভ্যস্ত এবং তাহাদের ওষ্ঠে সর্পের বিষ।

১৪। তাহাদের মুখ অভিশাপ ও কটু কথায় পূর্ণ।

১৫। তাহাদের পদদ্বয় রক্তপাতের জন্ত দ্রুতগামী।

১৬। তাহাদের পথ ধ্বংস ও ক্লেশময়।

১৭। শাস্তির পথ তাহাদিগের অজ্ঞাত।

১৮। তাহাদের একটুও ঈশ্বরের ভয় নাই।

১৯। এখন আমরা বেশ জানি যে, বিধি যাহা বলে, তাহা বিধিবাদীদিগের জ্ঞাত। সকল মুখ নিঃশব্দ হউক, কারণ ঈশ্বরের নিকট সমুদায় জগৎ অপরাধী বলিয়া গণ্য।

২০। অতএব ঈশ্বরের দৃষ্টিতে শরীর-ধারী কোন ব্যক্তি নির্দোষ বলিয়া গণ্য হইতে পারে না, কারণ তাহাদের পাপের জ্ঞান হইয়াছে।

২১। কিন্তু সর্বত্রই ঈশ্বরের স্মরণপরতা প্রতিপন্ন হইতেছে। ঈশ্বরের বিধি-প্রচারক ঋষিরা ইহার সাক্ষী।

২২। তবে আর গর্ভের কারণ কোথায়? কাহারও গর্ভ করিবার উপায় নাই মহুশ্যমাত্রেয়ই এই বিশ্বাসের আবশ্যক।

২৩। অতএব বিধি অনুসারে কাণ্ড না করিয়াও এক ব্যক্তি বিশ্বাস দ্বারা নির্দোষ হইতে পারে, ইহাই আমাদের সিদ্ধান্ত।

২৪। ঈশ্বর কি কেবল ইহুদীদিগের ঈশ্বর? তিনি কি জেন্টাইলদিগের ঈশ্বর নন? হাঁ! তিনি জেন্টাইলদিগেরও।

চতুর্থ অধ্যায়।

১। অতএব বিশ্বাসদ্বারা বোধমুক্ত হইয়া আমরা ঈশ্বরের সহবাসে শান্তিলাভ করি।

২। বিশ্বাস দ্বারা আমরা ঈশ্বরের

কৃপা লাভ করি। এই কৃপা অবলম্বন করিয়া আমরা দণ্ডায়মান হই, এবং ঈশ্বরের গৌরবের আশায় অনিন্দ করি।

৩। কেবল তাহাই নহে, আমরা যন্ত্রণাতেও উল্লাস করি; আমরা জানি, যন্ত্রণা হইতে দৈবা আইনে।

৪। দৈবা হইতে লোকের অভিজ্ঞতা, ও অভিজ্ঞতা হইতে আশা উৎপন্ন হইবে।

৫। আশাতে আমরা লজ্জিত হই না, কারণ যে পবিত্র আত্মা আমাদের প্রদত্ত হইয়াছে, তাহারই দ্বারা ঈশ্বরের প্রেম আমাদের হৃদয়ে বিস্তৃত হইতেছে।

৬। আরও আমাদের অপরাধ অধিক হয় তাহাতে কি? যেখানে পাপের প্রাচুর্য, সেখানে ব্রহ্মরূপার আরও অধিক প্রাচুর্য।

৭। যেমন পাপের প্রভাবে মৃত্যু, তেমনি ব্রহ্মরূপার প্রভাবে ধর্ম হইতে অনন্ত জীবন।

পঞ্চম অধ্যায়।

১। আমরা তবে কি বলিব? ব্রহ্ম-কৃপা প্রচুর পরিমাণে আসিবে বলিয়া আমরা কি পাপে রত থাকিব?

২। ঈশ্বর কৃপা করিয়া আমাদেরকে রক্ষা করুন, আমরা পাপের পক্ষে মৃত-প্রাণ কেমন করিয়া জীবিত থাকিব?

৩। তোমরা কি জান না যে, আমাদের মধ্যে মৃতগুলি বিশ্বর নিকট দীক্ষা পাইয়াছে, তাহারা সকলেই তাহার মৃত্যুতেও দীক্ষিত হইয়াছে।

৪। আমরা এই জানিয়াছি যে,

আমাদের পুরাতন পণ্ডিতবিশ্বর সহিত ক্রোধে হত হইয়াছে, তাহাতে পাপেরও শরীর ধ্বংস হইয়াছে, অতএব এখন হইতে আমরা আর পাপের সেবা করিব না।

৫। যে ব্যক্তি মৃত, সে পাপ হইতে মুক্ত।

৬। আমরা যদি বিশ্বর সহিত মৃত হইয়া থাকি, তাহা হইলে তাহার সহিত জীবিত থাকিব ইহা আমাদের দৃঢ় বিশ্বাস।

৭। আমরা জানি যে বিশ্ব মৃত্যু হইতে পুনরুৎপত্ত হইয়া আর মরেন নাই, তাহার উপর আর মৃত্যুর অধিকার নাই।

৮। তিনি যে মরিলেন সে একবার পাপেতে মরিলেন, কিন্তু তিনি যে জীবিত, সে ঈশ্বরে চিরকাল জীবিত।

৯। তেমনি তোমরাও আপনাদিগকে পাপের জড় মৃত মনে কর, কিন্তু ঈশ্বরে জীবিত বিবেচনা কর।

১০। অতএব তোমাদের মর্ত্য দেহের উপরে পাপ আধিপত্য করিতে না পারে, এজন্য তোমরা যেন পাপের প্রবর্তনার অধীন না হও।

১১। আরও তোমরা তোমাদের শরীরের অঙ্গ সকলকে অপবিত্রতার যন্ত্র স্বরূপ করিয়া পাপের হস্তে দিও না, কিন্তু মৃত্যু হইতে জীবনপ্রাপ্ত লোকের জ্ঞান আপনাদিগকে ঈশ্বরের হস্তে সমর্পণ কর, এবং তোমাদের অঙ্গ সকলকে পুণ্যের যন্ত্র স্বরূপ করিয়া ঈশ্বরের হস্তে সমর্পণ কর।

১২। পাপ তোমাদের উপর আধিপত্য

করিতে পারিবে না, কারণ তোমরা দৈবের অধীন নও, ঈশ্বরের কৃপার অধীন।

১৩। কিন্তু আমরা দৈবের অধীন নই, ঈশ্বরের কৃপার অধীন, তাই বলিয়া কি আমরা পাপ করিব? ঈশ্বর একরূপ না করেন।

১৪। তোমরা কি জান না যে, তোমরা বাহার অনুগত হইয়া কার্য করিবে, তাহারই ভূতা; হয় পাপের ভূতা হইয়া মৃত্যুলাভ কর, নয় ঈশ্বরের অধীন হইয়া পূণ্যজীবন লাভ কর।

১৫। কিন্তু ঈশ্বরকে ধন্তবাদ যে, তোমরা পাপের দাস ছিলে, কিন্তু তোমা-দিগকে যে উপদেশ প্রদত্ত হইয়াছে, তোমরা অন্তরের সহিত তাহা পালন করিয়াছ।

১৬। তোমরা পাপ হইতে মুক্ত হইয়া পুণ্যের পরিচায়ক হইয়াছ।

১৭। তোমাদের শরীর দুর্বল বলিয়া আমি মানুষের স্তায় বলিতেছি যে, তোমরা যেমন আপনাদিগকে অপবিত্রতার সেবক করিয়াছিলে, এবং পাপ হইতে অধিকতর পাপে নিমগ্ন হইতেছিলে, সেইরূপ এখন তোমাদের অঙ্গ সকলকে পুণ্যের সেবক কর, এবং পূর্বাগেকা অধিকতর পবিত্রতা উপার্জন কর।

১৮। যখন তোমরা পাপের অনুচর ছিলে, তখন তোমরা ধর্মবিহীন ছিলে।

১৯। তোমরা যে সকল কার্যের জন্ত এখন লজ্জিত হইতেছ, তাহার কি ফললাভ করিতেছিলে? সে সকলের পরিণাম মৃত্যু।

২০। কিন্তু এখন পাপ হইতে মুক্ত হইয়া ঈশ্বরের দাস হইয়াছ, ইহার ফল পবিত্রতা, এবং অনন্ত জীবন।

২১। তোমাদের পাপের ফল মৃত্যু, কিন্তু ঈশ্বরের দান অনন্ত জীবন।

ষষ্ঠ অধ্যায়।

১। আমরা যখন জড় দেহে জীবিত ছিলাম, তখন কত প্রকার পাপের বীজ আমাদের মধ্যে অন্তরিত হইয়া তাহার ফল মৃত্যু আনয়ন করাইত।

২। কিন্তু এক্ষণে আমরা বিধি হইতে মুক্ত, কারণ আমরা বাহ্যে বদ্ধ ছিলাম, তাহা বিনষ্ট হইয়াছে। আমরা আর পুরাতন বিধির বাহ নিয়মে কার্য করিব না। কিন্তু আমাদের নবীন ভাব দ্বারা ঈশ্বরের সেবা করিব।

৩। আমরা তবে কি বলিব? বিধি কি পাপজনক? না, কখন নহে। বিধির সাহায্য ব্যতীত আমি পাপ জানিতে পারিতাম না। দেখিও, তুমি লোভ করিও না, এই বিধি না পাইলে আমি লোভ জানিতে পারিতাম না।

৪। কিন্তু বিধির স্ত্রোত্র পাপ উৎপন্ন হইয়া আমার মধ্যে সর্বপ্রকার বিকার জন্মাইয়াছে। জানিও যে বিধি ব্যতীত পাপ মৃত হইয়াছিল।

৫। এক সময় বিধি ব্যতিরেকেও আমি জীবিত ছিলাম, কিন্তু এখন বিধি আসিল, পাপ পুনর্জীবিত হইল, এবং আমি মরিলাম।

৬। যে বিধি জীবনের জন্ত নির্দিষ্ট



হইয়াছিল, আমি দেখিলাম, তাহা আমার মৃত্যুর কারণ হইল।

৭। পাপ বিধির দ্বারা উপর্যুপরি আমাকে প্রবঞ্চনা করিল ও অবশেষে আমাকে হত করিল।

৮। অতএব নীতি পরিজ্ঞ, এবং বিধি পবিত্র, ভীষণসজ্জত ও সাধু।

৯। তবে কি বাহ্য সাধু, তাহা আমার মৃত্যুর জন্ত নির্দিষ্ট হইল? পাপ বলিয়া প্রতীয়মান হইবার জন্ত বাহ্য সাধু তাহা দ্বারা মৃত্যুকে আনয়ন করিল। ইহাতে বিধিনির্দিষ্ট পাপগুলি অত্যন্ত ক্লেশজনক হইল।

১০। আমরা জানি যে, বিধি আধ্যাত্মিক, কিন্তু আমি পাশবপ্রকৃতি, তাই পাপে বিক্রীত।

১১। আমি বাহ্য মনোনীত করি না, তাহাই আমি করি, এবং বাহ্য আমি করিতে ইচ্ছা করি, তাহা আমি করি না। কিন্তু বাহ্য আমি ঘৃণা করি, তাহাই আমি করি।

১২। অতএব আমি বাহ্য ইচ্ছা করি না, তাহা যদি আমি করি, তাহা হইলে বিধি যে নং তাহা আমি অনুমোদন করিতেছি।

১৩। তবে আমি এ কার্য করিতেছি না, আমার অন্তরে যে পাপ আছে, তাহাই ইহা করিতেছে।

১৪। আমি জানি আনাতে অর্থাৎ আমার রক্তমাংসে কিছুই ভাল নাই; কারণ, ভাল করিবার ইচ্ছা আমার আছে,

কিন্তু কিরূপে তাহা সম্পন্ন করিতে হয়, তাহা আমি জানি না।

১৫। যে ভালটি আমি ইচ্ছা করি, তাহা আমি করি না; কিন্তু যে মন্দটী ইচ্ছা করি না, তাহাই করি।

১৬। অতএব আমি বাহ্য ইচ্ছা করি না, তাহাই যদি করি, তবে আমি ইহার কর্তা নই, আমার অন্তরস্থ পাপই ইহার কর্তা।

১৭। ইহার মধ্যে আমি একটি নিয়ম দেখিতে পাই যে আমি যখন ভাল করিতে ইচ্ছা করি, তখন মন্দ আমার সহিত বর্তমান থাকে।

১৮। ভিতরের মাহুতের ইচ্ছানুসারে আমি ঈশ্বরের নিয়মে আনন্দ অনুভব করি।

১৯। আমি দেখিতে পাই, আমার অঙ্গ সকলের মধ্যে আর একটি নিয়ম আমার মনের নিয়মের বিরুদ্ধে যুক্ত করিতেছে। এবং আমার অঙ্গ সকলের মধ্যে যে পাপের নিয়ম রহিয়াছে, আমাকে তাহাতেই আবদ্ধ করিতেছে।

২০। হায়! আমি কি হতভাগা, কে এই মৃত্যুময় শরীর হইতে আমাকে উদ্ধার করিবে?

অষ্টম অধ্যায়।

১। বাহ্য ইঞ্জিয়ের অধীন, তাহার ইঞ্জিয় সকলের বিষয়ই ভাবে। কিন্তু বাহ্য আত্মার অনুগত, তাহার আত্মার বিষয় সকল ভাবে।

২। ইঞ্জিয়াসকল মতিই আমাদের মৃত্যু,





আধ্যাত্মিক মতিই জীবন এবং শান্তির কারণ।

৩। ইন্দ্রিয়াসক্ত মতিই ঈশ্বরের বিপক্ষ, ইহা ঈশ্বরের নিয়মাদীন নহে, বস্তুতঃ হইতেও পারে না।

৪। বাহ্যিক ইন্দ্রিয়াসক্ত, তাহার কখনও ঈশ্বরের প্রসন্নতা লাভ করিতে পারে না।

৫। কিন্তু ঈশ্বরের আত্মা যদি তোমাদের মধ্যে বাস করে, তোমরা শরীরে নও, কিন্তু আত্মাতেই বাস কর। এখন খুঁটের আধ্যাত্মিক ভাব বাহ্যিক মধ্যে নাই, সে তাঁহার কেন্দ্র নয়।

৬। যদি খুঁটীয়া তোমাদের মধ্যে থাকে, তাহা হইলে পাপের জন্ত শরীর মৃত কিন্তু ধর্মের জন্ত আত্মাই জীবন।

৭। অতএব হে ভ্রাতৃগণ, আমরা ইঞ্জিয়ের নিকট গানী নই, এবং ইন্দ্রিয়-প্রবৃত্তি অনুসারে জীবন ধারণ করিতে বাধ্য নই।

৮। যদি তোমরা ইন্দ্রিয়প্রবৃত্তি অনুসারে চল, তোমরা মরিবে; কিন্তু যদি

আত্মার প্রভাবে ইঞ্জিয়ের কার্য সকল বর্জন কর, তাহা হইলে তোমরা বাঁচিবে।

৯। যতগুলি লোক ঈশ্বরের আত্মা দ্বারা পরিচালিত, তাহারাই ঈশ্বরের পুত্র।

১০। তোমরা বন্ধনের দশা পাও নাই যে, ভয় করিবে। কিন্তু তোমরা ঈশ্বরের অমূল্যের ভাব পাইয়াছ, সেইজন্য আমরা বলি ঈশ্বর আমাদের পিতা।

১১। আমরা যে ঈশ্বরের সম্মান, পরমাত্মা ও আমাদের আত্মা তাহার সাক্ষী।

১২। আমরা যদি মহান ঈশ্বরের সম্মান হই, তাহা হইলে আমরা তাঁহার উত্তরাধিকারী এবং যিশুখ্রিষ্টের সম অধিকারী। আমরা যদি তাঁহার সহিত ক্রেশ ভোগ করি, তবে তাঁহার সহিত যৌরবাসিতও হইব।

১৩। আমরা মতে যে গৌরবের জ্যোতি আমাদের নিকট প্রকাশিত হইবে, তাহার তুলনায় বর্তমান সময়ের ক্রেশ কিছুই নয়।

১৪। জীবের ঐকান্তিক আশা যে, সে ঈশ্বরের পুত্ররূপে প্রকাশিত হয়।

লেডি মেরী।

(ইংরাজী হইতে অনুবাদিত)।

প্রথম পরিচ্ছেদ।

পাদনী রেভারেন্ড জেরাল্ড আন্সট্রাং
এই পাঁচ বৎসর ধরিয়া ইল্‌ষ্টেলগ্রামবাদী

ধর্মপ্রবর্তনকারীদের মধ্যে ঈশ্বরের দয়
ও করুণার কথা প্রচার করিয়া আসিতে
ছেন। কিন্তু কই আজও পর্যন্ত ত কোন



শুভ ফলের লক্ষণ দেখিতে পাইলেন না। আজও ত ইন্টেলগ্রামবাসীগণ মাহুঘের প্রকৃতি অল্পখারী শোকের সময়, কঠোর সময়, দুঃখের সময় ভগবানের সৃষ্টির বিধানের প্রতি অনেক দোষারোপ ও তাহার দয়া এবং করুণার প্রতি সন্দেহ প্রকাশ করিতে ছাড়িল না। মাহুঘের জীবন যে ঈশ্বরের করুণার প্রবাহমাত্র, এবং জাগতের সমস্ত দুঃখ, কষ্ট ও শোক যে তাহারি প্রদত্ত দান, তাহা তিনি তাহা-দিগকে চোকে অঙ্গুলি দিয়া দেখাইয়া দিয়াছেন। তথাপি তাহারা বুঝে না। তথাপি তাহারা শোকের সময় ক্রন্দন করে; দুঃখের সময় ঈশ্বরের প্রতি অভিশাপ বর্ষণ করিতে থাকে। হায়! তিনি তাহাদের মধ্যে ভগবানের দয়া ও করুণা প্রচার কার্যে যথেষ্ট পরিশ্রম করিয়াছেন। যাহাতে মস্তিষ্ক ক্লান্ত হয় এরূপ বহু চিন্তায় অনিদ্রায় রাত্রি যাপন করিয়াছেন। ইহার অধিক আর তিনি কি করিবেন? বাস্তবিক তাহার জ্ঞান ধর্ম প্রাণ ও ঈশ্বরের করুণার প্রতি বিশ্বাসশীল ব্যক্তির পক্ষে এরূপ চিন্তা ও নিরুৎসাহজনক।

ডান্ মরগানের চিরজীবন বড়ই কষ্টে কাটিয়াছে। আজ আবার তাহার নয়নের আলোক তাকে পরিত্যাগ করিয়া চলিয়া গিয়াছে। তাহার মৃতদেহ পার্শ্বস্থ গৃহে কফিনাঙ্ক হইয়া পড়িয়া রহিয়াছে। আজ এই চিরহুঃখী শোকাহত ডান্ মরগানকে কি বলিয়া তিনি সান্ত্বনা দান করিবেন। সে যখন সংসারে তাকে কঠোরতর দণ্ড

প্রদান করিবার জন্ত ঈশ্বরের প্রতি দোষা-রোপ করিতেছিল, তখন তিনি তাহার কি বলিয়া প্রতিবাদ করিবেন, তাহা ভাবিয়া পাইলেন না। যখন ডান্ মরগান বলিল,—

পাদরী মহাশয় আপনি ঈশ্বরের দয়া ও করুণার বিষয় যাহা বলিতেছেন, তাহা আপনার জ্ঞান যুবা লোকের পক্ষেই বলা সাজে। কেননা আপনি জগতের কিছুই জানেন না। আপনাকে আমি ব্যাখ্যা করিতে চাহিনা। অবশ্য আপনি যাহা বলিতেছেন, তাহা আমার মরণের জন্তই বলিতেছেন। নান্ যখন জীবিত ছিল, তখন আমি ঈশ্বরের করুণার প্রতি বিশ্বাসশীল, সুখী ও সন্তুষ্ট ছিলাম। কিন্তু এক্ষণে নান্ চলিয়া গিয়াছে, আর আমি ঈশ্বরের দয়া ও করুণার উপর আশ্রয় স্থাপন করিতে পারি না।

পাদরী ডান্ মরগানের এই উক্তির কি বলিয়া প্রতিবাদ করিবেন তাহা ভাবিয়া পাইলেন না। তথাপি যাহা হউক তাড়াতাড়ি একটা উত্তর দিবার জন্ত বলিলেন—

ডান্, ঈশ্বরের বিধান মন্থ বলিয়া বিচার করা ও ধরিয়া লওয়া কাহারও উচিত নহে। দেখ, ত্র্যতোক মেঘখণ্ডের পার্শ্বদেশ স্বর্ধ্যালোকে অহরহিত দৃষ্ট হইয়া থাকে।

পাদরী আনন্দটথার এই কথাগুলি বলিলেন বটে, কিন্তু শোকাহত মরগানকে সান্ত্বনা দিবার পক্ষে ইহা অত্যন্ত অল্পযুক্ত

বলিয়া প্রতীতমান হইল। তিনি বুঝিলেন যে, এতদিন ঈশ্বরের দয়া ও করুণা প্রচার কার্যের সংস্পর্শে আসিয়া এক্ষণে তিনি হাঁপ ছাড়িয়া বাচিলেন। তৎপরে তাঁহার মন ক্লিষ্ট শাস্ত্র হইলে তিনি মনে মনে ভাবিতে লাগিলেন—

“যখন আমি প্রথম এ স্থানে আগমন করি, তখন আমি নিজ ক্ষমতার উপর অধিকতররূপে আস্থা স্থাপন করিয়াছিলাম। আমি ইল্টেলগ্রামবাসিগণের প্রকৃতি বুঝিতে পারি নাই। আমাকে পুনরায় নতুন করিয়া কার্য আরম্ভ করিতে হইবে। নতুবা আর সিদ্ধকাম হইবার আশা নাই।”

তিনি এইরূপ চিন্তা করিতে করিতে ক্রমবশেষে গ্রামাভিমুখে প্রত্যাবর্তন করিতে লাগিলেন। তাঁহার দীর্ঘ জুগুপ্সিত দেহ, দৃঢ়তাবাক্যক ওষ্ঠাধর, সম্ভাবপূর্ণ দীর্ঘ নয়ন-যুগ্ম ও তাঁহার দৃঢ় পদবিক্ষেপ তাঁহাকে একজন দৃঢ়চেতা ও অধ্যবসায়ী লোক বলিয়া স্মৃতি করিতেছিল। তিনি গ্রামের মল্লিকটস্থ হইলে, একটা ক্ষেত্রের মধ্যে আসিয়া দাঁড়াইলেন। এ স্থান হইতে গ্রামের চতুর্দিকের বৃক্ষ কেমন সুন্দর দেখাইতেছিল। ঘনসমিবেশিত বৃক্ষশ্রেণীর মধ্য দিয়া খেতবর্ণ গির্জাটি কি সুদৃষ্ট দেখাইতেছিল! পাঁচ বৎসর হইল তিনি এই গ্রামে আসিয়া তাঁহার অভীপ্সিত ভগবানের কার্যে ব্রতী হইয়াছেন। গ্রামের বৃক্ষ জমিদার ক্রয়ানবরেন রহস্য করিয়া তাঁহাকে “বংশোদ্ভূত পাদরী” এই আখ্যা প্রদান

করিয়াছিলেন। তিনি একবার তাঁহাকে এই কথাগুলি বলিয়াছিলেন—

“দেখুন, মিঃ আন্সটুথার, এই সমস্ত মস্তিষ্কহীন শৃগালদের মধ্যে বুঝা কাজে আপনার যৌবনের উৎসাহ শীঘ্রই নিঃশেষিত হইয়া যাইবে। যদি গ্রামবাসিগণের সাহায্যকরে আপনার অর্থ কিম্বা বস্তাদি আবশ্যক হয়, তাহা হইলে আমাকে তৎক্ষণাৎ অহুগ্রহ করিয়া তাহা জানাইবেন। আমি তাহা প্রদান করিতে সর্বদা প্রস্তুত জানিবেন। কিন্তু এই সমস্ত নিরোধ জানোয়ারদের মধ্যে আধ্যাত্মিক উন্নতির সম্বন্ধে কোন প্রসঙ্গ আমার নিকট উত্থাপন করিবেন না। আমার বিশ্বাস যে, এই সমস্ত শৃগালদের মধ্যে ধর্ম্মভাব বলিয়া কোন বস্তু নাই।” এক্ষণে এই বৃদ্ধ জমিদারের মৃত্যু হইয়াছিল এবং তাঁহার মৃত্যুর পর এক্ষণে তাঁহার একমাত্র জাতু-পুত্রী লেডি মেরি তাঁহার বিপুল জমিদারির উত্তরাধিকারিণী হইয়াছিলেন। গ্রামবাসিগণের সাহায্যকরে পাদরী আন্সটুথার অর্থ প্রার্থনা করিলে ক্রয়ানবরেন পরিবার অকাতরে তাহা দান করিতেন, কিন্তু তাহাদের ধর্ম্মবিশয়ক উন্নতির কোন কার্যে তাঁহারা কখন কোন সহায়ভূতি প্রকাশ করিতেন না।

এক্ষণে পাদরী আন্সটুথার গ্রামে প্রত্যাবর্তন করিবার পূর্বে বহু আলোচনার পর এই সিদ্ধান্ত করিলেন যে, একজন সাহায্যকারী ব্যতীত তাঁহার অভীপ্সিত কার্যে সিদ্ধিলাভ করা এক প্রকার অসম্ভব। কিন্তু

কে এই মহৎ কার্যে তাঁহার সহায় হইবে? জ্ঞানবয়েন পরিবারের নিকট গ্রামবাসিগণের ধর্মবিষয়ক উন্নতি সম্বন্ধে সাহায্য প্রার্থনা করা বুঝা। এই জমিদার-পরিবার এককাল পর্য্যন্ত এ সম্বন্ধে কখন হস্তক্ষেপ করেন নাই। গ্রামের যিনি ডাক্তার তিনি ঠিক তাঁহার মনের মত লোক। কিন্তু তিনি গ্রামবাসিগণের পারীক্ষিক বাধি মোচন করিতে বেরূপ তৎপর, মনের ব্যাধি ও পাপ তাপ ইত্যাদি মোচন বিষয়ে তাঁহাকে সেরূপ তৎপর দেখা যায় না। তিনি বড়ই চিন্তাকুল হইয়া পড়িলেন। তাঁহার অভীপ্সিত কার্যে তাঁহাকে সাহায্য করিবার ও তাঁহাকে নূতন পথ দেখাইয়া দিবার কি জগতে কেহ নাই? এক জন সহায় প্রাপ্ত হইবার আকাঙ্ক্ষায় যখন তাঁহার হৃদয় এইরূপ ব্যাকুল হইয়া পড়িয়াছিল, ঠিক সেই সময়ে সহসা ঘোটকের পদ-শব্দে তাঁহার চমক ভাঙ্গিল। তিনি চাহিয়া দেখিলেন যে, গ্রামের নূতন ভূমাদিকারিণী লেডি মেরি জ্ঞানবয়েন তাঁহার পিতৃসঙ্গা মিসেস আকরাইটের সহিত যে স্থানে তিনি দণ্ডায়মান ছিলেন, সেই দিকে শকটারোহণে আসিতেছেন। লেডি মেরির শকট তাঁহার সম্মুখীন হইবামাত্র তাঁহাকে দর্শন করিয়া লেডি মেরির আনন বহুতাড়াব্যঞ্জক মধুর হাস্তে অল্প-রঞ্জিত হইয়া উঠিল। নূতন ভূমাদিকারিণী তাঁহাকে সমস্ত্রমে অভিবাদন করিলেন। তৎপরে তাঁহার শকট চলিয়া গেল। লেডি

মেরির দর্শনে হঠাৎ তাঁহার মনে এই ভাবের উদয় হইল যে, গোডি মেরি কি তাঁহার মহৎ কার্যে তাঁহাকে সাহায্য করিতে পারেন না? তিনি জানিতেন যে, গ্রামবাসিগণের উপর জ্ঞানবয়েন পরিবারের অসীম প্রভাব। তাঁহাদের মুখের কথা তাহার রাজবিধির জায় মানিয়া লয়। গ্রামবাসিগণের বিশ্বাস যে, জ্ঞানবয়েন পরিবারের লোকেরা যে চিন্তা করে, যে কার্য্য করে, তাহা কখন মন্দ হইতে পারে না। অধিকন্তু হয়ত গ্রাম-বাসিগণের সম্বন্ধে এই নূতন ভূমাদিকারিণী লেডি মেরির মত পূর্বতন জমিদার অপেক্ষা অধিকতর অল্পকূল হইতে পারে। যদি তিনি লেডি মেরিকে তাঁহার কার্যে সাহায্য করিতে ও গ্রামবাসিগণের সম্পর্কে মর্মদা আসিতে সম্মত করিতে পারেন, তাহা হইলে তিনি নিশ্চয়ই একজন ক্ষমতা-শালী সাহায্যকারী প্রাপ্ত হইবেন। এই সমস্ত আলোচনা করিয়া তিনি সেইক্ষণেই লেডি মেরির সহিত সাক্ষাৎ করিবার জন্ত সঙ্কল্প করিলেন। তাঁহার প্রকৃতি একরূপ ছিল যে, তিনি যাহা সঙ্কল্প করিতেন, তাহা সেই মুহূর্ত্তেই কার্য্য পরিণত করিতে তৎপর হইতেন। লেডি মেরির সহিত সাক্ষাৎ করিবার সঙ্কল্প করিবামাত্র তিনি অবিলম্বে জ্ঞানবয়েন-গ্রাম্যদের অভিমুখে প্রস্থান করিলেন। কিছু দূর গমন করিলে পথে তাঁহার প্রতিবেশিনী বুকা নান্সির সহিত তাঁহার সাক্ষাৎ হইল। বুকা নান্সি তাঁহাকে অভিবাদন করিয়া বলিল—

“মহাশয়, আজ কি সুন্দর দিন।”
নান্দিকে ঠিক সমস্তাঘের সান্ধ্য প্রভি-
শ্চির জায় দেখাইতেছিল। স্বর্গ বিমলে
সংশয়ভাব, ভবিষ্যতের চিন্তা ও সাংসারিক
জুখ কষ্টের পীড়ন নান্দির অন্তঃকণকে
কখন ক্রিষ্ট করিতে পারে নাই। তাহার
হৃদয় সর্বদাই শান্তি ও সমস্তাবে পূর্ণ।
নান্দি পুনরায় বলিল—

“মহাশয়, এমন মনোহর দিন যে স্নেহর
আমাদিগকে ভোগ করিবার জন্য দান
করিয়াছেন, সেজন্য আমাদের কৃতজ্ঞ
হওয়া উচিত।”

তিনি উত্তর করিলেন—“হাঁ, নান্দি,
এই পৃথিবী অতি সুন্দর স্থান। কিন্তু
আমরা তাহা বুঝিতে পারি না। এই সুন্দর
পৃথিবীর মধ্যে আমাদের জায় পাপী
আনবেরাই সর্বাপেক্ষা কুৎসিত সৃষ্ট বস্তু।”

নান্দি উত্তর করিল—

“আপনার কথা সত্য হইতে পারে। কিন্তু
জগতে এরূপ অনেক লোক আছেন, যাহারা
এই সুন্দর পৃথিবীর জায়ই সুন্দর। এই
আমাদের মাননীয় নূতন ভূম্যধিকারিণীকে

দেখুন না কেন। তিনি এইমাত্র এই
স্থান দিয়া শকটারোহণে গমন করিয়াছেন।
তিনি যে একজন বিখ্যাত সুন্দরী রমণী
তাহাতে কোন সন্দেহ নাই। সকলে
বলিতেছে যে, লণ্ডনের তিন জন সুপুরুষ
ধনী উচ্চপদস্থ ব্যক্তি তাহাকে বিবাহ
করিতে চাহিয়াছিলেন। কিন্তু তিনি
তাহাদিগের সকলকে বিবাহ করিতে
অস্বীকার করিয়াছেন।” নান্দির এইরূপ
উক্তি শুনি তিনি হাসিয়া উত্তর করিলেন—

“হয় ত তোমাদের ভূম্যধিকারীর
উত্তরাধিকারিণী এতদপেক্ষা উচ্চতর পদস্থ
অন্ত কাহাকে বিবাহ করিবার জন্য অপেক্ষা
করিতেছেন। তিনি যেরূপ সুন্দরী,
তাহাতে বোধ হয় দীর্ঘকাল এ স্থানে
অবিবাহিত অবস্থায় তাহাকে থাকিতে
হইবে না। তবে এখন বিদায়, নান্দি।”

নান্দি প্রত্যুত্তর করিল—

“বিদায়, মহাশয়।” তৎপরে তিনি
জ্ঞানবয়েন-প্রাণীদের অভিমুখে প্রস্থান
করিলেন।

লজ্জাবতী বহু।

বিবাহ ।

সত্য কি উদবে উষা সে নব প্রদেশে গিয়ে,
এ গৃহে আনন্দরশ্মি সবটুকু সাথে নিয়ে।
উষা সম হাস্যময়ী স্মৃতি হৃৎথে তোরে হেরি,
গগনের উষা সনে তেরি যে তুলনা করি।
গগনেতে উষা উড়ি জিভুবনে প্রাণ দেয়,

উষা সন্মিলনে ধরা নবীন উৎফুল্লময়।
তেমনি এ পুণ্য গেহে তুমি উদেছিলে রাগি,
ঘন বিষাদের মাঝে ছিলে আনন্দের খনি।
তব আর্তি-হৃৎপি-সেবা, পবিত্র মুরতি হেরি,
শ্রান্ত ক্লান্ত পথভ্রান্ত হৃৎথে গেছে অপর।

সরলতা দেবগুণবিভূতমহাদান।

সে মধুর লিখ বাসি জুড়াইছে তপ্ত ঞ্জাণ,
প্রিয়জন শোক তাপ কত ছদ্মপরে গেছে।
বিভূপ্রেমানন্দে থাকি সে বিচ্ছেদপাসরিছে।
বে তোরে হেরেছে উষা সে তোরে

বোসেছে ভালো,

সদৃশে সবার ছবি তুই করাস আঁলো।
শোকাহতা দিমিয়ার তুমি যে সখল রাণী,
বল্লদগু হৃদে তাঁর দিয়াছ শান্তির বাণী।
কেন উষা শুভদিনে সব কথা মনে হয়,
স্মৃতির ভীখন বাণে ক্ষরিত এ হৃদয়।
তারা কি এসেছে উষা শুভ সন্মিলন মাঝে,
তাই কি তাদের স্মৃতি প্রাণে আজ বড়
রাজে।

কমল কোরক সম সাধু অবিনাশ ভ্রাতা,
দ্বিবা অবসান হল বলে গেল শেষ কথা।
সেই যে চলিয়া যান ব্রহ্মতত্ত্ব ধর্মি,
যাঁর ত্যাগ, ধর্মজ্ঞান ভারতে রয়েছে মিশি।
যে সাধু শুক্রেতে লয়ে বঙ্গমা'র সুখোজ্জল,
যাঁর ব্রহ্মজ্ঞান সুখা ভারতের মহাবল।
আত্মার কভু নাহি বিনাশ যোগলক্ষ জানে
যিনি বলেছেন, উষা প্রব তিনি আজ
এখানে।

আশীষ করেন তোমা অনন্তে অদৃষ্টকাক,
সত্যবান, মেহময় সে যোগীন্দ্র যবে দায়,
জ্ঞান দৃষ্টি খুলে দেখ পুণ্যাদ্বা সে

জ্যোতির্ময়।

ব'লেছিল উষারানী ভুলনাকো'দয়াময়।
মৃত্যু আর কিছু নয় ছই দিন আগে পরে,
তার তরে কেন, মাগো, শোক-অশ্রুবারি
করে।

কয়দিন পরে মোরা মিলিব সকলে সেথা,
সেথা যে পিয়াসা নাই রোগ, শোক, অরা,
ব্যথা।

সে দিন যে চলে গেল সোণার প্রতিমাখানি,
রোগে শোকে চিরহুণে যুগে ছিল বিভূ
বাণী।

কত যে কেঁদেছি উষা নিতুতে একান্তে বসি,
তোরে মাতৃহীনা হেরি অরি গো বিবাদ-
রাশি।

কি আর বলিব রাণী এ গৃহের পুণ্য গাথা,
বঙ্গ জননীর বৃকে আছে গো সে স্মৃতি গাঁথা।
কেন তবে হুঃখ আর স্বর্গ মর্ত্ত সন্মিলনে,
এ আশীষ বিভূপদে চিরস্থখী হও প্রেমে।
সংসার-কর্ত্তব্যাপণে, নব যাকী মা আমার,
সে ব্রতসাধনে তুমি বিভূপেম করো সার।
শ্রীমতী গীলাবতী।

হিন্দুগৃহে বধু-যজ্ঞণা।

আজ বহুকাল পরে অনেক ভাবিয়া হিন্দু-
গৃহে বধুর যজ্ঞণার কথা উল্লেখ করিতেছি।
সেই লজ্জা আজ লেখনী ধরিয়া, আমার

বন্দীরা ভূভগিনীদিগকে সেকালের মত
একালেও যে বধুর যজ্ঞণা আছে, সেই
কাহিনী শুনাইতে বসিয়াছি।

আমার এই প্রবন্ধ লিখিবার উদ্দেশ্য এই যে, অধুনা শিক্ষিতা বা অর্ধ-শিক্ষিতা মহিলারা যখন নিজেরা বধু যজ্ঞণী হইতে অব্যাহতি লাভ করিয়া স্বশ্রুতপে অবতীর্ণ হইবেন, তখন যেন তাঁহারা 'মেহের পুতলী' বধুদিগের প্রতি নিগ্রহ না করিয়া অগ্রহই প্রকাশ করেন।

হিন্দুসমাজের শায় ঘরে ঘরে বধুদিগের প্রতি বড়ই অমানুষিক অত্যাচার করা হয়। আমার অজ্ঞানে শতকরা ৫ জন বধু স্বপ্নের মেহের অধিকারিণী হইতে পারেন। অবশিষ্ট ৯৫ জন স্বপ্নের কাছে অশেষ প্রকারে বাকের ও অন্তরির যজ্ঞণী ভোগ করিয়া দিনাতিপাত করিয়া থাকেন।

এখন দেখিতে হইবে ইহার কারণ কি? আমি অনুমান করি, ইহার প্রধান কারণ দুইটা মাত্র—প্রথম হিন্দুসমাজে পুত্র উপযুক্ত, স্বাধীন এবং উপাঞ্জনক্ষম হইবার পূর্বেই তাহাকে পরিণয়শুভলে আবদ্ধ করিয়া দেওয়া। দ্বিতীয়, হিন্দুসমাজে উপযুক্তরূপে জীশিক্ষার অভাবে পুত্রবধু বা স্বশ্রু অশিক্ষিত হওয়া।

অশিক্ষিতা রমণীরা সময়ে সময়ে এক প্রকার কাণ্ডজ্ঞানরহিতা হইয়া থাকেন। তাঁহারা রমণী হইয়া সময়বিশেষে রমণীর প্রধান ভূষণ যে নয়না, মেহ, স্নেহ, সন্তা এবং কোমলতা তাহা হইতে বর্জিত হন।

দুরায় পরমেশ্বর শিক্ষিতা অশিক্ষিতা সকলকেই, এমন কি জীব জন্তুদেরও হৃদয়ে 'অপ ভাবহ' সমভাবে দিয়াছেন। কিন্তু

যাহাদের জ্ঞান ও হৃদয়ের বুদ্ধিগুলি পরিপূর্ণিত এবং বুদ্ধি দ্বারা সাজিত হয় নাই, তাহারা সেই মেহকে পার্থক্যভিত্তি করিয়া নিজ শিক্ষাহীনতার পরিচয় নিজেবাই দিয়া থাকেন।

পুত্র জন্মিলে পুত্রমুখ দেখা কিছু আশ্চর্যের বিষয় নহে, কিন্তু সেই পুত্র কত রোগ, বাধা, বিয় অতিক্রম করিয়া পূর্ণবয়স্ক হওয়ার পর পুত্রবধুর মুখদর্শন ভাগ্যে ঘটয়া থাকে। জানি না, সেই মেহের ও আদরের ধনকে কিরূপে বাক্যবাণে বিদ্ধ এবং অব্যক্ত করা যায়। সেকালের বৃদ্ধা স্বশ্রুদিগকে দেখিয়াছি ও তাহাদিগের কথা শুনিয়াছি, পুত্র যদি বধুর সহিত সন্ধ্যাবহার করে, তাহা হইলেই মহা অনর্থের ব্যাপার ঘটে। তাঁহাদের দৃঢ় ধারণা যে, পুত্র বধুকে ভালবাসিলেই মাতৃভক্তির ভ্রাস হইয়া যাইবে। হয়! তাঁহারা জানেন না, 'দাম্পত্য প্রণয়' এবং 'মাতৃভক্তি' যে সম্পূর্ণ বিভিন্ন।

পুত্র যদি মূর্থ হয়, (আমি এ স্থলে মূর্থ অর্থে বিশ্ববিদ্যালয়ের ডিগ্রীরহিত মূর্থের কথা বলিতেছি না; কিন্তু এম্.এ, বি.এ, উপাধিধারী হইয়াও যাহারা মূর্থের স্থান কাণ্ডজ্ঞানরহিত নির্দোষ, তাঁহাদের কথাই বলিতেছি) তাহা হইলে ত কথাই নাই, বালিকা বধুর যজ্ঞণার মাত্রা যোল আনা বৃদ্ধিত হয়। মেহ ও করুণার পরিবর্তে অসহ্য বাক্যবাণ ও নিগ্রহই সর্বকণ তাহার সহচর হয়। মাতৃপ্ৰীতার্থে বালিকাকে কর্কশ বাক্যে এবং অপ্রিয় ব্যবহারে জর্জরিত করিয়া

সেই গুণধর পুত্র অনেক সময় মাতৃভক্তির পরাকাষ্ঠা দেখায়। জননীও গর্ভের সহিত সকলের নিকট পুত্রের মাতৃভক্তির পরিচয় দিয়া থক্ক হন। এতদ্বারা ভবিষ্যতের গর্ভে তাহার যে কি বিষয় ফল নিহিত হইল, তাহা তিনি একবারও ভাবিয়া দেখেন না।

আর সে বালিকা বধূর দশম। তাহার একমাত্র সদল অহনিশি অশ্রুজল। অল্প বয়সে পিতামাতা হইতে বিচ্ছিন্ন হইয়া, স্নেহ সহানুভূতির পরিবর্তে সে স্বামী ও স্বশ্রু উভয়ের নিকট হইতে যন্ত্রণা ও বাক্যবাণ প্রাপ্ত হয়। অনেক স্থলে জ্ঞানহীনা বালিকা যন্ত্রণা ও নিগ্রহ সহ করিতে না পারিয়া হয়তো আত্মহত্যা করিয়া সকল জালায় অবসান করে। আর স্বশ্রুদেবী পুত্রের আর একটা বিবাহ দিয়া, এবং সেই সঙ্গে ৩৫ পাঁচ সহস্র রোপা মুদ্রা যৌতুক লাভ করিয়া আরও সুখী হন। কিন্তু তাহাতে কি তাহার স্বভাবের পরিবর্তন হয়? নব বধূর উপর নিগ্রহ কি কম হয়? না, বরং মাতার আরও বৃদ্ধি হয়, এবং বার বার পুত্রের বিবাহ দিয়া অর্থ উপার্জন ব্যবসার মধ্যে দাঁড়ায়। কিন্তু তাহাতে কি পুত্র কখন শান্তি পায়? অবশ্য আমি এ কথা বলিতেছি না যে, সকল স্বশ্রুই এইরূপ। বাহাদের দ্বীর সহিত 'প্রণয়' জন্মিয়াছে, তাহারা চিরদিনের মত মাতার দোষে শান্তিহীন হয়। এই সকল অশান্তির মূল কারণ একমাত্র হিন্দু রমণীর শিক্ষার অভাব।

পুত্র শিক্ষিত হইলেও শিশুকাল হইতে

অশিক্ষিতা মাতার যে সকল অভ্যুচিত ব্যবহার দেখিয়াছে ও শিখিয়াছে, তাহা শত চেষ্টা সত্ত্বেও ভুলিতে পারে না। শৈশবের শিক্ষা ভোলা এক প্রকার অসম্ভব। জ্ঞানি না উচ্চ শিক্ষা লাভ করিয়া মস্তিষ্ক পরিষ্কার হইলেও কেন লোকের উপযুক্ত জ্ঞানের অভাব হয়! মাতা পরম গুরু বটে, কিন্তু মাতৃবাক্য হইলেই যে হিতাহিত বিবেচনা না করিয়া তাহা মানিয়া লইতে হইবে তাহার কোন অর্থ নাই। ইহাতে ভ্রমরূপ ক্ষতি হয়, এমন কি বংশটী পর্য্যন্ত কলুষিত হইয়া যায়, সেটাও বিবেচনা করা কীৰ্ত্তব্য। সেই বংশের সম্বন্ধেও যে নীচতা, হীনতা এবং অভ্যুচিত ব্যবহার সকল শিক্ষা করিবে, সে বিষয়ে কোন সন্দেহ নাই।

আবার দেখিয়াছি অনেক স্বশ্রু-দেবীরা 'স্মৃতি ব্যাদি'-প্রস্তা করেন। তাঁহাদের বধূদিগের যন্ত্রণার কথা প্রত্যক্ষ না করিলে শিখিয়া বুঝান সম্ভব নহে। তাঁহাদের একমাত্র পবিত্র দ্রব্য গোময়! তাঁহারা প্রত্যেক দ্রব্যেই গোময় মিশ্রিত বারি ক্ষেপণ করিয়া সর্বদা পবিত্রতা রক্ষা করিয়া থাকেন। আর সেই সঙ্গে বধূদেরও দিনের মধ্যে ৩৪ বার করিয়া সেই গোময়-মিশ্রিত জলে স্নান করাইয়া পবিত্র করিয়া লন। ইহার উপর বাটীর পুরুষদিগের কোন কথা বলিবার অধিকার নাই।

গৃহিণীর 'ব্রহ্ম অস্থ' সম্বার্কণীর এতই প্রভাব যে, ভয়েতে কাহারও কোন কথা বলিতে সাহস হয় না। স্ততরাং